

Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

ԱՐՈՒՆԻ

ՏԱՐԱՆԱԿՆԵՐ

ՏԱՐՏԱՐԵՆԸ



ՊԵՏՅՐԱՆ  
1936

845

7-68

- 6 NOV 2011

84 Լ

ԱԼԵՔՍԱ ԴՈՒԵ

7-68

պր.

# ՏԱՐԱՍԿՈՆՑԻ ՏԱՐՏԱՐԵՆԸ

ՔԱՐԳՄԱՆՈՒԹՅՈՒՆԸ ԲՆԱԳՐԻ ՀԱՄԵՄԱՏՈՒԹՅԱՄԲ ԽՄԲԱԳՐԵՑ  
Վ. ԹԵՐԶԻԲԱՆՇՅԱՆ

1800  
41845  
51814  
J 084



ՈՅՏԱԿԱՆ ՀՐԱՏԱՐԱԿՉՈՒԹՅՈՒՆ  
ՍՊՐՈՎԱՆ 1937




ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԴԱՐԱՆ

ՀԱՅԿԱՍՏԱՆԻ ԿՈՄՍՅՈՒՆԱՐԻ ԳՐԱԴԱՐԱՆ

Պատ. խմբագիր՝ Ա. Հ ա յ Ր յ ա Ն  
Տեխ. խմբ.՝ Հ. Կ ա Ր ա Վ ե ս յ ա Ն  
Սրբագրիչ՝ Ս. Շ ա հ բ ա զ յ ա Ն

Հրատ. 3745. Գլավ. լիագոր Կ. 1106  
Պատվեր 691. Տիրամ 4000

Հանձնված է արտադրության 15 մայիսի 1936 թ.  
Ստորագրված է տպագրության 27 դեկտեմբերի 1936 թ.



Ա.ՈՍԶԻՆ ԴՐՎԱԳ

ՏԱՐԱՍԿՈՒՈՒՄ

## ԲԱՈՒՄԱՔԻ ՊԱՐՏԵՉԸ

Իմ առաջին անցելու թյունը Տարասկոնցի Տարտարենին, վորպես անմոռանալի մի թվական փնացել է հիշողությանս մեջ-արդեն տասներկու թե տասներեք տարի յե անցել այն որից, բայց այժմ ել անպես պայծառ եմ հիշում այդ, վոր կարծես թե չերեկ յեղած լիներ: Անվեհեր Տարտարենն այն ժամանակ ապրում եր քաղաքի մուտքի մոտ Ավինյոնի ճանապարհի վրա — ձախ թեվի չերրորդ տանը: Այդ մի փոքրիկ սիրուն վիլլա յեր տարասկոնյան վոճով, առջևում պարտեզ, յետեվում պատըշ-գամբ, ձեփ-ձերմակ պատերով, կանաչ փեղկավոր լուսամուտներով, իսկ դռան առաջ մի խումբ փոքրիկ սավոյարներ<sup>1)</sup> ամեն որ խաղ եյին անում կամ մրափում արևի տակ, գլուխը դրած իրենց կոշկաներկի արկղների վրա:

Դրսից այդ տունը նշանավոր վոչինչ չուներ:

Մարդ յերբեք չեր կարող կարծել, թե այդ մեր հերոսի կացարանն է: Սակայն, յերբ ներս ելինք մտնում, ո՛, ուրիշ բան եր, ուրիշ բան...

Նկուղից մինչև կտուրն ամբողջ տունը հերոսական կերպարանք ուներ, մինչև անգամ պարտեզը...

Ո՛, Տարտարենի պարտեզի նմանը յերկու հատ ել չեք գտնի ամբողջ Յեվրոպայում: Վոչ մի տեղական ծառ, վոչ մի ֆրանսիական ծաղիկ, միայն և միայն արևադարձային եկզոտիկ բույսեր, խեփի ծառեր, դդմենիներ, բամբակենիներ, կոկոսի, բանանի ծառեր, հնդիկ կեռասենիներ, արմավենիներ, մի բառաբ, հնդիկ թզենիներ, կակտուսներ, — այնպես վոր մարդ իրեն կարծում եր Կենտրոնական Աֆրիկայի խորքե-

<sup>1)</sup> Սավոյար — սավոյացի, այստեղ նշանակում է թափառաչջիկ յերեխա: Մ. խ.

բում, Տարասկոնից տասը հազար մղոն հեռու: Ինչ խոսք, վոր այս բոլորը բնական մեծությամբ չեյին: Այսպես որինակ— հնդկական ընկուզենիներն իրենց մեծությամբ հազիվ թե ճակընդեղի չափ լինեյին, իսկ բառբարը (հսկա ծառը, arbor gigantea) շատ ազատ կերպով տեղավորված ե հափրուկի ծաղկամանի մեջ: Բայց այդ վոչինչ, տարասկոնցիների համար այդ ել շատ ու շատ եր: Յերբ նրանցից մեկն ու մեկը կիրակի որերը բախտ եր ունենում մտնել Տարտարենի պարտեզը և աչքի անց կացնել նրա բառբարը, նա միանգամայն հիացած եր դուրս գալիս այնտեղից:

Այժմ ինքներդ կարող եք մտածել, թե ինչքան սաստիկ եր իմ հուզմունքը, յերբ առաջին անգամ անցնում եյի այդ հրաշալի պարտեզով... Սակայն ուրիշ բան եր, յերբ վոտքս ներս դրի հերոսի առանձնասենյակը:

Այդ առանձնասենյակը, վոր Տարասկոնի հրաշալիքներից մեկն եր, գտնվում եր պարտեզի խորքում չեվ նրա ապակեպատ դուռը բացվում եր ուղիղ դեպի բառբարը:

Յերևակայեցեք ձեզ մի ընդարձակ դահլիճ հատակից մինչև առաստաղը զարդարված թրերով և հրացաններով, ամեն յերկրի ամեն տեսակ զենքեր դուք կարող եյիք գտնել այնտեղ — կարբիններ, անգլիական հրացաններ, ատրճանակներ, դանակներ, սրեր, թրեր, կորսիկական դաշույններ, նիզակներ, նետեր, կաստետներ, հոտենտոտյան մահակներ, մեքսիկական լաստոներ... և վորն ասեմ:

Այդ ամենի վրա մեծ անողոք մի արև, վորը շողշողացնում եր լայն թրերի պողպատը յեվ հրագեներրի կոթը, կարծես մարդու վրա ել ավելի սարսուռ ազդելու համար: Միակ բանը, վոր փոքր ինչ մարդու սարսափը մեղմացնում եր, այդ այն որինակելի սարք ու կարգը և մաքրությունն եր, վոր տիրում եյին այդ զինանոցում: Ամեն բան կարգին իր տեղը դրած, մաքրած, սրած և նշանակված եր ինչպես զեղարանում, տեղ-տեղ կախված եյին այսպիսի մակագրություններ—

Թ Ո Ւ Ն Ա Վ Ո Ր Վ Ա Մ Ն Ե Տ Ե Ր — Ձ Ե Ռ Ք Չ Տ Ա Ք  
Կամ

Լ ց ր ա ծ Ե Ե — Գ Գ Ն Լ Ե Ե Ե Ե Ե

Յեթե այդ մակագրությունները տեսած չլինեյի, հազիվ թե համարձակվեյի ներս մտնել:

Առանձնասենյակի մեջտեղում դրված եր մի կլոր սեղան. սեղանի վրա մի շիշ ոռմ, մի տաճկական ծխախոտի քմակ, Վնավապետ կուկի ճանապարհորդությունները, կուպերի յեվ Գուստավ Եմարի վեպերը, զանազան պատմություններ. արջերի, փղերի և բազենների վորսորդության մասին և այլն: Վերջապես այդ սեղանի առաջ նստած եր մի մարդ — քառասուն - քառասունհինգ տարեկան, կարճահասակ, հաստլիկ, լայն թիկունքով, կարմիր թշերով, հագին միայն շապիկ և բրդյա վարտիկ, խիտ ու կարճ միրուքով և վառվուռն աչքերով: Մի ձեռքում նա բռնել եր մի գիրք, իսկ մյուս ձեռքով ճոճում եր մի հագին ծխամորձ յերկաթյա կափարիչով, և կարդալով, ով գիտե ինչ անուխ վորսորդական մի պատմություն, նա իր ներքևի շրթունքը դեպի առաջ յերկարացնելով, մի այնպիսի սոսկալի ծամածուռություն եր անում, վոր տարասկոնցի քաղքենու նրա բարեմիտ դեմքին տալիս եր պարզամիտ անավորության այն բնույթը, վոր տիրում եր ամբողջ տան մեջ:

Այդ մարդը Տարտարենն եր, Տարասկոնցի Տարտարենը, անվեհեր, մեծ և աննման Տարասկոնցի Տարտարենը:

## Ը Ն Դ Հ Ա Ն Ո Ւ Ր Ա Կ Ն Ա Ր Կ Յ Ե Ր Չ Ա Ն Ի Կ Տ Ա Ր Ա Ս Կ Ո Ն

### Ք Ա Ղ Ա Ք Ի Վ Ր Ա

#### Գ Լ Ե Ա Ր Կ Ի Վ Ո Ր Ս Ո Ր Գ Ն Ե Ր Ը

Այն ժամանակ, վորի մասին խոսում եմ յես, Տարասկոնցի Տարտարենը դեռևս այն Տարտարենը չեր, ինչ վոր այսօր ե— Տարասկոնցի մեծ Տարտարենը, վորն այնքան ժողովրդական ե ամբողջ հարավային Ֆրանսիայում: Սակայն նույնիսկ այդ ժամանակն ել նա արդեն մի թագավոր եր Տարասկոնում:

Տեսնեք թե ինչպես հասավ նա այդ բարձր աստիճանին:

Ամենից առաջ պետք ե լավ իմացած լինենք, վոր բոլոր տարասկոնցիները սկսած մեծից մինչև փոքր, ամենքն ել վորսորդներ են: Վորսորդությունը տարասկոնցիների սիրտն ու հոգին ե սկսած այն առասպելական ժամանակներից, յերբ Տարասկոն անունով հրեշն ավերներ եր դործում այդ քաղաքի ճահճուտներում, և յերբ տարասկոնցիները ստիպված եյին անդա-

դար արշավանքի դուրս գալ նրա դեմ: Ինչպես տեսնում եք, այս բանը շատ հին է:

Այսպես ուրեմն, ամեն կիրակի առավոտ ամբողջ Տարասկոնը գեներ եր վերցնում և դուրս գալիս քաղաքից՝ հրացանն ուսին, պարկը մեջքին, վորսորդական փողերի և վորսորդական շների հաջողները աղմկալի ընկերակցությամբ: Գեղեցիկ և սքանչելի յեր այդ տեսարանը... Միայն դժբախտաբար Տարասկոնում վորսի վոչ մի կենդանի չկար, դեղի համար մի հատ ել չեյիք կարող գտնել:

Ինչքան ել վոր անբան լինեն կենդանիները, այնուամենայնիվ վերջի վերջո նրանք ել են խեղճանում:

Ամբողջ Տարասկոնի շրջակայքում հինգ մղոն տարածությամբ կենդանիների վորջերը դատարկ են, թռչնի ընեբը լքված: Վոչ մի հատ լոր, վոչ մի հատ կեռնեխ, վոչ մի ճագարիկ, վոչ նույնիսկ ամենափոքր մի ծիտ:

Սակայն վորքան զբաղվիչ են այդ գեղազվարճ բլրակները, վորոնց վրա տարածված է մրտենիների, խնկենիների և անուշահոտ նարդոսների բույրը, խաղողի գեղեցիկ վորթերը աստիճան առ աստիճան ծածկում են Ռոնա գետի ափերը. սատանան տանի, վորքան քաղցրահամ են նրանց վողկույզների լիքը հատիկները... Այն, բայց չնայելով այդ ամենին, Տարասկոնի համբավը շատ վատ է թե չորքոտանիների և թե թևավորների փոքրիկ աշխարհում: Նույնիսկ չվող թռչուններն իրենց չվացուցակում մի անագին խաչ են դրել Տարասկոնի անվան դիմաց: Յեվ, յերբ վայրի բաղերը յերկայն յեռանկյունիներ կազմած, իջնում են դեպի կամարգ կղզին, հենց վոր հեռվից նկատում են քաղաքի զանգակատները, յերամի առաջնորդն իսկույն խիստ բարձր ձայնով կանչում է — «Ահա Տարասկոնը, ահա Տարասկոնը»... և ամբողջ յերամը մեկ անգամից թեքում է ճանապարհը:

Մի խոսքով վորսի կենդանիներից ամբողջ յերկրում միայն մի հատիկ ծեր նապաստակ է մնացել, վոր չգիտես ինչ հըրաշքով կարողացել է խուսափել տարասկոնցիների կազմակերպած կոտորածից և համառորեն շարունակում է ապրել այդ յերկրում: Այդ նապաստակը հայտնի չե ամբողջ Տարասկոնին. մինչև անգամ առանձին անուն են տվել նրան — Ճեպընթաց: Ամենքը գիտեն, վոր այդ նապաստակն ապրում է պրոնպարի կավածում և, — չմոռանանք հարևանցի կերպով հի-

շել, հենց այս պատճառով ել այդ կավածի գինը կրկնապատկվել և յեռապատկվել է, — սակայն մինչև այսոր դեռ վոչ վոք չի կարողացել բռնել նրան:

Այսորվա որը հազիվ յերկու կամ յերեք համառներ գտնվեն, վորոնք դեռևս ձեռք չեն քաշել այդ նապաստակից: Մյուսները վաղուց արդեն հույսը կտրել են. այնպես վոր Ճեպընթացն այժմ մի տեսակ տեղական սնահավատության առարկա չե դարձել տարասկոնցիների համար, չնայած վոր տարասկոնցիներն առհասարակ սնահավատ ժողովուրդ չեն և խորոված ծիծեռնակ ուտում են, յերբ ձեռք են գցում:

— Շատ լավ, կասեք դուք, յեթե վորսի կենդանիներ չկան, հապա ել ի՞նչ են անում Տարասկոնի վորսորդները ամեն կիրակի:

Ի՞նչ են անում:

Ահա թե ինչ են անում: Դուրս են գալիս դաշտը քաղաքից յերկու-յերեք մղոն հեռու. բաժանվելով փոքրիկ խմբերի, հինգ հոգի այստեղ, վեց հոգի այնտեղ, նստում կամ թիկն են տալիս մի վորևե ջրհորի, քանդված պատի կամ ձիթենու շվաքի տակ, բաց են անում իրենց վորսորդական պալուսակները, հանում են մի-մի կտոր լավ տապակած յեղան միս, մի քանի գլուխ սոխ, մի քանի հատ յերշիկ, յերեմն ել տեսակ-տեսակ փոքրիկ ձկներ և սկսում են մի անվերջանալի նախաճաշ: Ռոնայի հրաշալի գինին ել իհարկե անպակաս է, մեկն այն գինիներից, վորոնք ուրախացնում են մարդու սիրտը և յերգել տալիս: Վերջապես լավ կազդուրվելուց հետո վեր են կենում, շներին կանչում են, հրացանները լցնում և սկսում են վորսալ: Այսինքն այդ պարոններից ամեն մեկն իր գլխարկը վերցնում է, ամբողջ ուժով նետում դեպի վեր և ողի մեջ կրակում — հինգ, վեց կամ յերկու կալիբրի մանր գնդակներով, նայած պայմանին:

Ով ամենից շատ նշանին խփի, նա ել ընտրվում է վորսի թագավոր և յերեկոյան հաղթական կերպով մտնում է Տարասկոն շների հաջողով և փողերի աղաղակով, ծակծկված գլխարկը հրացանի ծայրին ցցած:

Ավելորդ է անշուշտ ձեզ ասել, վոր քաղաքում գլխարկի մեծ առևտուր կա, կան նույնիսկ գլխարկավաճառներ, վորոնք ծախում են նախապես ծակծկած և պատառոտած գլխարկներ խալ վորսորդների համար, սակայն դեղագործ Բեղուքեն է միայն,

վոր ինչպես հայտնի յե, գնում ե զրանցից: Դա անպատվություն ե:

Գլխարկի վորսորդության մեջ Տարասկոնցի Տարտարենը իր մրցակիցը չուներ: Ամեն կիրակի առավոտ նա տնից դուրս ե գալիս մի բոլորովին նոր գլխարկ գլխին և ամեն կիրակի յերեկոյան վերադառնում ե գլխարկից մնացած մի փոքրիկ լաթով: Բառարբի համեստ տան ամբողջ վերնահարկը լիքն եր այդ փառավոր հաղթանակի նշաններով: Դրա համար ել բոլոր տարասկոնցիները նրան համարում եյին իրենց պետը, և վորովհետև Տարտարենը լավ տեղյակ եր վորսորդության բոլոր կանոններին, կարգացել եր ամեն տեսակի վորսորդության վերաբերյալ բոլոր ձեռնարկները, բոլոր ուսումնասիրությունները, սկսած գլխարկի վորսորդությունից մինչև Բիբմանյան վագրի վորսորդությունը, ուստի և այդ պարոնները միաձայն ընտրել ելին նրան դատավոր և իրավարար իրենց վեճերի ժառանակ:

Ամեն որ ժամի յերեքից մինչև չորսը զինավաճառ Կոստեկալի խանութում կարելի յե տեսնել մի հաստլիկ, ծանրախոհ մարդ, ծխամորճը բերանին, կաշեպատ թիկնաթոռի վրա բազմած և շրջապատված գլխարկի վորսորդներով, վորոնք վտաքի վրա կանգնած ազմկալի վիճում եյին: Այդ մարդը Տարասկոնցի Տարտարենն ե, վորը դատաստան ե կտրում—իբրև Ներբովթ<sup>1)</sup> և Սողոմոն իմաստուն միաժամանակ:

**ՎԱՊ, ՎԱՊ, ՎԱՊ:—ՅԵՐՁԱՆԻԿ ՏԱՐԱՍԿՈՆ ՔԱՂԱՔԻ ՎՐԱ ՆԵՏՎԱԾ ԱԿՆԱՐԿԻ ՇԱՐՈՒՆԱԿՈՒԹՅՈՒՆԸ**

Բացի վորսորդությունից քաջասիրտ տարասկոնցիները մի ուրիշ բանի ել մեծ սեր ունեյին— այն ե, ոռոմանների անհավատալի քանակությամբ ոռոմաններ են սպառվում այս փոքրիկ յերկրում: Աշխարհի յերեսին ինչքան հնացած ու մոռացված յերգեր կան, այդ բոլորը դուք կգտնեք Տարասկոնում, նրանք այստեղ դեռևս թարմ են մնացել: Ամեն մի ընտանիք ունի սեփական ոռոմանսը և ամենքը գիտեն թե վոր յերգը վոր ընտանիքինն ե: Որինակի համար ամենքը գիտեն, վոր դեղավաճառ Բեդյուքեյի ոռոմանսը հետևյալն ե.—

1) Ներբովթ կա Նեմրոդ— Պարզեայի առասպելական թագավորը, վորը յեղել ե քաջ և ճարպիկ զորսորդ: Մանր. խմբ.



Ո՛վ պայծառ աստղ, պատսելի յես ինձ համար...

Զինավաճառ Կոստեկալդի ոտմանսն ե՛

Կուզեցնալի՞ր գնալ հյուղակների աշխարհը...

Իսկ քաղաքային հարկահավաքինը՝

Յեքե յիներյի անսեսանելի, ինձ մարդ չեք սեսնի...

(Յերգիծական յերգ)

Յե՛վ այդպես եր ամբողջ Տարասկոնը: Շարաթը յերկու թե յերեք անգամ հավաքվում են իրար մոտ և ամեն մեկն սկսում է իր ոտմանսը յերգել:

Չարմանալին այն է, վոր միշտ միևնույն յերգերն են յերգվում և վաղ ժամանակներից սկսած քաջ տարասկոնցիները յերբեք չեն մտածել իրենց ոտմանները փոխելու մասին: Յերգերը ժառանգաբար անցնում են սերնդից-սերունդ և մնում անփոփոխ վորպես սրբութուն: Մեկի մտքովն անգամ չի անցնում գոնե զանազանության համար փոխել իր յերգը մեկ ուրիշի յերգի հետ: Այսպես որինակ, յերբեք Կոստեկալդի ընտանիքի մտքով չեք անցնում յերգել Բեզյուքեյի ընտանիքի յերգը, և վոչ էլ Բեզյուքեյի ընտանիքն է մտածում Կոստեկալդի յերգը բերան առնել:

Անշուշտ դուք պիտի յենթադրեք, վոր նրանք շատ լավ պիտի իմանային այդ բոլոր ոտմանները, քառասուն տարի շարունակ յերգելով իրար ներկայութեամբ: Բայց վճշ, ամեն մեկը պինդ պահում է իր ոտմանսը և ամենքն էլ գոհ են:

Յերգեցողութեան մեջ էլ, ինչպես և գլխարկի վորսորդութեան մեջ, առաջին տեղը բռնում էր Տարտարենը: Նրա առավելութունն այն էր, վոր նա ինքն իր սեփական ոտմանսը չունեք, այլ յերգում էր բոլոր յերգերն էլ:

Բողոքն էլ...

Միայն թե մարդ կասեմ, յեթե կարողանաք նրա բերանը բաց անել ու յերգել տալ. վաղուց արդեն սալոնական հաջողութուններից ձանձրացած մեր տարասկոնցի հերոսն ավելի լավ է համարում խորասուզվել վորսորդական գրքերի ընթերցանութեան մեջ և կամ ժամանակ անցկացնել քաղաքային ա-



կումբում, քան թե գավառական դաշնամուրը առաջ կանգնած չերկու տարակոնյան մոմի արանքում քաղցր ուսմաններ չերգեր: Այդ յերաժշտական հանդեսները նա իր արժանապատ- վությունից ցածր եր համարում...

Բայց և այնպես յերբեմն-յերբեմն, յերբ յերաժշտական յերեկույթներ ելին լինում դեղագործ Բեզյուլեյի մոտ, նա իբր թե պատահամբ մտնում եր դեղատուն և յիրկար չեմ ու չում անելուց հետո վերջապես համաձայնում եր տիկին Բե- ղյուլեյի հետ միասին «Ռոբերտ Դեվի» նշանավոր դուետը յերգել... Ո՛վ չի լսել այդ, նա առհասարակ վոչինչ չի լսել... Յեթե յես հարյուր տարի ել ապրելու լինեմ, դարձյալ կենդա- նի պիտի լինի իմ առաջ մեծ Տարտարենի այդ պատկերը. անա հանդիսավոր քայլերով մոտենում ե նա դաշնամուրին, անա հենվում ե նա իր բազուկների վրա, անում ե իր սովորական ծամածուծությունը և դեղատան ցուցափեղկերում փայլող խոշոր սրվակների կանաչավուն ցուլքերի տակ փորձում ե իր բարե- համբույր գեմքին տալ Ռոբերտ Դեվի անուխի ու դժոխային արտահայտությունը:

Հազիվ նա կանգնում ե դաշնամուրի առաջ, և անա մի սարսուռ ե անցնում ամբողջ դահլիճով. ամենքը զգում են, վոր բոպեն հանդիսավոր ե և անա մի շատ նշանավոր բան պիտի կատարվի... Այն ժամանակ կարճ լուսթյունից հետո տիկին Բեզյուլեյն սկսում ե նվագել ու յերգել:

Ռոբերտ, վորից յես սիրում եմ,  
Սիրսու ու հոգիս նվիրում եմ,  
Անգուր, նա՛յիր ցավերս տես (կրկին)  
Ոն, խղճա ինձ,  
Խղճա յե՛վ քեզ:

Տիկինը ցածր ձայնով ավելացնում եր. «Տարտարեն, սկսե- ցեք», իսկ Տարտարենի Տարտարենը բազուկը դեպի առաջ պարզած, բունցքները սեղմած, ունեղները դողդոջուն, անուխի ձայնով յերեք անգամ վորոտում եր. «Վա՛չ, վո՛չ, վո՛չ», վոր նրա հարավային արտասանությամբ դուրս եր գալիս «Վա՛չ, վա՛չ, վա՛չ» և նրա անուխի ձայնից դաշնամուրի լարերը թրթռում ե- յին, վորից հետո տիկին Բեզյուլեյն նորից կրկնում եր.



Ո՛ն, խղճա ինձ,  
Խղճա յե՛վ քեզ...

— «Վա՛չ, վա՛չ, վա՛չ» — գոռում եր Տարտարենն ել ավելի ուժով, և դրանով ել վերջանում եր նշանավոր դուետը:

Ինչպես տեսնում եք, յերգածը մեծ բան չեք, բայց այն- պես հաջող եր կատարումը, այնքան բնորոշ եր միմիկան, այնպես դիվական, վոր ամենքն անից սարսուռում ելին և չորս- հինգ անգամ անընդհատ ստիպում ելին նրան կրկնել իր վո- բոտալից «Վա՛չ, վա՛չ»-ը:

Այնուհետև Տարտարենը ճակատը սրբում եր, սիրալիք ժպտով տիկիններին, տղամարդկանց աչքով անում և հաղթա- կան կերպով ուղևորվում դեպի սկումբը: «Բեզյուլեյների մոտ ելի, — ասում եր նա այնտեղ անհոգությամբ, — դարձյալ ստի- պեցին «Ռոբերտ Դեվի» դուետը յերգել»:

Բայց ամենից գլխավորն այն ե, վոր ինքն ել հավատում եր իր ասածին...

Ն Ր Ա Ն Ք

Ահա այդ բազմապիսի տաղանդների շնորհիվ եր, վոր Տարտարենի Տարտարենը այսպիսի բարձր դիրք եր ստացել ամբողջ քաղաքում:

480154815



Անտարակույս, նա կարողացել էր միանգամայն գրավել ամենքի սիրտը:

Տարասկոնում բանակն ամբողջապես նրա կողմն էր: Հանդերձանքի պաշտոնաթող կապիտան քաջահաղթ հրամանատար Բրավիդան նրա մասին ասում էր. «Ա՛յ, տղամարդ եմ ասել», և պետք է լինթաղընել, վոր կապիտանը լավ պիտի ճանաչեր «տղամարդկանց», իր որում նրանցից շատերին հանդերձանք մատակարարելով:

Դատարանական կազմը Տարտարենի կողմն էր: Ծերունի նախագահ Լադըվեզը դատարանի նիստում յերկու թե յերեք անգամ նրա մասին խոսելիս ասել էր.

— Այդ մարդը խարակտեր ունի:

Վերջապես ժողովուրդն էլ Տարտարենի կողմն էր: Նրա լայն թիկունքը, նրա հպարտ քայլվածքը, նրա ամբողջ կերպարանքը, վորով նա նմանվում էր մարտական նժույգի, նրա հերոսական համբավը, վորը չգիտես թե վորտեղից էր ծագել և վերջապես այն պղնձադրամներն ու ապտակները, վոր նա բաժանում էր իր դռանը թրեվ լեկող փոքրիկ կոշիկ սրբողներին, այդ ամենը նրան դարձրել էին մի տեսակ տեղական լորդ Մեյմոլը, տեղական փոքրիկ թագավոր: Կիրակի յերեկոները, յերբ նա իր վորսորդական բաճկոնակի մեջ սեղմված և գլխարկի գզգզված կտորը հրացանի ծայրին տնկած, վորսից վերադառնում էր քաղաք, Ռոնայի նավահանգստի բեռնակիրները խորին հարգանքով գլուխ եյին տալիս նրան և աչքի տակով իրար ցույց տալով նրա թեվերի հաստ մկանները հիացմունքով փսփսում էյին.

— «Ա՛յ, ուժ եմ ասել, մարդը կրկնակի մկաններ ունի»:

Կրկնակի մկաններ...

Միայն Տարասկոնում կարելի յե այդ տեսակ բան լսել:

Ցեվ սակայն չնայած այդ ամենին, չնայած իր բազմակողմանի շնորհքներին, չնայած իր կրկնակի մկաններին և վերջապես ժողովրդի ընդհանուր համակրությունը, քաջ հրամանատար Բրավիդայի անգնահատելի հարգանքին, այնուամենայնիվ Տարտարենը յերջանիկ չէր. այդ փոքրիկ քաղաքը նրան շատ հեղ էր թվում, նա ճնշվում, խեղդվում էր այնտեղ: Տարասկոնի մեծ զավակը ձանձրանում էր Տարասկոնում: Բանն այն է, վոր Տարտարենի հերոսական հոգին, նրա արկածախնդիր բնավորությունը, վոր միշտ ճակատամարտեր, պամպասներում

արշավանքներ, վտանգավոր վորսորդություններ, ավազոտ անապատներ, փոթորիկներ ու տալֆուներ էր յերազում, չէր կարող գոհանալ այնպիսի չնչին բաներով, ինչպես կիրակնորյա գլխարկի վորսորդությունը և կամ զինավաճառ Կոստեկալի խանութում դատաստան կտրելը: Խեղճ մեծ մարդ, այդ տեսակ կյանքը վերջ ի վերջո կարող էր մաշել, հյուժել նրան:

Ձուր էր նա աշխատում հորիզոնը լայնացնելու, կամ տաղտկալի աղուժը և շուկայի հրապարակը մոռանալու համար շրջապատել իրեն բառբարով և Աֆրիկայի այլ բույսերով. զուր էր նա դարսում զենք-զենքի վրա, մալայան դաշույնը մալայան դաշույնի վրա. զուր էր նա անմահ Դոն Կիխոտի նման իր գլուխը լցնում վիպական գրքերի ընթերցանությունը կտրվելու համար անողոք իրականությունից... Ավանդ, այդ ամենը վոչ միայն չէր հազեցնում նրա արկածախնդրության ծարավը, այլ ընդհակառակն ավելի բորբոքում էր: Այդ զենքերի տեսքը մշտապես նրան պահում էր գրգռված և զաղաղած վիճակում: Այդ հրացանները, նետերը, լասոնները աղաղակում էյին. «կռիվ, կռիվ»: Նրա բառբարի ճյուղերի մեջ փչում էր մեծ ճանապարհորդությունների քամին և չար խորհուրդներ փսփսում նրա ականջին: Մնացածն էլ լրացնում էյին Գոլաստավ Եմարը և Ֆենիմոր Կուպերը<sup>1)</sup>:

Ո, քանի-քանի անգամ ամառվա խեղդող կեսորից հետո, յերբ նա, լայն թրերով շրջապատված մենակ նստած կարդում էր, մոնչալով վեր է թռել տեղից, գերքը մի կողմ շարտել և վազել դեպի պատը՝ այնտեղից ցած բերելու զենքերի ժողովածուն:

Խեղճ մարդ. նա մոռանում էր, վոր Տարասկոնումն է, իր տանը նստած, գլուխը թաշկինակով փաթաթած, միայն վորստիկով: Իր կարգացածը նա իսկույն ուզում էր դործադրել և ինքն իր սեփական ձայնով վոզեորված, կացին կամ մի տոմահավի ճոճելով, աղաղակում էր.

— « Հապա, թող մի գան նրանք »:

Նրանք. բաց ովքեր են նրանք:

Տարտարենն ինքն էլ լավ չգիտեր այդ... Նրանք — դա այն ամենն է, ինչ հարձակվում է, այն ամենը, ինչ կռվում է, կծում, չանկռում, այն ամենը, ինչ քերթում է, ինչ վոռնում է, մոնչում է... Ահա թե ովքեր էյին նրանք. Սիուկս

<sup>1)</sup> Արկածալից վեպերի հեղինակներ: Մանոթ. խմբ.

ցեղի հնդիկը, վոր պարում ե ուղմական սյունին կապած թշվառ սպիտակամորթի շուրջը: Ապառաժոտ լեռները գորշ արջը, վոր արյունոտ լեզվով ինքն իրեն լիզում ե ու որորվում. ա- նապատների տուարեզը, Մալայան կղզիների ծովահենը, Աբրուց- յան կիրճերի ավազակը, — դրանք եյին նրանք. այսինքն այն ամենը, ինչ նշանակում ե պատերազմ, ճանապարհորդություն, արկածներ և փառք:



Բայց ավանդ, անվեհեր Տարասկոնցին զուր եր նրանց կան- չում, զուր եր նրանց մարտակոչ նետում, նրանք չեյին գա- լիս ու չեյին յերևում: Յե՛վ վճռակոչից կամ ինչո՞ւ նրանք պի- տի գային Տարասկոն:

Սակայն Տարտարենն ամեն ժամանակ նրանց սպասում եր. սպասում եր մանավանդ լեռեկոյան դեմ ահումբ գնալիս:

## ՅԵՐԲ ՏԱՐՏԱՐԵՆՆ ՈՒՂԵՎՈՐՎՈՒՄ ԵՐ ԴԵՊԻ ԱԿՈՒՄԲ

Տաճարական ասպետը, վորը պատրաստվում ե գրոհ տալ նրան պաշտոն անհավատների վրա, չինական վագրը, վորը կովի չե պատրաստվում, կոմանչ ցեղի ուղմիկը, վորը բռնում ե պատերազմի ուղին, — այս բոլորը վոչինչ ե համեմատած Տարասկոնցի Տարտարենի հետ, յերբ նա վտարից մինչև գլուխ սպառազինվում եր ահումբ գնալու համար յերեկոյան ժամ իննին, զինվորական հավաքի շեփոթից մի ժամ հետ:

Ռազմական տաղանայ, — ինչպես ասում են նավաստիները: Չախ ձեռքում Տարտարենը բռնում եր սրածայր յերկա- թյա լախտ, աջ ձեռքում՝ մի դաշուենավոր ձեռնափայտ, ձախ գրպանում մի կաստեռ, աջում — մի ատրճանակ. կրծքի վրա, բաճկոնակի և շապկի արանքում՝ մի մալայական դանակ: Թու- նավոր նետերին նա ձեռք չեր տալիս, վորովհետև նրանք կը- վի անազնիվ միջոցներ են...

Տնից դուրս գալուց առաջ նա իր սենյակում մի քանի բոպե վարժություն եր անում, նշան եր բռնում, մարմնամար- զական գանազան շարժումներ անում, հետո կեռ բանալիներ գրպանը դնելով, ծանրորեն ու հանդարտ քայլերով անցնում եր պարտեղից: Անգլիացու նման, պարոններ, անգլիացու նը- ման, սառնասրտությունը քաջության նշան ե: Հասնելով պար- տեղի ծայրը, նա ձեռքը տանում եր յերկաթյա ծանր դռանը և այնպես հանկարծակի ու այնպիսի ուժով բաց եր անում դուռը, վոր դուռը կպչում եր պատին: Այ, չեթե նրանք դռան յետե- վում լինեյին, կարող եք յերեկայեղ նրանց վիճակը: Բայց դժբախտաբար վոչ մի անգամ նրանք այնտեղ չեյին լինում:


Դուռը բացվելուց հետո Տարտարենը դուրս եր գալիս, սուր հայացք եր ձգում աջ ու ձախ, հետո նույն արագությամբ դուռը կողպում եր և ճանապարհ ընկնում:

Ավինյոնի ճանապարհի վրա կատու անգամ չի յերևում: Դռները փակ, լուսամուտները մուրթ: Ծուրը խավար ե: Յեր- բեմն հեռվում առկայծում են փողոցի լապտերները Ռոնա գե- տի մշուշի մեջ:

Հպարտ և հանդարտ քայլում եր Տարասկոնցի Տարտա- րենը զիշերվա խավարի մեջ: Լավում եյին նրա ներդաշնակ քայլերը և ձեռնափայտի հարվածները, վորի յերկաթե ծայրը կայծեր եր հանում փողոցի քարերից: Լինե՛ր բուլվար, լայն

պողոտա, թե նեղ փողոց, նա միշտ ճանապարհի մեջտեղով եր-  
 քայլում: Նախազգուշութեան սքանչելի միջոց, վոր հնարա-  
 վորութունն է տալիս հեռվից տեսնելու վտանգը, և մանավանդ  
 խուսափելու այն բոլորից, ինչ յերեկոները յերբեմն թափվում է  
 լուսամուտներից Տարասկոնի փողոցներում: Նրա այս խոհեմու-  
 թյունը տեսնելով, չկարծեք, վոր Տարտարենը վախենում էր...  
 վոչ, նա պարզապես զգուշանում էր:

Լավագուշն ապացույցը, վոր Տարտարենն անյերկչուղ էր,  
 այն է, վոր փոխանակ լայն, լուսավոր ծառուղիով ակումբը գը-  
 նալու, միշտ ընտրում էր ամենանեղ և ամենամութ փողոցնե-  
 րը, վորոնց վերջում յերևում են գետի չարագուշակ ալիքները



և այդպիսով ճանապարհը յերկարացնում համարյա ամբողջ  
 քաղաքի միջով: Խեղճ մարդը միշտ սպասում էր, վոր անհա-  
 այդ ծուռ փողոցներից սեկի անկյունում, գիշերվա խավարի  
 միջից նրանք յետևից հարձակում կգործեն իր վրա: Գլուխ  
 կտամ, վոր նրանցից վոչ մեկը վողջ չէր պրծնի նրա ձեռքից,  
 բայց արի ու տես, վոր բախտը յերբեք և վոչ մի անգամ չէր  
 արժանացնում նրան իր ցանկացած հանդիպման: Ամբողջ ճա-

նապարհի վրա մի շուն, մի հարբած մարդ անգամ չէր հանդի-  
 պում, վոչինչ...

Մակաչն յերբեմն պատահում էր կեղծ տագնապ: Հանկարծ  
 նրա ականջին դիպչում էյին քայլերի և խոսակցութեան խուր-  
 ձայներ... «Ուշադրութուն»,—ասում էր Տարտարենն ինքն ի-  
 րեն, կանգ առնելով, նայելով խավարի մեջ, նա կռանում ու ա-  
 կանջը կպոնում էր գետնին, հնդիկների սովորութեան համաձայն:  
 Քայլերն ավելի ու ավելի մոտենում են. խոսակցութեան ձայ-  
 ներն ավելի վորոշակի յեն դառնում... այլևս կասկած չի կա-  
 րող լինել, վոր նրանք մոտենում են, վոր յեկողները նրանք  
 են... Տարտարենն արդեն աչքերը կրակ կտրած, հեմվարով, հովազի  
 նման ինքն իր վրա կծկվում է, պատրաստվելով խոյանալ, ար-  
 ձակելով իր ուղիղ աղաղակը... յերբ մեկ էլ հանկարծ խավարի  
 միջից տարասկոնցու մեղմ ու բարի մի ձայն կանչում էր.

— Եհե, այդ դձու յես, Տարտարեն... Բարիկուն, Տարտարեն:  
 Անեծք: Բանից դուրս եր գալիս, վոր յեկողը դեղավաճառ  
 Բեգյուքեն է, վորն իր ընտանիքով վերադառնում էր Կոստե-  
 կալբի մոտից, վորտեղ նրանք յերգել էյին իրենցը:

— Բարի յերեկո, բարի յերեկո,— մըթմըթում էր Տար-  
 տարենը կատաղած, վոր սխալվել է, և ձեռնափայտը բարձր  
 բռնած կորչում էր գիշերային մթութեան մեջ:

Հասնելով ակումբի դռան մոտ, անվեհեր Տարասկոնցին,  
 դեռ մի քանի բոպե ներս չէր մտնում, այլ դռան առաջ անց  
 ու դարձ էր անում... Վեջապետ հոգնած նրանց սպասելուց  
 և համոզվելով, վոր նրանք այլևս չեն յերեվա, նա մի վերջին  
 սուր ակնարկ եր ձգում մթութեան մեջ և բարկացած մըմըն-  
 ջում. «վոչինչ... վոչինչ... յերբեք վոչինչ»:

Այդ ասելով քաջ Տարասկոնցին մտնում էր ներս և սկսում  
 էր իր սովորական թղթախաղը հրամանատարի հետ:

### ՅԵՐԿՈՒ ՏԱՐՏԱՐԵՆՆԵՐԸ

Բաց ինչպես էր յեղել, սատանան տանի, վոր արկած-  
 ների սիրահար, ճանապարհորդությունների և վտանգների հա-  
 մար հոգի տվող Տարասկոնցի Տարտարենը վոչ մի անգամ  
 վոտքը դուրս չէր դրել Տարասկոնից:

Փաստն այն էր, վոր մինչև քառասունհինգ տարեկան հա-  
 սակը մեր անվեհեր Տարասկոնցին իր ծննդավայրից դուրս,

վոչ մի տեղ դեռ չեր գիշերել: Նա մինչև անգամ չեր կատարել նշանավոր ճանապարհորդութիւնը դեպի Մարսել, թեև Մարսել գնալը մի տեսակ պարտք էր ամեն մի պրովանսացու համար: Նա հազիվ է ճանաչում Բոկերը, թեև Բոկերը գնալու համար հարկավոր է միայն մի կամուրջ անցնել, բայց այդ անիծած կամուրջն էլ այնքան յերկար է և միևնույն ժամանակ այնքան խախուտ, գետն էլ այդ տեղում այնքան լայն ու խոր է, վոր գիտէք... Տարտարենն ավելի լավ էր համարում ման գալ հաստատ հողի վրա:

Բանն այն է, պետք է խոստովանվել, վոր մեր հերոսի մեջ ապրում էին յերկու իրարից բոլորովին տարբեր բնավորութիւններ: «Յես զգում եմ իմ մեջ յերկու անձնավորութիւն» — ասել է յեկեղեցու հայրերից չգիտեմ վոր մեկը: Նույնը կարող էր ասել նաև Տարտարենը, վորը կրում էր իր մեջ յերկու ասպետ Դոն-Կիխոտի վոգին, նույն ասպետական ձրգտումները, նույն հերոսական իդեալը, նրա խելագարութեան հասնող վիպական նույն արկածասիրութիւնը: Դժբախտաբար նա չունէր հռչակավոր հիդալգոյի նիհար և վոսկրոտ կազմվածքը, այդ յերևութական մարմինը, վորի դեմ անդոր էին նյութական կյանքի հարվածները, վոր կարող էր քսան գիշեր առանց զրահ հանելու պառկել չոր գետնի վրա և քառասուն ութ ժամ անցկացնել միայն մի բուռը բրինձով... Տարտարենն ընդհակառակը բոլորովին այլ կազմվածքի տեր մարդ էր. նրա մարմինը շատ գեր էր, շատ ծանր, շատ զգայուն, շատ փափուկ ու քնքուշ, սովորած քաղքենու պահանջներին և խորժակներին. մի խոսքով Սանչո-Պանսայի նման հաստ փորով և կարլիկ վոտներով:

Դոն-Կիխոտը և Սանչո-Պանսան միևնույն անձնավորութեան մեջ. կարող էք յերևակայել, թե վորքան դժվար պետք է լիներ նրանց համար ապրել միևնույն հարկի տակ: Ինչ ճակատամարտեր, ինչպիսի յերկպառկութիւն: Ահա մի Պրիալոգ, վոր արժանի յե Լուկիանի կամ Սենտ-Եվրեմոնի<sup>1)</sup> գրիչին, մի խոսակցութիւն, վոր տեղի յե ունենում Տարտարեն-Կիխոտի և Տարտարեն-Սանչոյի միջև:

Տարտարեն - Կիխոսը վոգելորված Գուստավ Եմաբի պատմութիւններով, գոռում էր. «Յես գնում եմ»:

<sup>1)</sup> Լուկիան — հին հռոմեական յերգիծարան. Սենտ-Եվրեմոն ֆրանսիացի գրող (1610—1703): Մ. Խ.

Տարտարեն - Սանչոն, մտածելով միայն հողացավի մասին, պատասխանում էր. «Յես մնում եմ»:

Տարտարեն - Կիխոսը (սաստիկ վոգելորված). — Տարտարեն, ծածկիր ճակատդ փառքի պսակով:

Տարտարեն-Սանչոն (բոլորովին հանդարտ). — Տարտարեն, ծածկվիր ֆլանելով, կմրես:


Տարտարեն-Կիխոս (ավելի վոգելորված). — Ինչ սքանչելի յերկհարվածյան հրացաններ, լուստոներ...

Տարտարեն - Սանչոն (ավելի և ավելի հանդարտ). — Ինչ հրաշալի բրդե բաճկոններ, ինչ տաք գուլպաներ, ինչ սպահով գլխարկներ:

Տարտարեն-Կիխոս (բոլորովին կատաղած). — Կացին, մի կացին ավելք ինձ:

Տարտարեն-Սանչոն (աղախնին ձայն տալով). Ժանեթ, շոկուղա բեր:

Յեվ սպա ներս է մտնում Ժանեթը — բերելով սքանչելի



շողորդ, տաք-տաք, անուշահոտ, հետն ել քաղցրահամ ա-  
նխոնի կարկանդակներ, վորոնց տեսքն անասելի խինդ ե-  
պատճառում Տարտարեն-Սանչոյին, խլացնելով Տարտարեն-  
հիխոտի բողոքները:

Ահա թե ինչպես եր յեղել, վոր Տարասկոնցի Տարտարենը  
կերեք զուրս չեր լեկել Տարասկոնից:

ՅԵՎՐՈՊՍՑԻՆԵՐԸ ՇԱՆՀԱՅՈՒՄ:—ԲԱՐՁՐ ՎԱՃԱՌԱԿԱ-  
ՆՈՒԹՅՈՒՆ:—ԹԱԹԱՐՆԵՐ:—ՄԻԹԵ ՏԱՐԱՍԿՈՆՅԻ ՏԱՐ-  
ՏԱՐԵՆԸ ԽԱԲԵԲԱ ՅԵ:—ՄԻՐԱԺ:

Սակայն մի անգամ քիչ եր մնացել, վոր Տարտարենը  
մեկներ, այն ել մի շատ հեռավոր ճանապարհորդության:

Յերեք տարասկոնցի լեղբայրներ Գարսիո - Կամյուս ա-  
նունով, վորոնք հաստատված էյին Շանհայում, նրան առա-  
ջարկում էյին կառավարիչ լինել իրենց այնտեղի առևտրական  
գրասենյակներից մեկում: Այդ առաջարկութունը պետք ե  
վոր Տարտարենի սրտով լիներ— ընդարձակ գործունեյութուն,  
գործակատարների մի ամբողջ բանակ, հարաբերություններ  
Ռուսաստանի, Պարսկաստանի և Ասիական Թյուրքիայի հետ և  
վերջապես բարձր վաճառականութուն:

Այդ «բարձր վաճառականութուն» խոսքը Տարտարենն  
այնպես եր արտասանում, վոր մարդ ակամայից աչքերը բարձ-  
րացնում եր դեպի յերկինք...

Գարսիո - Կամյուսների վաճառատունը բացի այդ ունե-  
րն առավելութունը, վոր յերբեմն ընդունում եր թաթարների  
«այցելութունը»: Այդ դեպքում զոներն իսկույն փակում էյին,  
բոլոր գործակատարները գենք էյին վերցնում, հյուպատոսա-  
կան զրոշակը պարզում և պատուհաններից բանք— բանք սկսում  
էյին կրակել թաթարների վրա:

Ավելորդ ե ասել, թե ինչպիսի վոզևորությամբ Տարտա-  
րեն-հիխոտը կպավ այդ առաջարկության. բայց դժբախտա-  
բար Տարտարեն-Սանչոն ուրիշ կերպ եր նայում գործին և  
վորովհետև վերջինի ձայնն ավելի զորավոր եր, ուստի և գործը  
գլուխ չեկավ: Տարտարենի գնալու լուրն ամբողջ քաղաքում  
խոսակցության առաքիպ յեր դարձել: Կոնս, թե չի գնա. գրադ  
եմ գալիս, վոր այդ, գրադ եմ գալիս, վոր վնչ: Տարտարենը

վերջիվերջո չգնաց, բայց չնայելով դրան, այդ դեպքը մեծապես  
բարձացրեց նրա պատիվը: Շանհայ գնալու մտադրութուն ու-  
նենալ, կամ թե արդեն գնացած լինել—այդ միևնույն բանն եր  
տարասկոնցիների համար: Տարտարենի գնալու մասին աչքան  
շատ խոսեցին, վոր վերջապես իրենք ել սկսեցին «հավատալ,  
վոր նա արդեն գնացել ու վերադարձել ե: Այնուհետև շատ ան-  
գամ ակումբում տարասկոնցի պարոններն ամենալուրջ կերպով  
տեղեկութուններ էյին հարցնում նրանից Շանհայի, այնտեղի  
սովորությունների, կլիմայի, ոպիումի և բարձր վաճառակա-  
նության մասին:

Տարտարենն ել, վոր շատ կարգացած և տեղյակ եր ամեն  
բանից, հաճույքով պատասխանում եր այդ բոլոր հարցերին և  
հաղորդում եր ամենամանրամասն տեղեկություններ:

Բանը վերջացավ նրանով, վոր մեր բարեմիտ հերոսը ինքն  
ել գրեթե սկսեց հավատալ, թե Շանհայում յեղել ե, և յերբ  
արդեն հարյուրերորդ անգամ պատմում եր թաթարների հար-  
ձակումների մասին, նա շատ բնական կերպով ավելացնում եր.

— «Այն ժամանակ բոլոր գործակատարներն իս գենք բաժանեցի,  
հյուպատոսական դրոշակը պարզեցի և պատուհաններից բանք  
բանք սկսեցինք կրակել թաթարների վրա»: Այդ ասելով ամ-  
բողջ ակումբը սարսուռում եր:

— Ուրեմն ձեր Տարտարենն անամոթ ստախոսին մեկն  
եր:

— Վնչ, ամենևին: Տարտարենը ստախոս չեր...

— Յեթե ստախոս չեր, ապա միթե չգիտե՞ր, վոր ինքն ա-  
մենևին Շանհայում չի յեղել:

— Իհարկե գիտե՞ր, միայն թե...

Միայն թե խնդրեմ լավ լսեք հետևյալը, արդեն ժամա-  
նակ ե, վոր մի անգամ ընդմիջտ պարզենք, թե ինչից ե ծագել  
ստախոսի այն համբավը, վոր հյուսիսի մարդիկ վերագրում են  
հարավայիններին: Հարավում ստախոսներ չկան, վոչ Մարսել-  
լում, վոչ Նիմոն, վոչ Թուրուզում, վոչ ել Տարասկոնում: Հա-  
րավի մարդը չի ստում, այլ սխալվում ե, խաբվում: Նրանց  
ասածը միշտ ել ճշմարիտ չե, բայց նրան այնպես ե թվում,  
վոր ճշմարիտ ե... Նրա ստախոսությունը ստախոսություն չե,  
այլ մի տեսակ միրաթ...

Այո, մի տեսակ միրաթ: Գնացե՛ք հարավ և այն ժամանակ  
զուք կհասկանաք, թե ինչ եմ ուզում ասել: Դուք ինքներդ

կնկատեք, վոր այդ դարմանալի յերկրում արեֆը ամեն բան կարծեք կերպարանափոխում ե և բնականից ավելի մեծ ե ցույց տալիս: Դուք կնկատեք, վոր Պրովանսի այդ փոքրիկ բլրակ-նեքը, վորոնք Մոնմարտրի<sup>1)</sup> բլրակից մեծ չեն, ձեր աչքում մի-մի հսկա լեռներ են յերևում, դուք կտեսնեք Նիմի Բառան-կյունի տունը<sup>2)</sup>—ճարտարապետական մի փոքրիկ գոհար, վորը նույնքան մեծ ե յերևում, վորքան Փարիզի Նոտր-Դամը:

Մի խոսքով, չեթե հարավում ստախոս կա, այդ միակ ստախոսն արեն ե: Ինչ բանի վոր նա դիպչում ե, այդ բանը ձեր աչքում աճում ու մեծանում ե... Ասացեք խնդրեմ, ինչ եր Սպարտան իր փառքի որերին—խակապես մի գյուղաքաղաք, կամ թե Աթենքը, ամենաշատն այժմյան մի գավառական քա-ղաքի չափ, և սակայն նրանք այնքան մեծ քաղաքներ են յե-րևում մեր աչքին պատմության մեջ: Ահա թե ինչեր ե անում արևը...

Մրանից հետո այլևս ինչ զարմանալու բան կա, վոր մի-կնույն արեփի տակ՝ Տարասկոնում հանդերձանքի պաշտոնա-թող կապիտան Բրավիդան հրամանատար Բրավիդա յե դառ-նում, շաղգամն ել բտորաբ ե դառնում և Շանհայ գնալ ցան-կացող մի մարդ արդեն գնացած ու վերադարձած ե համար-վում:

### ՄԻՏԵՆԻ ԳԱԶԱՆԱՆՈՅԸ:—ԱՏԼԱՍՅԱՆ ԼԵՌՆԵՐԻ ԱՌ-ՅՈՒԾԸ ՏԱՐԱՍԿՈՆՈՒՄ: ԱՀՌԵԼԻ ՅԵՎ ՀԱՆԴԻՍԱՎՈՐ ՏԵՍԱԿՑՈՒԹՅՈՒՆ:

Այժմ, չերբ մենք նկարագրեցինք արդեն Տարասկոնցի Տարտարենի մասնավոր կյանքը այն շրջանում, չերբ փառքը դեռես չեր համբուրել նրա ճակատը և չեր պսակել այն դարա-վոր գափնիներով,—այժմ յերբ մենք պատմեցինք այդ հերոսա-կան կյանքը համեստ միջավայրում, նրա ուրախությունները և վշտերը, նրա չերազներն ու հույսերը, ժամանակ ե, վոր անց-նենք նրա պատմության նշանավոր եջերին և այն արտակարգ

1) Մոնմարտր— փարիզի թաղամասերից մեկը: Մանոթ. խմբ.

2) Գառափնյուցի տունը— հռոմեացիների ժամանակ կառուցված շենք Ֆրանսիայի Նիմ քաղաքում, ճարտարապետական գեղեցիկ հուշարձան ե: Մ. խ.

պատահարին, վորը պիտի առաջ մղեր նրա անորինակ ճակա-տագիրը:

Մի յերեկո, յերբ զինավաճառ Կոստեկալըի մոտ հավաքված-ներին Տարտարենը բացատրում և ցույց եր տալիս այն ժա-մանակ նոր հնարված ասեղնավոր հրացանի գործածությունը, հանկարծ դուռը բացվեց և գլխարկի հերոսներից մեկը գլուխը կորցրած ներս մտնելով աղաղակեց. «Առյժե՛... առյժե՛...»: Մի ընդհանուր սարսափ, իրարանցում և շփոթ տիրեց ամենքին: Տարտարենը պատրաստվեց սվինամարտի, իսկ Կոստեկալըը վազեց դուռը փակելու: Բոլոր կողմերից շրջապատեցին վորսոր-դին, հարց ու փորձ արին և անս ինչ իմացան: Միտենի գա-ղանանոցը, վորը բաղկացած եր մի քանի բռաներից, փոկերից, կոկորդիլոսներից և մի հատ սքանչիլի ատլասյան առյուծից, —վերադառնալով Բոկերի տոնավաճառից՝ համաձայնել եր, մի-քանի որով կանգ եր առել Տարասկոնում և հաստատվել եր դրյակի հրապարակում:

Ատլասյան առյուծը Տարասկոնում, այդ մի չտեսնված ու չլսված բան եր Տարասկոնի համար: Մի տեսնեյիք, թե ինչպի-սի հպարտությամբ իրար եյին նայում գլխարկի քաջասիրտ վորսորդները. նրանց առնական դեմքերը փայլում ելին ուրա-խությունից և նրանք լուռ ու մունջ սեղմում եյին իրար ձեռքը:

Հուզմունքն այնքան սաստիկ եր, վոր խոսք չեյին գտնում իրենց զգացմունքն արտահայտելու համար...

Նույնիսկ Տարտարենը: Դժգույն և սրտադող, ասեղնավոր հրացանը դեռես ձեռքին բռնած, նա հաշվեսեղանի մոտ կանգ-նած խորասուզվել եր ծանր մտքերի մեջ... Ատլասյան առյուծ: Այստեղ իրենից յերկու քայլ հեռու, առյժե՛... այսինքն ամենա-հերոսական, ամենակատաղի կենդանին, գազանների թագավորը, նրա յերազների առարկան, գլխավոր գործող անձը այն իղեա-լական խմբի, վորն այնքան գեղեցիկ դրամաներ եր խաղում իր յերևակայության մեջ:

Կենդանի առյուծ, աստված իմ:

Այն ել Ատլասյան լեռներից: Այդ արդեն չափազանց եր Տարտարենի համար:

Արյունը խփեց նրա յերեսին, աչքերը փայլատակեցին, ջղաձիգ շարժումով նա ուսին ձգեց ասեղնավոր հրացանն ու դի-

մելով հանդերձանքի նախկին կապիտան քաջասիրտ հրամանատար Բրավիդային, վորոտաձայն ասաց.

— Հապա գնանք տեսնենք ինչ բան է, հրամանատար:

— Բն, բն իմ հրացանը, իմ ասեղնավոր հրացանն էլ եք տանում,— յերկչոտ կերպով ասաց խոհեմ Կոստեկալքը, բայց Տարտարենն արդեն շուտ էր յեկել մյուս փողոցը և գլխարկի վորսորդները հետևում էին նրան:

Յերբ նրանք հասան գազանանոցը, այնտեղ արդեն անագին բազմություն էր հավաքվել: Տարասկոնի քաջասիրտ ժողովուրդը, վոր յերկար ժամանակ առիթ չէր ունեցել ներկա լինելու ցնցող տեսարանների, այժմ խուժել էր դեպի Միտենի գազանանոցը: Հաստիկ տիկին Միտենը չափազանց գոհ էր: Ալթիրական տարազով, թևերը մինչև արմուկները բաց և վոտներին յերկաթյա ապարանջաններ անց կացրած, նա մի ձեռքում բռնել էր մի խարազան, իսկ մյուս ձեռքում մի կենդանի, բայց փետրաթափ վառեկ: Նշանավոր տիկինը սիրալիր կերպով ընդունում էր տարասկոնցիներին, և վորովհետև նա էլ կրկնակի մկաններ ուներ, ուստի վոչ պակաս հաջողություն էր վայելում, քան իր ձեռնասուն գազանները:

Տարտարենի գալը, հրացանն ուսին դրած, սարսուռ ազդեց բոլորին:

Ի՞նչ տարասկոնցիները, վորոնք հանդարտ սրտով զբոսնում էին վանդակների առաջ անգն, առանց վախի, առանց նույնիսկ վտանգի մասին մտածելու. հանկարծ սարսափի ընական մղում զգացին, յերբ տեսան, վոր մեծ Տարտարենը անուշիկ զենքն ուսին գազանանոց մտավ: Ուրեմն վախենալու պատճառ կար, վոր նրանց հերոսն այդպես... Մի ակնթարթում վանդակների առաջը դատարկվեց: Յերեխաները վախից լաց էին լինում, տիկինները նայում էին դռներին: Դեղավաճառ Բեզյուքեն ծլկվեց, պատճառաբանելով, վոր գնում է հրացանը վերցնելու...

Սակայն Տարտարենի բռնած դիրքը փոքր առ փոքր սիրտ տվեց ներկաներին: Հանդարտ ու վեհ, գլուխը բարձր պահած, անվեհեր տարասկոնցին շրջեց վողջ գազանանոցը, առանց կանգ առնելու անցավ ծովառյուծի ավազանի մոտով, մի արհամարհական հայացք ձգեց թեփով լիք յերկար արկղի վրա, վորի մեջ բոս ոճը մարսում էր իր հում վառեկը և վերջապես յեկավ ու կանգ առավ առյուծի վանդակի առաջ... Ահուելի և

հանդիսավոր տեսակցություն. Տարասկոնի առյուծը և Ատլասյան լեռների առյուծը դեմ առ դեմ կանգնած...

Մի կողմից Տարտարենը կանգնած, սրունքի մկանները լարած, յերկու ձեռքով ամուր հրացանին հենված, իսկ մյուս կողմից առյուծը, մի հսկայական առյուծ, փոված հարդի վրա, աչքերը թարթելով, դեմքի բուրբ արտահայտությամբ, անագին դունչը դրած թաթերի վրա: Յերկուսն էլ հանդարտ են ու նայում են իրար:

Յեվ զարմանալի բան: Առյուծը, վոր մինչև այդ հանդարտ էր տեղը պառկած էր, վեհ արհամարհանքով էր նայում տարասկոնցիների վրա, հանկարծ կատաղեց: Չգիտես ասեղնավոր հրացանի տեսքն էր նրան զրգողը, թե նա զգաց իր ցեղի վոխերիմ թշնամու ներկայությունը: Նախ և առաջ նա ունեցները փոթկացրեց, խուլ մոնչաց—ճիրանները բացեց և թաթերը ձգեց. հետո նա վեր կացավ տեղից, բարձրացրեց գլուխը, բաշը թափահարեց, անագին յերախը բաց արավ, անուշիկ մի մոլորչուն արձակեց ուղիղ Տարտարենի յերեսին:

Սարսափելի մի ազդակ պատասխանեց նրան: Խելքը կորցրած տարասկոնցիները խուժեցին դեպի դուռը: Կանայք, յերեսաներ, բեռնակիրներ, գլխարկի վորսորդները, բոլորը, նույնիսկ հրամանատար Բրավիդան... միայն Տարասկոնցի Տարտարենը տեղից չշարժվեց... Նա հաստատ ու վճռական կանգնել էր վանդակի առաջ. նրա աչքերը փայլատակում էին և դեմքին յերևում էր այն անավոր ծամածոությունը, վորին ծանոթ էր ամբողջ քաղաքը:

Փոքր ինչ հետո, յերբ գլխարկի վորսորդները նրա բռնած դիրքից և վանդակի յերկաթյա ձողերի ամրությունից քաջալերված կամաց-կամաց սկսեցին մոտենալ իրենց պետին, նրանք պարզ լսեցին, վոր Տարտարենն աչքն առյուծի վրա սեվեռելով մրթմրթում էր.

— Ահն իսկական վորսը, այն:

Այդ ամբողջ որը Տարասկոնցի Տարտարենն այլևս վոչինչ չասաց...

## Մ Ի Ր Ա Տ Ի Չ Ա Ր Մ Ա Ն Ա Լ Ի Հ Ե Տ Ե Վ Ա Ն Ք Ն Ե Ր Ը

Այդ ամբողջ որը Տարասկոնցի Տարտարենն այլևս վոչինչ չասաց, բայց ինչ վոր ասել էր խեղճը, այն էլ արդեն շատ ուշատ էր...

Մյուս ուրն ամբողջ քաղաքում արդեն լուր եր տարածվել էր Տարտարենը մի քանի որից ուղևորվում է Ալֆիր առյուծներ վորսալու։ Դուք ամենքդ ել վկա յեք, սիրելի ընթերցողներ, վոր մեր հերոսն այդ մասին շշուկ անգամ չեր հանել, բայց գիտեք ելի, միրաժը...

Մի խոսքով ամբողջ Տարասկոնը միայն այդ ուղևորութան մասին եր խոսում։

Զբոսավայրում, ակումբում, Կոստեկալի խանութում մարդիկ հուզված մտանում ելին իրար և հարցնում.

— Գիտե՞ք նորութիւնը... ասում են...

— Ի՞նչ նորութիւն, Տարտարենի գնալը չլինի՞...

Միակ մարդը Տարտարենն եր, վոր ամենքից շատ դարձացավ, չերբ լսեց, թե ինքը շուտով պիտի ուղևորվի Աֆրիկա։

Բայց նայեցեք, թե ինչեր ե անում փառասիրութիւնը։ Փոխանակ պարզապես պատասխանելու, վոր ինքն ամենավին մտադրութիւն չունի Տարասկոնից հեռանալու, առաջին անգամ, չերբ այդ մասին դիմեցին իրեն, նա անորոշ կերպով պատասխանեց...


— Հըմ, ճշմարիտ, չես ինքս ել չգիտեմ...

Յերկրորդ անգամ արդեն մի քիչ ավելի ընտելանալով այդ մտքի հետ, նա պատասխանեց. «Հավանական է», իսկ յերրորդ անգամ թե՛ «Այդ հարցը վճոված է»։

Վերջապես մի յերեկո ակումբում և Կոստեկալի մոտ, մի քիչ տաքացած փունջից, կեցցեներից և լուսավորութիւնից, հարբած այն հաջողութիւնից, վոր նրա ուղևորութան լուրն ունեցել եր ամբողջ քաղաքում, տարաբախտ մարդը հանդիսավոր և պաշտոնական կերպով հայտարարեց, վոր արդեն ձանձրացել է գլխարկի վորսորդութիւնից և կարճ ժամանակից հետո պետք է ուղևորվի Ատլասյան լեռներն առյուծներ վորսալու...

Այս հայտարարութիւնն ընդունվեց վորոտալի կեցցեններով։ Այնուհետև ելի փունջի մեջին, սեղմեցին իրար ձեռքեր, գրկախառնվեցին և մինչև կես գիշեր լապտերներով լուսավորութիւն սարքեցին բառարի փոքր տան առջև։

Սակայն Տարտարեն-Սանչոն բնավ գոհ չեր այս բոլորից։ Աֆրիկա ուղևորվելու և առյուծներ վորսալու միտքն առաջուց արդեն սարսուռ եր ազդում նրան, և տուն մտնելով, մինչդեռ պատուհանների տակ թնդում ելին ուրախութեան աղաղակները,



նա կատաղորեն հարձակվեց Տարտարեն-Կիխոտի վրա, անվա-  
նելով նրան խելագար, ցնդված, անխոհեմ, չեռակի հիմար,  
մեկ առ մեկ թվելով այդ ուղևորութեան բոլոր աղետները՝ նա-  
վաբեկութուն, հողացավ, տենդ, փորհարիւնք, սև ժառնախտ,  
փղախտ, և այլն, և այլն...

Չուր եր Տարտարեն-Կիխոտը չերզվում, վոր զգուշ կլինի,  
տաք կհագնվի, իր հետ կվերցնի բոլորը, ինչ անհրաժեշտ ե:  
Տարտարեն-Սանչոն վոչինչ չէր ուզում լսել. խեղճ մարդը տես-  
նում եր իրեն արդեն առյուծների ճանկերի մեջ հոշոտված, ա-  
նապատի ավազների տակ թաղված, ինչպես հանգուցյալ Կամ-  
բյուլա<sup>1)</sup>: Տարտարեն-Կիխոտը հազիվ կարողացավ նրան փոքր  
ինչ հանգստացնել, բացատրելով, վոր այդ ուղևորութունը դեռ  
ապագայի խնդիր ե, վոր դեռևս շտապելու բան չկա և վոր վեր-  
ջապես նրանք դեռևս տանն են:

Հայտնի բան ե, վոր այդ տեսակ ուղևորութեան չեն ձեռ-  
նարկում, առանց նախազգուշական վորոշ միջոցներ ձեռք առ-  
նելու: Մարդը հո թուշուն չե, վոր վեր կենա ու թուշի, գնալուց  
առաջ դեռ պետք ե իմանա, թե ուր ե գնում...

Նախ և առաջ Տարասկոնցին ցանկացավ կարդալ աֆրի-  
կյան մեծ ճանապարհորդների պատմությունները, Մուսզո-Պար-  
կի, Կայեյի, դոկտոր Լիվինգստոնի, Հանրի Դյուվերիելի ուղե-  
գրությունները:

Դրանցից նա իմացավ, վոր յերևելի ճանապարհորդները  
հեռավոր արշավանքներ կատարելուց առաջ նախորոք վարժ-  
վում եյին տանել յեմ քաղց, և՛ ծարավ, և՛ հոգնածութուն, և՛  
ամեն տեսակ զրկանքներ: Տարտարենն ուզեց հետևել նրանց  
որինակին և այդ որվանից՝ սկսած նա կերակրվում եր «յեփած  
ջրով»: «Յեփած ջուրը» Տարասկոնում նշանակում ե մի քա-  
նի կտոր հաց թրջած տաք ջրով՝ մի գլուխ սխտորի, ուրցի և  
դափնե տերեվի հետ միասին: Ինչպես տեսնում եք ուժիմը  
շատ խիստ եր, հեշտ ե յերևակայել, թե խեղճ Սանչոն ինչպես  
եր յերեսը թթվեցնում:

Յեփած ջրով հրապուրվելու հետ միասին Տարտարենն ըս-  
կեսց նաև մի շարք ուրիշ գործնական վարժություններ: Այս-  
պես որինակ հոգնածութեան վարժվելու համար նա յուրաքան-

1) Հնադարյան Պարսկաստանի թագավորը (529-522 մեր թվ. առաջ):  
Ծ. խմբ.

չյուր առավոտ յոթ թե ութ անգամ անընդհատ պատվում եր-  
քաղաքի շուրջը, յերբեմն արագ քայլերով, յերբեմն մարմնա-  
մարդական քայլով, արմուկները կողքերին սեղմած և յերկու  
հատ փոքրիկ սպիտակ քար բերանը դրած, ինչպես անում եյին-  
հները:

Հետո գիշերվա ցրտին, մառախուղին և ցողին վարժվելու  
համար նա ամեն յերեկո դուրս եր գալիս պարտեզ և հրացանն  
ուսին բաղբաբի յետևում դարան մտած կանգնում եր մինչև  
գիշերվա ժամը տասը—տասըմեկը...

Յեվ վերջապես քանի Միտենի գազանանոցը Տարասկոնում  
եր, գլխարկի վորսորդները կոստեկալէի մոտից ուշ ժամանակ  
տուն դառնալիս գիշերվա մթության մեջ տեսնում եյին խոր-  
հըրդավոր մի սովեր, վոր հանդարտ քայլերով անցուդարձ եր-  
անում գազանանոցի առաջ:

Այդ Տարասկոնցի Տարտարենն եր, վոր վարժվում եր գի-  
շերվա մթության մեջ առանց դողալու ախանջ դնել առյուծի-  
մունչյուններին:

### ՈՒՂԵՎՈՐՈՒԹՅՈՒՆԻՑ ԱՌԱՋ

Մինչևեռ Տարտարենը զբաղված եր այդ հերոսական վար-  
ժություններով, ամբողջ Տարասկոնն աչքը հռել եր նրան:  
Այլևս ուրիշ վոչնչով չեյին զբաղվում: Գլխարկի վորսորդու-  
թյունը խիստ ընկել եր, իսկ ոռմանսները մոռացության եյին  
ավել: Բեզուքեյի դաշնամուրը մրափում եր կանաչ ծածկոցի  
տակ՝ վրան սատկած ճանճերով, վորոնք փորերը վեր բարձ-  
րացրած չորացել եյին: Տարտարենի ուղևորությունը կանգնեց-  
րել եր ամեն ինչ:

Պետք եր տեսնել Տարասկոնցու հաջողությունը սալոն-  
ներում: Նրան ձեռքից-ձեռք խլում, գողանում, փոխ եյին  
վերցնում: Տիկիներն իրենց համար մեծագույն պատիվ եյին  
համարում, յերբ Տարտարենի հետ թևանցուկ գնում եյին  
Միտենի գազանանոցը և առյուծի վանդակի առջև կանգնած  
լսում եյին նրա բացատրություններն այդ ահուկի գազանների  
վորսորդության մասին, թե ուր պետք ե նշան բռնել, քանի  
քայլ հեռավորությունից, ինչ վտանգներ կարող են պատա-  
հել և այլն, և այլն:

Տարտարենը տալիս եր բոլոր բացատրությունները: Նա  
կարդացել եր ժյուլ Ժերարի գիրքը և այնպես լավ տեղյակ եր

առյուծի վորսորդության, վոր կարծես իրոք վորսացել եր:  
Դրա համար ել նրա նկարագրությունը շատ կենդանի և պեր-  
ճախոս եր դուրս գալիս:

Բայց Տարտարենն ուղղակի աննման եր դառնում այն  
յերեկոները, յերբ նա ճաշկերույթի յեր նախագահ Լադեվեզի,  
կամ քաջ հրամանատար, հանդերձանքի նախկին կապիտան  
Բրավիդայի տանը: Յերբ սուրճը ներս ելին բերում, ներկա-  
ներն աթոռները մոտեցնում ելին իրար և նրան պատմել եյին  
տալիս իր ապագա վորսորդությունների մասին...

Այն ժամանակ, արմուկները սփռոցի վրա դրած, քիթը  
մոկկոցի բաժակի մեջ, մեր հերոսը հուզված ձայնով սկսում եր  
նկարագրել այն բոլոր վտանգները, վոր սպասում եյին նրան  
այնտեղ: Նա պատմում եր անվերջ դարանակալություններն ան-  
լուսին գիշերներին, նկարագրում եր ժանտահոտ ճահիճները,  
դափնե-վարդի տերեւներով թունավորված գետերը, ձյունը, կի-  
զիչ արևը, կարիճները և մորեխների տեղատարափը: Նա նկա-  
րագրում եր նմանապես Ատլասյան առյուծների կյանքը, նրանց  
կովելու յեղանակները, նրանց անորինակ ուժը և կատաղու-  
թյունը՝ եզերին վորոնելու շրջանում:

Հետո ինքն իր պատմությունից վողևորված, վեր եր կե-  
նում, ցատկում եր սեղանատան մեջտեղը և սկսում եր կամ  
առյուծի նման մունչալ, կամ հրացանի նման վորոտալ և կամ  
վըղ—վըղ թռչող գնդակների ձայներ հանել, զանազան շար-  
ժումներ անելով, գոռալով, աթոռները տապալելով...

Հյուրերը գունատվում եյին. տղամարդիկ իրար յերես  
նայելով, գլուխները թափ եյին տալիս, տիկիներն աչքերը  
փակում և ճչում ելին, ծերունիները ուղմականորեն թափա-  
հարում եյին իրենց ձեռնափայտերը, իսկ հարևան սենյակում  
վաղ քնած յերեխաները, հանկարծ զարթնելով այդ մունչյուն-  
ներից և կրակոցներից, սկսում եյին վախից լաց լինել և մայ-  
րիկ, մայրիկ կանչել:

Սակայն առայժմ Տարտարենը դեռևս չեր մեկնում:

### ՍՐՈՎ ԿՈՎԵՑԵՔ, ՊԱՐՈՆՆԵՐ, ՍՐՈՎ... ՅԵՎ ՎՈՉ ԳՆԴԱՍԵՂՈՎ

Արդյոք նա իրոք մտադիր եր ուղևորվելու... Ահա փա-  
փուկ մի հարց, վորին Տարտարենի պատմագիրը դժվար թե  
կարողանար պատասխանել...

Ճշմարտութիւնն այն է, վոր Միտենի գազանանոցը չերեք  
ամիս եր արդեն, ինչ հեռացել էր Տարասկոնից, իսկ առյուծ-  
ների վորսորդը դեռևս պի՛նդ նստած եր իր տեղում... Շատ  
կարելի յէ նմանապես, վոր մեր պարզամիտ հերոսը, մի նոր  
միրաժով խաբված, կարծում եր, թէ արդեն գնացել է Ալփիւր:  
Շատ կարելի յէ, վոր նա իր ապագա վորսորդութիւնները միշտ  
պատմելով, յերևակայում եր, վոր այդ ամենն արդեն նա կա-  
տարել է, ինչպես վոր բոլորովին անկեղծ կերպով յերևակա-  
յում եր, թէ յեղել է Շանհայում, պարզել է հյուսպատոսական  
դրոշակը և պատուհաններից բնում—բնում կրակել է թաթարների  
վրա:

Բայց դժբախտաբար, յեթէ այս անգամ ել Տարտարենը  
միրաժի դո՛հ եր յեղել, նույնը չի կարելի ասել տարասկոնցի-  
ների մասին: Յերեք ամիս սպասելուց հետո, յերբ տեսան, վոր  
նա տեղից չի շարժվում, սկսեցին քրթննջալ:

— Այս ել Շանհայ գնալու բանը դարձավ,—ասաց մի որ  
Կոստեկալը ժպտը յերեսին և այդ խոսքերը իսկույն տարած-  
վեցին ամբողջ քաղաքում, վորովհետև այլևս վոչ վոք չեր վըս-  
տահում Տարտարենին: Միամիտները, վախկոտները և Բեզյու-  
քեյի նման մարդիկը, վորոնք մի լլից ել փախչում էին և ա-  
ռանց աչքերը փակելու չէին կարող հրացան արձակել, այդ  
տեսակ մարդիկ պիլի ևս անողոք էին: Ակումբում, հրապա-  
րակում, ամեն տեղ նրանք մոտենում էին խեղճ Տարտարե-  
նին և ծաղրական դեմքով հարցնում.

— Հ՞ը, ինչ յեղավ, գնալը յերբ ե...

Կոստեկալը խանութում նրան ել մտիկ տվող չկար: Գըլ-  
խարկի վորսորդներն ուրանում էին իրենց պետին:

Հետո եպիգրամներ մեջտեղ չեկան: Նախագահ Լադեվեզը,  
վոր իր ազատ ժամերը մեկ-մեկ նվիրում եր զավառական մու-  
սաններին, տեղական բարբառով մի յերգ հորինեց, վոր մեծ  
ընդունելութիւն գտավ: Այդ յերգի մեջ հիշվում եր մի նշա-  
նավոր վորսորդ վարպետ ժերվէ անունով, վորի անուխ հրա-  
ցանը պիտի բնաջինջ աներ Աֆրիկայի բոլոր առյուծներին:  
Դժբախտաբար այդ անիծած հրացանը մի տարրինակ կազմու-  
թիւն ուներ—միշտ լցվում եր, բայց յերեք չեր կրակում<sup>1)</sup>.

1) Այստեղ ֆրանսերենում բառախաղ է «il ne partait jamais» նշանա-  
կում է նաև «նա յերեք չեր մեկնում».

դուք իհարկէ հասկանում եք ակնարկութիւնը...

Կարճ ժամանակամիջոցում այդ յերգն այն աստիճանի ժո-  
ղովրդական դարձավ, վոր յերբ Տարտարենն անցնում եր, բեռ-  
նակիրները և իր տան առջևի կոշիկ սրբողները խմբովին յեր-  
գում էին:

Վարպէս ժերվէյի հրացանը  
Միքս լցվում է, միքս լցվում,  
Վարպէս ժերվէյի հրացանը  
Յերեք չի կրակում, չի կրակում:

Միայն այս յերգում էին հեռվից, նկատի ունենալով մեր  
հերոսի կրկնակի մկանները:

Ո՛վ տարասկոնյան դյուրափոփոխ բնավորութիւն...

Մեծ Տարտարենն այնպես եր ձևացնում, վոր վոչինչ չի  
սեսնում, վոչինչ չի լսում, սակայն այդ խուլ և թունավոր  
պայքարը խորը կերպով խոցոտում եր նրա սիրտը: Նա զգում  
էր, վոր Տարասկոնը դուրս է պրծնում իր ձեռքից, ժողովրդի  
համակրութիւնն անցնում է ուրիշներին, և այդ բանը սոսկա-  
լի տանջում եր նրան:

Ո՛, ինչ քաղցր է ժողովրդականութիւնը, սակայն վոր-  
քան դառն է, յերբ կորցնում ես այն...


Բայց, չնայած իր տանջանքին, Տարտարենը ժպտում  
էր և շարունակում իր առաջվա խաղաղ կյանքը, կարծես թէ  
վոչինչ չի պատահել:

Բայց յերբեմն-յերբեմն այդ ուրախ անհոգութեան դիմակը,  
վորով նա հպարտութիւնից ծածկել եր իր դեմքը, հանկարծա-  
կի վայր եր ընկնում և այն ժամանակ ծիծաղի փոխարեն նրա  
դեմքի վրա կարգացվում էին դաշույթ և դառն կակիծ...

Այսպես, մի առավոտ, յերբ կոշիկ սրբող փոքրիկները նրա  
լուսամուտի տակ յերգում էին «Վարպէս ժերվէյի հրա-  
ցանը», այդ ստահակների ձայնը հասավ Տարտարենի ական-  
ջին այն ժամանակ, յերբ նա հայելու առաջ նստած անկրկում եր  
(Տարտարենը միտքը եր պահում, բայց վորովհետև նրա մազը  
շուտ շուտ է բսնում, նա ստիպված է խնամք տանել միրու-  
քին):

Մեկ էլ հանկարծ պատուհանը շը՛րխկ բացվեց և Տարտարենը շապկանց, գլուխը լաթով փաթաթած, սապոնի սպիտակ փրփուրը յերեսին, ածելին ձեռքում ճոճելով, ահարկու ձայնով վորոտաց.

— Սրով կովեցեք, պարոններ, սրով, և վոչ զնդասեղով:



Գեղեցիկ խոսքեր, արժանի պատմության եջերը զարդարելու, միայն ափսոս, վոր ուղղված էյին այնպիսի ստահակների, վորոնք հազիվ իրենց ներկի արկղների չափ լինեյին և վորոնք միանգամայն անկարող էյին սուր վերցնելու:

**ԱՅՆ ՄԱՍԻՆ, ԹԵ ԻՆՉ ԽՈՍՎԵՑ ԲԱՈՒՄԻՍ  
ՏՆԱԿՈՒՄ**

Այդ ընդհանուր ուրացության մեջ միայն բանակն էր վոր դեռևս հավատարիմ էր մնացել Տարտարենին:

Քաջասիրտ հրամանատար Բրավիդան, հանդերձանքի նախկին կապիտանը, շարունակում էր նույն հարգանքը ցույց տա

նրան: «Քաջ տղամարդ է» — ասում էր նա համառորեն, և այդ կարծիքը, կարծեմ ավելի արժեք ուներ, քան դեղավաճառ Բեղյուքեյին... Վոչ մի անգամ քաջասիրտ հրամանատարն ամենաթեթև ակնարկ չէր արել աֆրիկյան ճանապարհորդության մասին, սակայն, չերբ հասարակության տրտունջն սկսեց ավելի սաստկանալ, նա էլ վճռեց խոսել:

Յեվ ահա մի յերեկո, յերբ թշվառ Տարտարենը մենակ իր առանձնասենյակում նստած, խորասուզվել էր տխուր մտքերի մեջ, մեկ էլ հանկարծ ներս մտավ հրամանատարը՝ լուրջ դեմքով, սև ձեռնոցները հագին, մինչև վիզը կոճկված:

— Տարտարեն, — արտասանեց նախկին կապիտանը հեղինակավոր ձայնով, — Տարտարեն, պետք է մեկնել: Յեվ նա մնաց կանգնած դռան մեջ խստադեմ և վեհ՝ ինչպես ինքը՝ պարտականությունը:

Տարասկոնցի Տարտարենը հասկացավ «պետք է մեկնել» բառերի քամրոզը իմաստը:

Գուցնը թուցրած վեր կացավ տեղից, քնքշությամբ լի մի հայացք ձգեց իր սիրուն, լուսավոր առանձնասենյակին, լայն ու փափուկ բազկաթոռին, գրքերին, գորգերին, պատուհանների մեծ և սպիտակ վարագույրներին, վորոնց յետևն որորվում էյին փոքրիկ պարտեզի ծառերի ճյուղերը. հետո մոտենալով քաջասիրտ հրամանատարին, բռնեց նրա ձեռքը, ամուր սեղմեց և արտասովախառն, բայց հաստատուն ձայնով ասաց.

— Յես կմեկնեմ, Բրավիդա:

Յեվ նա կատարեց իր խոստումը, միայն թե վոչ իսկույն... վորովհետև հարկավոր էր դեռ ճանապարհի պատրաստութուն տեսնել:

Ամենից առաջ նա Բոմպարին պատվիրեց չերկու հատ պղնձապատ ահազին սնդուկ—վրան մի յերկար տախտակ հետևյալ մակագրությամբ.

**ՏԱՐԱՍԿՈՆՑԻ ՏԱՐՏԱՐԵՆ**

**Ձեռն քերի արկղ**

Մնդուկները պղնձով պատելու և մակագրությունը փորագրելու գործը շատ ժամանակ խլեց: Նա պատվիրեց նաև ճա-

նապարհորդական մի հրաշալի ալբոմ — իր որագիրը և ճանապարհի տպավորութիւնները գրի առնելու համար, վորովհետև վերջան եւ մարդ առյուծ վորսալով զբաղված լինի, նա աչնուամենայնիւ ճանապարհին մտքեր կունենա:

Այնուհետև նա Մարսելից բերել տվեց մի ամբողջ բեռ կոնսերվի պաշարեղեն, բուլցոն պատրաստելու տարւետներ, մինոր տեսակի վրան, վոր մի ըողեյում բացվում ու ծալվում էր, ծովային կոշիկներ, յերկու հատ հովանոց, մի անձրևանոց վերարկու և կապույտ ակնոցներ աչքերը բորբոքումից պահպանելու համար: Վերջապես դեղավաճառ Բեզուքեն պատրաստեց նրա համար մի փոքրիկ, շարժական դեղարան լի սպեղանիներով, կամֆարալով, քացախով և այլ դեղերով:

Խեղճ Տարտարեն. բոլոր այդ պատրաստութիւնները նատենում էր վոչ թե իր համար, այլ Տարտարեն - Սանչոյի ցասումը մեղմացնելու համար: Այն որից, յերբ ուղևորութիւնը վերջնականապես վճռվել էր, Սանչոն այլևս գիշեր ու ցերեկ դադար չուներ:

### ՈՒՂԵՎՈՐՈՒԹՅՈՒՆ


Վերջապես հասավ հանդիսավոր ուրը, մեծ ուրը:

Վաղ առավոտից ամբողջ Տարասկոնը վոտքի վրա յերթ խոնված Ավինիոնի ճանապարհի վրա և բառբարի փոքրիկ տնակի շուրջը:

Մարդիկ բարձրացել էին պատուհանները, կտուրների ու ծառերի վրա. Ռոնայի նավաստիները, բեռնակիրները, կոշիկ սրբողները, քաղքենիները, կտավագործուհիները, մանածագործուհիները, ակումբի բոլոր անդամները, մի խոսքով ամբողջ քաղաքը: Կային նաև Բոկերից յեկածներ, վորոնք անցել էին կամուրջով:

Շրջակայքի պարտիզպանները, հաստ կտավով ծածկված սայլերով, այգեգործները — նստած ժապավեններով, զանգուլակներով դարգարված սիրուն ջորիների վրա, և նույնիսկ մի քանի սիրուն աղջիկներ յեկած Արլից, նստած իրենց սիրեկանների հետ՝ կամարզյան գորշ ձիերի գավակին, գլխներին կապած յերկնագույն ժապավեն:

Այդ ահագին բազմութիւնն իրար հրելով խոնվում էր Տարտարենի դռան մոտ, այն անմասն պարոն Տարտարենի, վորը գնում էր թուրքերի աշխարհը առյուծներ վորսալու:



Տարասկոնցիները համար Ալժիրը, Աֆրիկան, Հունաստանը, Պարսկաստանը, Տաճկաստանը, Թյուրքիան, Միջագետքը այդ բոլորը միասին կազմում են մի շատ անորոշ՝ գրեթե առասպելական աշխարհ, վորն ընդհանուր անունով կոչվում է Թյուրքիա կամ ուղղակի Թուրքեր:

Այդ թո՛հ ու բո՛հի մեջ գլխարկի վորսորդներն անց ու դարձ էյին անում իրենց պետի հաղթանակով հպարտ, գլուխները բարձր բռնած, և իրենց հետևը գծում էյին փառավոր ակոսներ:

Բաղբարի տան առաջ կանգնած էյին յերկու խոշոր սայլեր: Ժամանակ առ ժամանակ դուռը բացվում էր և ներսում յերևում էյին մի քանի մարդիկ, վորոնք ծանրախո՛հ զբոսնում էյին փոքրիկ պարտեզում: Մարդիկ դուրս էյին բերում ճամբրուկներ, սնդուկներ, արկղներ, պալուսակներ և դարսում էյին սայլերի վրա:

Յուրաքանչյուր կապոցը դուրս բերելիս ամբոխն իրար երանցնում և բարձր ձայնով տալիս էր իրերի անունը.

— Այդ շարժական վրանն է... այդ պաշարեղենն է... այդ դեղարանն է... սրանք էլ զենքերի արկղերն են...

Յեվ գլխարկի վորսորդները սկսում էյին բացատրություններ տալ:

Հանկարծ ժամը տասին մոտ մի մեծ շարժում սկսվեց բազմության մեջ: Պարտեզի դուռը ձոնչաց և բացվեց:

— Նա յե..., նա յե... — գոռացին ամեն կողմից:

Այ՛ո՛. նա ինքն էր, վոր կար...

Յերբ նա յերևաց շեմքի վրա, լսվեց յերկու զարմացական բացականչություն.

— Թ՛ուրք է, Թուրք...

— Ակնոցներ էլ ունի...

Տարասկոնցի Տարտարենն, իրոք Ալժիր ուղևորվելով, պարտք էր համարել ալժիրական զգեստ հագնելու. նա հագել էր մի լոյն սպիտակ շալվար, կարճ բաճկոնակ մետածյա կոճակներով, մեջքին կապիլ էր չափազանց լայն և կարճիբ գոտի, վիզը բաց, ճակատն ածիլած, գլխին դրած մի անագին ֆես յերկար կապտազույն փնջով: Բացի դրանից նա ամեն մի ուսին դրել էր մի-մի ծանր հրացան, մի անագին վորսի դանակ խրել գոտու մեջ, վորի վրա էլ մի հատ փամփուշտի պայուսակ և մի ատրճանակ էլ կողքից կախել: Ահա բոլորը...

Բայց ներողութիւն, յես մոռացա ակնոցները—մի դույզ հսկայական կապույտ ակնոցներ, վորոնք շատ տեղին էլին, փոքր ինչ մեղմացներով մեր հերոսի ահեկի կերպարանքը:

— Կեցցե Տարտարենը... Կեցցե Տարտարենը, — մռնչաց ամբոխը:

Մեծ մարդը ժպտաց, բայց ձեռքով չբարեկեց, վորովհետև հրացանները խանգարում էլին: Բացի այդ նա այժմ շատ լավ էր հասկանում ժողովրդականութեան գիշեր: Շատ կարելի չէ, վոր այդ բոպելին նա իր սրտի խորքում անիծում էր իր սոսկալի հայրենակիցներին, վորոնք ստիպում էլին նրան մեկնել, թողնել այդ սիրուն տնակը իր սպիտակ պատերով, կանաչ փեղկերով... բայց յերեսանց իհարկե այդ ցուլց չէր տալիս:

Հանգարտ և հպարտ, թեև փոքր ինչ գունատված, նա դուրս յեկավ փողոց, նախեց սայլերին և տեսնելով, վոր ամեն բան կարգին է, իր քայլերն ուղղեց դեպի յերկաթուղու կայարանը, առանց գոնե մի անգամ գլուխը դեպի բաղբալի տնակը դարձնելու: Նրա յետևից քայլում էլին հանդերձանքի նախագահ կապիտան քաջասիրտ հրամանատար Բրավիդան, նախագահ Լադեվեզը, այնուհետև զինավաճառ Կոստեկալը և բոլոր գըլխարկի վորսորդները, դրանց յետևից սայլեր, հետո ժողովուրդը:

Կառամատուցի առաջ նրան սպասում էր կայարանապետը — 1830 թվի աֆրիկյան արշավանքի հին մասնակիցը, վորը մի քանի անգամ ջերմագին սեղմեց նրա ձեռքը:

Փարիզ—Մարսել ձեպընթացը դեռ չէր յեկել: Տարտարենը և իր շքախումբը մտավ կայարանի դահլիճը: Բազմութեան առաջն առնելու համար կայարանապետը փակել տվեց կայարանի մուտքը:

Քառորդ ժամի չափ Տարտարենը ձեմում էր դահլիճում շրջապատված գլխարկի վորսորդներով: Նա խոսում էր նրանց հետ իր ճանապարհորդութեան, իր վորսորդութեան մասին և խոստանում էր մորթիներ ուղարկել նրանց համար: Ամեն մեկն շտապում էր իր անունը գրել տալ նրա հուշատետրում, ինչպես հերթի յեն գրվում պարահանդեսի ժամանակ:

Հանգիստ և զվարթ, ինչպես Սոկրատը թույնը խմելու բոպելին, անվեհեր տարասկոնցին յուրաքանչյուրին մի-մի անուշ խոսք, մի-մի ժպիտ էր նվիրում: Նա խոսում էր պարզ, սիրալիր, կարծես թե մեկնելուց առաջ նա կամենում էր իր յետևից թողնել հմայք, վշտակցութիւն, բարի հիշատակներ:

Լսելով իրենց պետի այդ հրաժեշտի խոսքերը, բոլոր գլխարկի վորսորդները աչքերը լցվում էլին արցունքով, մի քանիսն էլ, ինչպես որինակ նախագահ Լադեվեզը և դեղավաճառ Բեդյուբեն, սաստիկ խղճահարվում էլին...

Ժողովուրդը դրսում կանգնած, վանդակների արանքից նայում էր և անդադար աղաղակում:

— Կեցցե Տարտարենը...

Վերջապես զանգը հնչեց... շոգեկառքի խուլ դղրդոցը և սուր շնակը թնդացրին կամարները... դեպի վագոն, դեպի վագոն:

— Գնաս բարձր, Տարտարեն... Գնաս բարձր, Տարտարեն:

— Մնաք բարով ամենքդ էլ, — ասաց մեծ մարդը և հանձին քաջասիրտ հրամանատար Բրավիդայի գրկեց և համբուրեց իր սիրելի Տարասկոնը:

Հետո արագ առաջ սլացավ և մտավ վագոններից մեկը, վորը լիքն էր փարիզեցիներով, վորոնք քիչ էր մնում վախից թուլանային, տեսնելով այդ տարրինակ մարդուն այնքան հրացաններով ու ատրճանակներով ծանրաբեռնված:

## ՄԱՐՍԵՅԼԻ ՆԱՎԱՀԱՆԳԻՍՏԸ:— ԳԵՊԻ ՆԱՎ, ԳԵՊԻ ՆԱՎ

186... թվի դեկտեմբերի 1-ին, կեսօրվա մոտ, ձմեռային մի դեղեցիկ ու պայծառ ուր, մարսեյցիներն իրենց կանեքյերի<sup>1)</sup> վրա զարմանքով նկատեցին մի «թուրք» այո, մի այնպիսի թուրք, վորի նմանը նրանք յերբեք չէլին տեսել, թեև վկա չէ աստված, վոր Մարսեյում թուրքեր քիչ չեն պատահում:

Հարկ կամ արդյոք ասելու, վոր հիշյալ թուրքը Տարտարենն էր, Տարասկոնցի Տարտարենը, վորը քայլում էր ծովափի յերկայնքով, յետևից—զենքի արկղները, իր դեղարանը, իր կոնսերվի պաշարեղենները: Նա գնում էր դեպի Տուաշ ընկերութեան նավամատուցը՝ նստելու «Ջուալ» կոչված նավը, վոր նրան պիտի տաներ այնտեղ:

Ականջները դեռևս լեցուն տարասկոնցիների աղմկալի ծափահարութիւններով, հարբած պայծառ արևից, ծովի բուլբուլից, Տարտարենը քայլում էր յերեսին լուսավառ մի ժպիտ, հրացան-

<sup>1)</sup> Մարսեյի գլխավոր փողոցը: Մ. խմբ.

ներն ուսին, գլուխը բարձր բռնած և լայն բացած աչքերով դիտում եր Մարսելի հրաշալի նավահանգիստը, վորը նա տեսնում եր առաջին անգամ, և վորը նրան շլացնում էր... Խեղճ մարդը կարծես չերազի մեջ եր: Նրան թվում եր, թե ինքը Սինբադ-Նավաստին<sup>1)</sup> ե և շրջում ե Փանտաստիկական այն քաղաքներից մեկում, վորոնց նմանը շատ կա «Հազար ու մեկ գիշերների» մեջ:

Կայմերի մի անծայրածիր անտառ: Ծածանում էին բոլոր պետութունների դրոշակները—ռուսական, հունական, շվեդական, թուրքական, ամերիկյան... Նավամատուցի քարափին կպած նավերը, նոր ժամանած առագաստանավերը—խիտ-խիտ կանգնած էին սփինների շարքի պես: Առագաստանավերի վրա յերեվում էին քանդակված հավերժահարսներ, աստվածուհիներ, սուրբ կույսեր և այլ քանդակներ, վորոնց անունով կոչվում ե նավը. այս ամենը մաշված ծովի ջրից, բորբոսնած, փտած, թաց:

Յերբեմն նավերի արանքում յերևում եր ծովի մի կտոր, կեղտոտ, կարծես ծածկված ձեթով: Կայմերի և առագաստակալների միջև ծովային արորիկների չերամներ գեղեցիկ սպիտակ բծեր էին կազմում կապույտ յերկնակամարի վրա, փոքրիկ նավաստիներն իրար ձայն էին տալիս բոլոր լեզուներով:

Նավամատուցի վրա, ոճառի գործարանից հոսող կանաչագույն թանձր, պղտոր, ձեթով և սողալով ծածկված առվակների միջև վխտում եր մաքսատան պաշտոնյաների, կոմիսիոներների, բեռնակիրների մի բազմութուն:

Շուրջն—անճոռնի պատրաստի հագուստեղենի խանութներ, բարակներ, վորտեղ նավաստիներն իրենց համար կերակուր էին պատրաստում, ծխամորձ վաճառողներ, մարդիկ, վորոնք ծախում էին կապիկներ, թուխակներ, պարան, առագաստի կտավ ու հազար ու մի արտառոց մանր-մունր իրեղեններ, խառնիխառն հին հրազեններ, վոսկեգոծ խոշոր լապտերներ, հինավուրց խաբիսիներ կտարած առամներով, հին նավասարք, ժանգոտած ճախարակներ, ժան Բարտի և Դյուզե—Տրուենի ժամանակից մնացած ծովային հեռագրիտակներ: Խեցեմորթ վաճառող կանայք պղպած իրենց ապրանքի առաջ անասելի աղ-

1) «Հազար ու մեկ գիշերների» հեքյաթային հերոսներից մեկի անունն է Մ. խմբ.

մուկ էին բարձրացնում: Նավաստիներն անցնում էին ձեռքերին կպրի ամաններ, ծխացող կճուճներ, խոշոր զամբյուղներ լի ծովային կակղամորթ կենդանիներով, վորոնց տանում էին վանալու աղբյուրների պղտոր ջրով:

Չորս կողմը կլտված էին անազին քանակությամբ ամեն տեսակի ապրանքներ—մետաքսեղեն, հանքանյութեր, փայտեղեն, արձիճ, մահուդ, շաքար, Արևելքի և Արևմուտքի խառնուրդ, հոլանդական պանրի խոշոր կույտեր, վոր ճենովացի կանայք իրենց ձեռքով ներկում էին կարմիր գույնով:

Ավելի հեռուն հացահատիկի նավահանգիստն եր: Այստեղ բեռնակիրները դատարկում էին ցորենի պարկեր: Վոսկեգույն հեղեղի նման ցորենը հոսում եր կապտավուն փոշու ամպի մեջ: Կարմիր Ֆեսավոր մարդիկ մաղում էին ցորենը կաշվե խոշոր մաղերով և բարձում սալերի վրա, վորոնց չեռեից քայլում եր կանանց և յերեխաների մի բազմութուն՝ ձեռքին ավելներ և զամբյուղներ... Ել ավելի հեռու— նավաշինարանն է, վորտեղ կողքի վրա պառկած մեծ նավերը մաքրվում են նրանց կպած ծովային խոտերից. առագաստակալներն ընկած են ջրի մեջ, ռետինի հոտ, հյուսնների խլացուցիչ աղմուկ, վորոնք նավի կողքերը պատում էին պղնձի շերտերով:



Յերբեմն կայմերի արանքում բացվում եր մի լուսավոր շերտ, այն ժամանակ Տարտարենը տեսնում եր նավահանգստի մուտքը, նավերի աշխույժ յերթևեկը: Մալտա մեկնող մի անգլիական Ֆրեգատ, զարդարված և մաքուր վիացված, վրան դեղին ձեռնոցներ հագած սպաներով, կամ թե մարսելիական մի խոշոր առագաստանավ, վորը պարանն արձակում ե գոռոցների, հայհոյանքների մեջ, իսկ նավի հետևում կանգնած նավապետը ռենդինգոտով և մետաքսե գլխարկով, հրամաններ ե տալիս պրովանսական բարբառով: Ահա նավեր, վորոնք սլանում են բոլոր առագաստները պարզած: Ուրիշները, դեռ հեռվում, գալիս են դանդաղորեն— արևի լույսի մեջ, կարծես լողում են ոդում:

Ամբողջ ժամանակ տիրում եր մի անուշիկ ժխոր, սայլերի դղրոց, շոգենավերի սուլոցներ, թմբուկի և փողի ձայներ Սեն—ժան և Սեն—Նիկոլա ամրոցներից, Վանդի ղողանջ բոլոր յեկեղեցիներից: Այս բոլորի վրա միտորալը<sup>1)</sup>, վորը վերցնում

1) Միտորալ—ուժեղ և ցուրտ քամի, վոր փչում ե հյուսիսից կամ հյուսիս-արևելքից հարավային Ֆրանսիայում: Մ. խմբ.

տանում ե այս բոլոր աղմուկները, ժխտը, ցնցում ե, խառնում  
 իր սեփական ձայնին, կազմելով մի դժոխացին լերաժողովրդուն,  
 վայրենի, հերոսական ինչպես ճանապարհորդութեան հաղթական  
 ֆանֆար, վոր մարդու մեջ տենչանք ե արթնացնում մեկնել, գնալ  
 հեռու, հեռու, թևեր առնել և թռչել:

Ահա այս գեղեցիկ ֆանֆարի հնչյունների տակ եր, վոր  
 անվեհեր Տարտարենը նալ նստեց առյուծների յերկիրը մեկ-  
 նելու համար:



ՅԵՐԿՐՈՐԻ ԴՐՎԱԳ

ԹՈՒՐԲԵՐԻ ԱՇԽԱՐՀՈՒՄ

**ԾՈՎԻ ՎՐԱ:—ՖԵՍԻ ՀԻՆԳ ԴԻՐՔԵՐԸ:—ՅԵՐՐՈՐԴ ՈՐՎԱ  
ՅԵՐԵԿՈՅԱՆ:—ՈԳՆԵՑԵՔ:**

Յես կուզեյի, սիրելի ընթերցող, լինել նկարիչ, այն ել մեծ նկարիչ, վորպեսզի կարողանայի այս յերկրորդ դրվագի սկզբում ձեր աչքի առաջ պատկերացնել այն հինգ տարեր դիրքերը, վոր ընդունեց Տարասկոնցի Տարտարենի ֆեսը՝ «Ձուալ» նավով Ֆրանսիայից Ալժիր կատարված չերեք որվա ծովային ճանապարհորդութան ժամանակ:

Նախ յես ցույց կտայի ձեզ այդ ֆեսը— ճանապարհ ընկնելու պահին՝ հերոսական և հպարտ կերպով նստած տարասկոնցան այդ գեղեցիկ գլխի վրա: Հետո յես ցույց կտայի ձեզ այն— նավահանգստից դուրս գալու ժամանակ, յերբ «Ձուալը» սկսեց պարել ալիքների վրա, այս անգամ արդեն ֆեսն արտահայտում էր սառսուռ, դարմանք և ծովային հիվանդութան նախազգացում:

Աչնուհետև Լիոնի ծովածոցում, յերբ հետզհետե նավը դուրս եր գալիս բաց ծով, իսկ ալիքներն ավելի անհանգիստ եյին դառնում, յես ցույց կտայի ձեզ, թե ինչպես այդ ֆեսը պայքարի յեր մտնում փոթորկի հետ, ցցվում հերոսի գանգի վրա և նրա կապույտ բրդե փուռնը ծառանում եր դեպի վեր ծովային մառախուղի և մրրիկի մեջ... Չորրորդ դիրք. յերեկոյան ժամը 6-ին, յերբ յերևացին Կորսիկայի ափերը, քարաբախտ ֆեսը թեքվում եր նավի կողքից ցած և խղճալիորեն նայում և հետազոտում եր ծովը... Վերջապես հինգերորդ և վերջին դիրքը— նավի փոքր խցում, մի նեղ անկողնի վրա, վորը պահարանի արկղի տեսք ուներ, ինչ վոր անձև և անմխիթար բան թավալվում և տնքալով բարձի վրա: Դա

Ֆեան է, ուղևորութեան սկզբի հերոսական ֆեալը, վորն այժմ հասել է ծոպավոր թասակի խղճալի վիճակին և մինչև ակահնջները խրվել է սփրթնած և շղաճիգ մի հիվանդի գլխի վրա:

Ո՛ր, լեթե տարասկոնցիները տեսնելին իրենց մեծ Տարտարենին պառկած պահարանի արկղի նմանող անկողնու մեջ, կիսամութ, մռայլ խցիկում, նավի խոհանոցի և թաց փայտի հոտով ապականված ծանր և սիրտ խառնող ողի մեջ, յեթե նրանք լսելին, թե ինչպես եր նա խոխոացնում նավի պտուտակի յուրաքանչյուր հարվածին, հինգ ըոպեն մի անգամ թեյ եր պահանջում և մանկական թույլ ձայնով հայհոյում սպասավորին, — անշուշտ նրանք պիտի գղջային, վոր ստիպել են նրան ճանապարհ ընկնելու... Հավատացնում եմ պատմադրի ազնիվ խոսքով, վոր խղճալի յեր մեր անբախտ «թուրքի» վիճակը: Ծովի հիվանդութունից հանկարծակիի յեկած՝ թշվառ, փամանակ չեր ունեցել արձակելու մեջքի ալժիրական գոտին, վոչ ել ազատելու իր սպառազինութունից: Հաստ կոթով վորսի դանակը սեղմում եր նրա կուրծքը: Ատրճանակի կաշվե պատյանը տրորում եր նրա կողքը և այս բոլորին վորպես լըրացում — Տարտարեն-Մանչոն ել մյուս կողմից եր անդադար տրանջում և հայհոյում:

— Հիմար, տեղն է... յես քեզ չե՛յի ասում... Հը՛, ուզում եյիր անպատճառ Աֆրիկա գնալ... Համեցեք, այդ ել քեզ Աֆրիկան, ինչպե՛ս է...

Բաց ամենից ատելին այն եր, վոր մինչդեռ Տարտարենը տնքում եր իր փոքրիկ խցի մեջ, այնտեղ—ընդհանուր դահլիճում մյուս ուղևորներն անդադար ծիծաղում, ուտում, խմում, յերգում և թուղթ եյին խաղում: «Ձուավի» վրա այս անգամ կար ուրախ և բազմամարդ հասարակութուն, սպաներ, վորոնք գնում ելին միանալու իրենց զորամասերին, թեթև կանայք, թափառական դերասաններ, մի հարուստ մահմեդական, վոր վերադառնում եր Մեքքայից, Չերնոգորիայի մի իշխան, խիստ կատակաբան, վորը նմանեցնում եր Ռավելին և ժյուլ—Պերեյին...

Դրանցից և վոչ մեկին ծովը չեր բռնում և նրանք ամբողջ փամանակ շամպայն եյին խմում «Ձուավի» նավապետի հետ, վոր մի շատ ուրախ և քեֆ սիրող մարսեցից չեր Բարբառու անունով և յերկու կին եր պահում— մեկը Մարսելում, մյուսն Ալժիրում:

Տարտարենն իր մտքում անիծում եր այդ սրիկաներին, վորոնց ուրախութունը կրկնապատկում եր նրա տանջանքը:

Վերջապես չբրորդ որը կեսորից հետո մի արտասովոր շարժում սկսվեց նավի վրա, վոր ստիպեց մեր հերոսին սթափվել թմրութունից: Զանգը հնչում եր, լավում եր նավաստիների ծանր կոշիկների աղմուկը:

— Մեքենան դեպի մռաջ, մեքենան դեպի լեռ,— գոռում եր նավապետ Բարբառուն խոպոտ ձայնով:

Հետո լավեց— «մեքենա, ստոպ», հանկարծակի մի ցնցում և հետո ուրիշ վոչինչ... և նավը կանգ առավ, ճոճվելով ջրի վրա աջ և ձախ, ինչպես ողապարիկն ողում:

Հանկարծական լուրջունը սարսափ պատճառեց Տարտարենին:


— Ոգնեցեք, ոգնեցեք, խեղդվում ենք,— գոռաց նա առեղի ձայնով և կարծես թե հրաշքով վերստանալով իր ուժերը, վեր թռավ տեղից և սլացավ դեպի նավի տախտակամածը իր ամբողջ սպառազինությամբ:

## Ի գե՛ն, ի գե՛ն

Խեղդվելու բան չկար, նավը տեղ եր հասել:

«Ձուավը» արդեն մտել եր նավակայանը, սև ու խոր ջրերով մի գեղեցիկ նավակայան, բաց բոլորովին լուռ և տխուր, համարյա թե ամայի: Դեմ ու դեմը՝ մի բլրակի վրա սպիտակին եր տալիս Ալժիրը իր կաթնագույն տնակներով, վորոնք իրար սեղմված իջնում եյին դեպի ծովը, կարծես սպիտակեղեն լիներ փռված Մեզոն բլրի վրա: Վերևում ալժիրական կապույտ յերկինքը, ո՛ր, վորքան կապույտ:

Հուշակավոր Տարտարենը, իր սարսափը մոռացած, դիտում եր այդ գեղեցիկ տեսարանը և ակնածությամբ ականջ եր դնում Չերնոգորիայի իշխանին, վոր նրա կողքին կանգնած տալիս եր քաղաքի դանադան թաղերի անունները — Կասբանը, Վերին քաղաքը, Բաբ—Ազում փողոցը: Շատ կրթված մարդ եր այդ իշխանը, սահուն խոսում եր արաբերեն: Տարտարենը իր մըտքում արդեն վճռել եր մտերմանալ նրա հետ... Մեկ ել հանկարծ, յերբ նրանք զրուցում եյին հենված նավի ճաղերին, Տարասկոնցին նկատեց բազմաթիվ կոշտ ու սևագույն ձեռքեր, վորոնք դրսից կառչում եյին նավի կողքին: Նույն բո-



պելյին նրա առջև չերևաց մի նեղրի գանգրահեր գլուխը և մի ակնթարթում, նախքան Տարտարենը բերանը բաց կաներ, նավի տախտակամածն ամեն կողմից արդեն բռնված էր հարցուրավոր սևամորթ, դեղնամորթ, կիսամերկ և անուելի ծովահեններով:

Տարտարենը լավ էր ճանաչում դրանց... այդ նրանք էլին, այն նշանավոր նրանք, վորոնց նա քանի-քանի անգամ գիշերով փնտրել է Տարասկոնի փողոցներում: Ահա վերջապես նրանք գալիս էլին:

... Նախ և առաջ նա անակնկալից տեղն ու տեղը սառած մնաց, բայց յերբ տեսավ, վոր ծովահենները հարձակվում են արկղների և պալուսակների վրա, պոկում են նրանց վրայի կտավե ծածկոցները և վերջապես սկսում են կողոպտել նավը, այն ժամանակ հերոսն իսկույն ուշքի յեկավ և վորսորդական դանակը պատյանից հանելով «ի զեն, ի զեն» գոռաց և ինքն ամենից առաջ հարձակվեց ծովային ավազակների վրա:

— Ի՞նչ կա, ի՞նչ լեղավ ձեզ,— շտապեց հարցնել նավապետ Բարբասուն, վորը բարձրանում էր նավախորշից:

— Այդ դժեք էք, կապիտան, շուտ հասեք, շուտ, զինեցեք ձեր մարդկանց:

- Ինչո՞ւ համար, մարդ աստուծո:
- Ինչպե՞ս թե ինչու, միթե չեք տեսնում...
- Ի՞նչը չեմ տեսնում...
- Այ... սրանք... ծովահենները...

Նավապետն ապուշ-ապուշ նայեց Տարտարենին: Այդ ընկալին մի անգին խափշիկ—մեր հերոսի դեղարանը կոնակին՝ վազելով անցնում էր նրա կողքից:

— Սպասիր, — գոռաց Տարասկոնցին և դաշույնը ձեռքին վազեց դեպի առաջ:

- Բարբասուն հասավ նրա յետևից և բռնեց նրա գոտուց:
- Հանգիստ կացեք, գրողը տանի, սրանք ծովահեններ չեն... ծովահենները վաղուց է ինչ վերացել են աշխարհի յերեսից... սրանք բռնակիրներ են:
- Բռնակիրներ...

— Այո, հասարակ բռնակիրներ, վորոնք բազաժը տեղափոխում են նավից ցամաքի վրա: Յետ դրեք ձեր դանակը պատյանի մեջ, տվեք ձեր տոմսակը և հանգիստ գնացեք այդ սևամորթի հետևից: Նա լավ տղա չե և կառաջնորդի ձեզ հյուրանոց, չեթե կամենաք...

Տարտարենը, փոքր ինչ ընկձված, տվեց իր տոմսակը և խափշիկի հետևից իջավ մի խոշոր մակուչկի մեջ, վորը նավի կողքին թռչկոտում էր ալիքների վրա: Այնտեղ արդեն դարսված էլին նրա բոլոր արկղները, զենքերը և ճանապարհի պաշարեղենը: Սափշիկը բարձրացավ այդ արկղների դեպի վրա և ծնկները ձեռքերի մեջ առած կապիկի նման պոպոցե մի ուրիշ խափշիկ էլ սկսեց թիավարել:

Յերկուսն էլ ծիծաղելով նայում էլին Տարտարենի յերեսին, ցույց տալով իրենց սպիտակ ատամները:

Կանգնած նավակի յետևի մասում, դեմքին այն անուելի ծամածոռ-թյունը, վոր սարսափ էր ազդում իր հայրենակիցներին, մեծ Տարտարենը ջղաձգորեն սեղմում էր իր դանակի կոթը: Չնայած Բարբասունի բացատրություններին, նա դեռևս բոլորովին վստահ չէր, թե ինչ մտադրություն ունեյին այդ սևամորթ բռնակիրները, վորոնք բնավ նման չեյին Տարասկոնի մարդավարի բռնակիրներին:

Հինգ ըոպեյից հետո նավակը կանգ առավ ցամաքի մոտ և Տարտարենը վտառ դրեց այն բարբարոսական ափի վրա, վորտեղ չերեքհարյուր տարի առաջ մի սպանացի թիապարտ Միգուել Սերվանտես անուկով, արժիրական գերբլյան մեջ հղանում եր այն չնաշխարհիկ վեպը, վոր պիտի կրեր «Դոն-Կիխոտ» անունը:

ԴԻՄՈՒՄ ՍԵՐՎԱՆՏԵՍԻՆ:— ԺԱՄԱՆՈՒՄ:— ՈՒՐ ԵՆ «ԹՈՒՐՔԵՐ» ԶԿԱՆ:— ՀԻԱՍԹԱՓՈՒՅՈՒՅՈՒՆ

Ո՛վ Միգուել Սերվանտես Սաավեդրա, չեթե ճշմարիտ ե, վոր այն վայրերում, ուր ապրել են մեծ մարդիկ, նրանցից միշտ մնում ե մի ինչ վոր բան, վոր թափառում և սավառում ե ողի մեջ մինչև դարերի վերջը, ապա ուրեմն այն, ինչ մնացել եր քեզանից այդ բարբարոսական ափերում, պիտի ցնծար և խայտար Տարասկոնցի Տարտարենին, հարավային Փրանսիացու այդ սքանչելի տիպարին, վորի մեջ մարմնացած էյին քո գրքի չերկու հերոսները — Դոն-Կիխոտը և Սանչո-Պանսան:

Որը տաք եր և արևոտ: Ծովափին՝ մաքսատան հինգ կամ վեց ծառայողներ, «ալժիրցիներ», վորոնք Փրանսիացից լուր եյին սպասում, մի քանի մավրիտանցի արաբներ, վորոնք ծալապատիկ նստած ծխում էյին իրենց չերկար չիբուխները, և մի քանի մալթացի նավաստիներ մեծ ուռկաններով սարդին էյին վորսում. հազարավոր ճերմակ ձկնիկներ արծաթի դրամներով նման պսպղում էյին ցանցերի արանքից:

Բայց հենց վոր Տարտարենը վտառ դրեց ցամաքի վրա, ամբողջ ծովափը կենդանացավ, կերպարանափոխվեց: Մի խումբ վայրենիներ ավելի ահուելի քան նավի ծովահենները, կարծես զետնի տակից բանելով, հզոր տվին մեր ճանապարհորդի վրա: Բարձրահասակ արաբներ, գրեթե մերկ, ծածկված միայն բրդե սավաններով, կարճահասակ մավրեր — ցնցոտիների մեջ վաթաթված, նեղրեր, թունուզցիներ, մահոհիներ, մզաբեթներ, հյուրանոցի սպասավորներ, ճերմակ գոգնոցներով — ամենքը բղավում էյին, կախ ընկնում Տարտարենի զգեստներից, իրար հետ կռվում իրեղենների համար: Մեկը պաշարեղենն եր քաշ տալիս, մյուսը դեղարանը և բոլոր միասին լեզուների տարրինակ մի

խառնուրդով զանազան հյուրանոցների աներևակայելի անուններ էյին տալիս...

Այդ գոռում-գոչումից դուրսը կորցրած խեղճ Տարտարենը վաղվղում եր դես ու դեն, հրում եր սրան, նրան, բարկանում եր և չիմանալով, թե ինչ կերպ լեզու հասկացնի այդ բարբարոսներին — ճառում եր Փրանսերեն պրովանսական բարբառով և մինչև անգամ լատիներենով, Պուրսոնյակի<sup>1)</sup> լատիներենով — rosa, bonus, bona, bonum...

Չուր աշխատանք: Նրան վոչ վոք չեր լսում... Բարեբախտաբար այդ ըոպեյին մի կարճահասակ մարդ, համազգեստով, դեղին ոճիքով, մի յերկայն գավազանով զինված հոմերոսյան աստծու պես այդ հարհրոցի մեջ մտավ և գավազանի հարվածներով ցրեց խառնիճաղանճ ամբոխը: Այդ մարդը քաղաքի վտարկաններից մեկն եր: Շատ քաղաքավարի կերպով նա առաջարկեց Տարտարենին իջնել «Յեվրոպա» հյուրանոցը և նրան հանձնեց այդ հյուրանոցի սպասավորներին, վորոնք Տարտարենին և նրա իրեղենները տարան՝ բարձած մի քանի սայլակների վրա:

Հենց առաջին քայլերից Տարտարենը մնաց ապշած, բերանը բաց: Նա Ալժիրը յերևակայում եր մի արևելյան, առասպելական, կախարդական քաղաք, մի ինչ վոր խառնուրդ Կոստանդնուպոլսի և Ջանդիրբարի... Իսկ այժմ նրա առաջ կարծես նույն Տարասկոնն եր... Սրճարաններ, ճաշարաններ, լայն փողոցներ, չորս հարկանի տներ, մի փոքրիկ սալահատակած հրապարակ, վորտեղ զինվորական չերաժշտախումբը նվագում եր Ոֆֆենբախի պոլկաները, աթոռների վրա նստած պարոններ գարեջուր էյին խմում, տիկիներ, մի քանի թեթևաբարո կանայք և հետո զինվորականներ, ելի զինվորականներ, շարունակ զինվորականներ և վոչ մի հատ բուր... Այո, վոչ մի հատ, բացի իրենից: Նա սկսեց մինչև անգամ քաշվել, յերբ անց եր կենում՝ հրապարակից ամենքը նրան էյին նայում: Զինվորական չերաժիշտները կանգ առան և Ոֆֆենբախի պոլկան մի պահ ողում կախ մնաց:

Չույգ հրացաններ ուսերին՝ ատրճանակը կողքին — խստադեմ և վեհ ինչպես Ռոբլինգոն Կրուզոն, Տարտարենը ծանր քայլ

1) Պուրսոնյակ — Մուլիերի կոմեդիաներից մեկի գլխավոր անձնավորությունը: Մ. խմբ.

լերով անցավ այդ բոլոր խմբերի միջով, բայց յերբ հյուրանոց հասավ, նա այլևս անկարող եր դիմանալ: Ուժերը լքեցին նրան: Տարասկոնի հրաժեշտը, Մարտիկի նավահանգիստը, ծովը, Էերնոգորիայի իշխանը, ծովահենները, — այդ բոլորը խառնուրդով, շփոթ հիշն առաջացրել նրա գլխի մեջ... Նրան գրկեցին և ներս տարան իր սենյակը, գինաթափ արին, շորերը հանեցին և ուղում ելին մարդ ուղարկել բժշկի հետևից, բայց մեր հերոսը հենց վոր գլուխը դրեց բարձին, սկսեց այնպիսի ուժով և քաղցր խամփացնել, վոր հյուրանոցի տերն այլևս ավելորդ համարեց գիտության ոգնությանը դիմել, և ամենքը կամացուկ դուրս յեկան սենյակից:

### ԱՌԱՋԻՆ ԳԱՐՍՆԱԿԱԼՈՒԹՅՈՒՆ

Նավահանգստի պալատի ժամացույցը ժամը յերեքն եր խփում, յերբ Տարտարենը դարթնեց: Նա քնել եր մի ամբողջ յերեկո, մի ամբողջ գիշեր, մի ամբողջ առավոտ և կեսօրից հետո ել բավական ժամանակ: Ի՞նչ ասել կուզի, վոր խեղճ ֆեսը յերեք ծանր օրեր եր անցկացրել...

Աչքերը բաց անելուն պես հերոսի առաջին միտքը չեղավ հետևյալը. «Այժմ յես առյուծների աշխարհումն եմ», և ի՞նչու թագցնել, մտածելով, վոր առյուծներն այնտեղ են, յերկու քայլի վրա, համարյա քթի տակ, վոր պետք ե դեմ առ դեմ հանդիպել նրանց հետ, բռռռ... մի սառը դող անցավ նրա մարմնով և նա քաջաբար մտավ վերմակի տակ...

Սակայն մի պահ հետո դրսի պայծառ յեղանակը, կապուտակ յերկինքը, սենյակը լույսով զեղող արևը, համեղ նախաճաշիկը, վոր նա վայելեց անկողնում, բաց լուսամուտից դիտելով ծովը, և այս բոլորի վրա ավելացրած մի շիշ սքանչելի գինի, սրան կրկին առաջվա հերոսը դարձրին:

«Դեպի առյուծները» — աղաղակեց նա դեն նետելով վերմակը և արագորեն հագնվեց:

Ահա նրա գործողության ծրագիրը. առանց վոչ վոքի մի բան ասելու դուրս գալ քաղաքից, մտնել անապատի խորքերը, սպասել մինչև գիշերը վրա հասնի, դարանամուտ լինել և առաջին առյուծը հանդիպելուն պես դնում — բնում... Հետո մյուս առավոտ վերադառնալ «Յեվրոպա» հյուրանոց, մի լավ նախաճաշիկ անել, ընդունել արժիրարնակ հայրենակիցների շնորհա-

վորությունները և մի սայլ ուղարկել գազանը քաղաք բերելու համար:

Նա շտապ սպառազինվեց, ծալովի վրանը ձգեց կոնակին, այնպես վոր վրանի փայտը մի վոտնաչափ բարձրանում եր նրա գլխից վեր, և ցցի պես վիզն ուղիղ բռնած դուրս յեկավ փողոց: Վորպեսզի վոչ վոք նրա մտադրությունը չհասկանա, նա վոչ վոքից հարց ու փորձ չարավ ճանապարհի մասին, այլ դիմեց դեպի առաջ, հասավ մինչև Բաբ — Աղունի կամարակապ շուկան, վորտեղ բազմաթիվ արժիրական հրեաներ սարդերի նման դարան մտած իրենց մութ կրպակներում նայում ելին նրա վրա, անցավ թատրոնական հրապարակից, մտավ քաղաքի արվարձաններից մեկը և վերջապես դուրս յեկավ Մուստաֆայի փողոտան:



Այդ պողոտայի վրա տիրում եր աներևակայելի իրարանցում, հանրակառքեր, հասարակ կառքեր, ֆուրգոններ, յեզան սայլեր խոտի բեռներով, Աֆրիկյան հեծելազորի եսկազրոններ, փոքրիկ եշերի կարավաններ, գալեա ծախող նեզրուհիներ, ալդասցի գաղթականների սայլեր, կարմիր արա հագած սպանիներ: Այդ ամենը փողոտ ամպերով ծածկված, հարահրոցի, յերգի, զինվորական փողերի լուսցուցիչ ձայների մեջ:

Ճանապարհի յերկու կողմերը փռված ելին զինվորներով լեցուն գինետներ, մսավաճառի կրպակներ և փայտե կեղտոտ կասկածելի շինություններ...

— Այս ե սրանց գոված Արևելքը, — մտածում եր մեծ Տարտարենը, — Մարտիկի չափ ել թուրք չկա այստեղ:

Մեկ ել հանկարծ նրա աչքին ընկավ մի փառավոր ուղտ, վոր հնդկահավի նման փքված ահագին քայլերով անցնում եր նրա մոտով: Տարտարենի սիրտը սկսեց բարախել:

Ահա արդեն ուղտերը, ուրեմն առյուծներն ել շատ հեռու չեն:

Յեվ իրոք մի քիչ հետո նա նկատեց մի խումբ առյուծի վորսորդներ, վորոնք հրացաններն ուսերին գալիս եյին իր դիմաց:

«Վախկոտներ, մտածեց մեր հերոսն անցնելով նրանց մոտից, — վախկոտներ, չեն ամաչում խմբով են դուրս գալիս առյուծ վորսալու և այն ել շները յետևներից ձգած»: Նրա մըտքովն անգամ չեր անցնում, վոր Ալփիրում բացի առյուծից ուրիշ կենդանու վորս ել կարող ե լինել: Սակայն այդ վորսորդներն ունեյին գործը թողած առևտրականի այնպիսի կերպարանք, և հետո շներով ու պայուսակներով առյուծ վորսալու այդ յեղանակն այն աստիճանի նահապետական եր, վոր Տարասկոնցի հերոսի հետաքրքրութունը շարժվեց, նա մոտեցավ նրանցից մեկին.

— Ինչպե՞ս ե, ընկեր, վորսը լմվ ե:

— Վատ չե, — պատասխանեց վորսորդ, զարմանքով լի մի հայացք ձգելով Տարասկոնցի ուղմիկի ահավոր սպառազինութեան վրա:

— Իսկի սպանեցի՞ք, թե չե:

— Ինչպես չե... բավականին, այն նախեցեք... և ալփիրցի վորսորդը ցույց տվեց իր ահագին պայուսակը, վորը լիքն եր ձագարներով և բեկասներով:

— Պահ, պայուսակում... միթե նրանց պալուսակի մեջ եք զննում...

— Հապա սւր պիտի դնենք:

— Ուրեմն նրանք պետք ե վոր շատ մանր լեղած լինեն...

— Այո, մանր ել կան, խոշոր ել, — ասաց վորսորդը և ըշտապեց միանալ իր ընկերներին:

Անվեհեր Տարտարենն ապուշ կտրած կանգնած մնաց ճանապարհի մեջտեղում... Հետո մի քանի ըոպե խորհելուց հետո, մտքում ասաց. «Եհ, սրանք դատարկապորտներ են, մի հատ ել սպանած չեն լինի», և շարունակեց իր ճանապարհը:

Կամաց-կամաց անցուղարձ անողները պակասում եյին, տները նույնպես: Գիշերը վրա լեր հասնում, առարկաները լավ

չեյին ջոկվում: Տարասկոնցի Տարտարենը կես ժամ ել քայլեց: Կանգ առավ... արդեն կատարյալ գիշեր եր, անլուսնկա, աստղազարդ գիշեր: Ճանապարհի վրա այլևս վոչ վոք չեր յերևում: Չնայած դրան — մեր հերոսն իրավացիորեն մտածեց, վոր առյուծները դիլիժանսներ չեն, վոր դուրս գան մեծ ճանապարհի վրա, ուստի և նա ճանապարհը շեղեց դեպի դաշտը... Ամեն քայլափոխին նա հանդիպում եր փոսերի, վիշերի, թփերի, բայց այդ ամենը վոչինչ. նա շարունակում եր առաջ գնալ... մեկ ել հանկարծ նա կանգ առավ:

— Այստեղից առյուծի հոտ ե գալիս, — ասաց մեր հերոսը ինքն իրեն և սկսեց աջ ու ձախ հոտոտել:

## ԲՈՒՄ — ԲՈՒՄ

Նրա առաջ փոված եր մի անծայրածիր վայրի անապատ, ծածկված Արևելքի այն տարրորինակ բուշսերով, վորոնք նման են չար գաղաններին: Աստղերի աղոտ լույսի տակ նրանց խոշոր բացած սովերները տարածվում եյին գետնի վրա ամեն ուղղութեամբ: Աջ կողմն աղոտ կերպով նշմարվում եր մի լեռան




լայնանիստ և ծանր գանգվածը: — գուցե Ատլասն եր... Չախ կողմը խուլ մռնչում եր անտեսանելի ծովը... գաղաններին հրապուրելու իսկական վայր...

Հրացաններից մեկն առջևը դրած, մյուսը ձեռքում բռնած Տարասկոնցի Տարտարենը մի ծունկը չոքեց և սպասեց...

սպասեց մի ժամ... յերկու ժամ... վոչ մի բան: Այն ժամանակ նա մտաբերեց, վոր իր դիրքերում նշանավոր վորսորդները առյուծներին հրապուրելու համար միշտ իրենց հետ վերցնում են մի ուլ: այդ ուլի վոտը թոկով կապում են և թոկը քաշելով ստիպում են նրան մկկալ: Տարտարենն իր հետ ուլ չունենալով, մտածեց ինքը նրա տեղը բռնել և սկսեց ուլի նման «մեմե» մկկալ:

Սկզբում նա շատ կամաց եր մկկում, վորովհետև այնուամենայնիվ սրտի խորքում նա վախենում եր, վոր չլինի թե առյուծը հանկարծ լսի և գա... բայց հետո տեսնելով, վոր վոչ վոք չի գալիս, նա սկսեց ավելի բարձր ձայնով մկկալ. «մե-



մե»: Դարձյալ վոչինչ չերևաց... վերջապես համբերութունից դուրս գալով նա մի անգամ իրար յետևից «մե... մե... մե...» մկկաց և այն ել այնպիսի ուժով, վոր կարծես ուլը կամաց—կամաց յեզ եր դարձել:

Հանկարծ նրանից մի քայլ հեռու մի անագին սև բան դուրս պրծավ... Տարտարենը ձայնը գցեց փորը: Ահագին սև բանը կռանում եր, գետինը հոտոտում, թռչկոտում, թավալվում, մեկ՝ արագ վազքով հեռանում, մեկ՝ վերադառնում և մեկին կանգ առնում... Կասկած չկա, այդ մի առյուծ եր... Արդեն շատ պարզ յերևում ելին նրա չորս կարճիկ թաթերը, հուժկու պարանոցը և մթուժյան մեջ փայլատկող գույք աչքերը: Նշան, կրակ, բռն-բռն... Գործը կատարված ե:— Հետո նա հանկարծ մի քայլ հետ ցատկեց և քաշեց վորսորդական դանակը:

Հրացանի ձայնին պատասխանեց մի սարսափելի մունչուն: — Դիպավ,—բացականչեց քաջ Տարասկոնցին և իր ուժեղ վոտների վրա հենված պատրաստվեց դիմագրավել գազանին, սակայն վերջինս յերևի ստացել եր իր հաշիվը, և վոռնալով փախավ կրնկակոխ: Տարտարենն սակայն տեղից չչարժվեց. նա սպասում եր եզ առյուծին... ճիշտ այնպես, ինչպես կարդացել եր իր գրքերում:

Բայց դժբախտաբար եզը չերևաց: Յերկու—յերեք ժամ սպասելուց հետո Տարասկոնցին սաստիկ հոգնեց: Գիշերվա ցողից գետինը խոնավացել եր, ողբ ցրտում եր, ծովային քամին ել կծում եր:

«Արի մի փոքր քնենք մինչև լուսաբաց»—ասաց ինքն իրեն մեր հերոսը և ցրտից պաշտպանվելու համար դիմեց ծալովի վրանի ոգնության: Բայց սատանի նման այդ վրանը մի այնպիսի բարդ կառուցվածք ուներ, վոր ինչ արավ—չարավ՝ չկարողացավ բաց անել:

Չուր եր նա մի ամբողջ ժամ պայքարում ու քրտնում, անիծյալ վրանը չեր ուղում բացվել: Պատահում ե, վոր հեղեղանման անձրևի ժամանակ մի կարգ հովանոցներ ճիշտ այդպիսի խաղ են խաղում մարդու գլխին:

վերջը ճարահատված Տարասկոնցին գետին շարտեց վրանը և պռկեց վրան, հայտնաբերեց թափելով իսկական պրովանսալց: և նման:

— Տն տն բա տա, տարատն...

— Այս ի՞նչ եր,—բացականչեց Տարտարենը քնից հանկարծ վեր թռչելով:

Այդ զինվորական փողի ձայնն եր, վոր լսվում եր մոտակա զորանոցներից: Արդեն լուսաբացի փողն ելին փչում... Առյուծների վորսորդն ապշած, աչքերն եր տրորում... Նա, վոր իրեն կարծում եր ամալի անապատի մեջ... այժմ գիտեք ուր եր գտնվում... մի բանջարանոցում, մի կողմից ծաղկակաղամբի, մյուս կողմից ճահիղեղի տունկերի մեջ:

Տարտարենի Մահարայում բանջարեղեն եր բսնում: Շատ մոտիկ, Մուստաֆայի կանաչադարդ կողերի վրա արշալույսի պայծառ ցողի մեջ շողշողում ելին ալժիրական ձյունասպիտակ վրլանները, ճիշտ նման Մարսելի շրջակա ամառանոցներին:

Այդ խաղաղ տեսարանի բանջարանոցային և քաղքենա-

կան կերպարանքը խիստ զարմացրեց մեր խեղճ հերոսին և լցրեց նրա սիրտը դառնութեամբ:

— Այստեղ մարդիկ բոլորովին հիմար են,—ասում էր նա ինքն իրեն,—առյուծների կողքին կաղամբ ու ճակնդեղ են ցանում: Յերազ հո՛ չէր տեսածս... առյուծները մինչև այստեղ են հասնում: Ահա՛ ապացույցը...

Ապացույցն այն արջան բծերն էին, վոր դաղանը փախչելու ժամանակ թողել էր իր հետևից: Այդ արյունոտ հետքերի վրա կուցած, աչքերը չորս բաց արած, ատրճանակը ձեռքին, քաջասիրտ Տարասկոնցին կաղամբից-կաղամբ թռչելով վերջապես հասավ մի փոքրիկ արտ, վորտեղ վարսակ էր ցանած... Այստեղ ճիւղված խոտի վրա, արլան լճակի մեջ, մի անագին վերք գլխին կողքի վրա պառկած էր մի... հապա իմացեք թե ինչ...

— Իհարկե առյուծ, ուրիշ ինչ կարող էր լինել:

— Վո՛չ, ե՛ր, մեկն այն մանրիկ եղբրից, վորոնք այնքան տարածված են Ալժիրում, և այնտեղ ծանոթ են «բուռուիկո»<sup>1)</sup> առնում:

### ԵԳ ԱՌՅՈՒԾԻ ՅԵՐԵՎԱԼԸ:— ՍԱՐՍԱՓԵԼԻ ՃԱԿԱՏԱՄԱՐՏ: — ՃԱԳԱՐՆԵՐԻ ԺԱՄԱԴԻՍՎԱՅՐԸ:

Տեսնելով իր դժբախտ զոհին, Տարտարենը նախ և առաջ զգաց սրտնեղութուն և զայրույթ: Յե՛վ իսկապես, ի՜նչ անագին տարբերութուն առյուծի և ավանակի մեջ... բայց հետո դրան հաջորդեց կարեկցության զգացումը: Խեղճ իշուկն այնպես լավիկն էր, այնպես բարի կերպարանք ուներ: Նրա կողքի կաշին, վոր դեռևս չէր սառել, ալիքի նման բարձրանում և իջնում էր: Տարտարենը չոքեց իշուկի առաջ և իր ալժիրական լայն գոտիով աշխատում էր կանգնեցնել արջան հոսանքը: Մե՛ծ մարդը խնամում էր փոքրիկ իշուկին... ի՜նչ սրտաճմլիկ տեսարան:

Իշուկը, վոր դեռ չէր փչել իր վերջին շունչը, մետաքսի գոտու քնքուշ հպումից բաց արավ իր գորշագույն խոշոր աչքերը, յերկու թե յերեք անգամ յերկար ականջները շարժեց, կարծես ուզում էր ասել. «Շնորհակալ եմ, շնորհակալ եմ»:

1) Թեւի:

Հետո վերջին մի ցնցում անցավ նրա մարմնով և նա այլևս չշարժվեց:

— Սևուկս, սևուկս,—ձչաց հանկարծ վշտից խեղդված մի ձայն, և նույն բոպեյին մերձակա թփերը շարժվեցին... Տարտարենը հազիվ կարողացավ ցատկել վոտքի վրա և պաշտպանողական դիրք բռնել... Այդ եզ առյուծն էր:

Յեկավ կատաղած ու մռնչալով: Նա ուներ այլասցի մի պառավ կնոջ կերպարանք, զինված էր մի անագին կարմիր հովանոցով և ողբ թնդացնում էր իր իշուկին կանչելով: Անտարակույս Տարտարենն ավելի կգերադասեր գործ ունենալ մի կատաղած եզ առյուծի հետ, քան թե ջագու պառավի հետ: Իզուր էր խեղճը փորձում բացատրել պառավին լեղելության պատճառը, թե ինչպես նա սխալմամբ սևուկին առյուծի տեղ է ընդունել... Պառավը, կարծելով, վոր ծաղրում է իրեն, սոսկալի անեծքներ թափելով, հարձակվեց մեր հերոսի վրա և սկսեց ձեռքի հովանոցով հարվածներ տեղալ նրա գլխին: Տարտարենը ամոթից մի քիչ շփոթված, աշխատում էր պաշտպանվել ինչքան կարող էր: Իր ձեռքի կարճ հրացանով նա հետ էր մղում հովանոցի հարվածները, քրտնքի մեջ կուրած դես ու դեն էր թռչկո-



տում և անդադար գոռում եր. «Բայց, տիկին, խնդրեմ... տիկին...»:

Ո՞ւմն ես ասում, տիկինը կարծես խուլ եր և կրկնապատկած ուժով վրա յեր տալիս:

Բարեբախտաբար այդ բոլորին մի յերրորդ անձնավորու-թյուն յերևաց ուղիղաշարի վրա: Այդ արգասցի պառավի ամուսինն եր, ինքն ել արգասցի և պանդոկապան, վոր շատ լավ գիտեր իր հաշիվը: Յերբ նա տեսավ, թե ում հետ գործ ունի և իմացավ, վոր սպանողը համաձայն եր վճարել իր գոհի գինը, իսկույն զինաթափ արավ պառավին և գործը կարգի դրեց:

Տարտարենը վճարեց յերկու հարյուր ֆրանկ, իսկ ավանակն արժեք շատ-շատ տասը ֆրանկ: Այդքան եր իշուկների սովորական գինն արաբական շուկաներում: Այնուհետև նրանք թաղեցին սևուկին մի թղենու տակ և պանդոկապետը, զվար-թացած տարասկոնյան վոսկիների փայլով, հրավիրեց մեր հե-րոսին իր պանդոկը, վորը գտնվում եր մի քայլ հեռու, մեծ ճանապարհի կողքին...

Ալփրոցի վորտորդներն ամեն կիրակի հավաքվում ելին այդ պանդոկում նախաձաշելու, վորովհետև դաշտը վորսառատ եր և ամբողջ շրջակայքում ճագարների կողմից դրանից լավ տեղ չկար:

— Իսկ առյուծներ,— հարցրեց Տարտարենը.

Արգասցին զարմանքով նայեց նրան.

— Առյուծներ:

— Այո, առյուծներ, մի՞թե առյուծներ յերբեք չեն պատա-հում, — շարունակեց խեղճ մարդն այս անգամ արդեն փոքր ինչ անվստահ ձայնով:

Պանդոկապետը քահ-քահ ծիծաղեց:

— Ի՞նչ առյուծ, ի՞նչ բան... առյուծներն այստեղ ինչ գործ ունեն:

— Բայց մի՞թե Ալփրոցում առյուծներ չկան:

— Յես իմ հոգին, կյանքումս յերբեք չեմ տեսել, թեև անհ քսան տարուց ավելի յե ապրում եմ այս կողմերում: Սա-կայն լսել եմ և կարծեմ մինչև անգամ լրագրերում կարդացել եմ, վոր կան... միայն թե վոչ այստեղ, այլ շատ հեռու, հարա-վում...

Այդ բոլորին նրանք հասան պանդոկ, մեկն այն պանդոկ-ներից, վորոնց նմանը կարելի չե հանդիպել վանվում և Պան-

տենում: Դուան գլխին մի չորացած ծառի ճյուղ և պատերի վրա նկարված բիլիարդի ձողեր: Պանդոկի վրա կար հետևյալ համեստ ցուցանակը:

«Ճագարների ժամադրավայր»

Ականջդ կանչի, ո՞վ Բրավիդա<sup>1</sup>)...

## ՀԱՆՐԱԿԱՌՔԻ, ՄԱՎՐԻՏԱՆՈՒՀՈՒ ՅԵՎ ՀԱՍՄԻԿԻ ՓՆՋԻ ՊԱՏՄՈՒԹՅՈՒՆԸ

Այս առաջին արկածի անհաջողությունը բավական կլիներ շատ-շատերին հուսալքելու համար, սակայն Տարտարենի նման կոփված մարդիկ այդքան շուտ չեն ընկճվում:

— Առյուծները հարավումն են,— մտածեց հերոսը.— Եհ, ինչ կա վոր, յես ել կգնամ հարավ:

Յեվ վերջին պատառը կուլ տալուն պես տեղիցը վեր կա-ցավ, շնորհակալություն հայտնեց տան տիրոջը, անվոխակալ սրտով համբուրվեց պառավի հետ, մի վերջին կաթիլ արցունք թափեց դժբախտ Սևուկի վրա և անմիջապես վերադարձավ քա-ղաք, հաստատ վորոշած լինելով իրեղենները կապել և նույն օրը ուղևորվել դեպի հարավ:

Դժբախտաբար քաղաք տանող ճանապարհն այսօր կար-ծես ավելի յերկարացել եր յերեկվանից, արեգակը սաստիկ այրում եր, փոշին անտանելի. ծալովի վրանը ճնշում եր նրա ուսերը... Տարտարենը զգաց, վոր վոտքով չպիտի կարողանա հասնել, ուստի նա կանգնեցրեց առաջին հանդիպող հանրա-կառքը և մտավ մեջը:

Ահ, խեղճ Տարասկոնցի Տարտարեն: Հաղարապատիկ ավե-լի լավ կլիներ նրա անվան, նրա փառքի համար, յեթե նա մը-տած չլիներ այդ չարբաստիկ հանրակառքը և վոտքով շարու-նակած լիներ իր ճանապարհը, թեկուզ և շնչահեղձ լիներ ողի, վրանի և զենքերի տակ...

Յերբ Տարտարենը նստեց, կառքում այլևս տեղ չմնաց: Խորքում նստած եր մի սևամորուք կրոնավոր քիթն աղոթա-գրրքի մեջ կոխած: Նրա դեմ ու դեմ մավրիտանացի մի յերի-

1) Ակնարկում ե այն, վոր ճագար (caria) բառը Բրավիդան գործ օր անում էքաջ մարդ իմաստով: Մ. խմբ.

տասարդ վաճառական, վոր ծխում եր հաստ գլանակներ: Հետո մի մալթացի նավաստի և չորս թե հինգ մալթիտանացի կանայք, վորոնք վորտից մինչև գլուխ փաթաթված եյին սպիտակ քողով, յերևում եյին միմիայն նրանց աչքերը: Այդ տիկիներն լխտ եյին գնացել Արդել-Կաղերի գերեզմանին և այժմ յետ եյին դառնում. բայց այդ տխուր այցելութունը, յերևում եր առանձին տրամութուն չեր պատճառել նրանց. նրանք անդադար ծիծաղում և շղակրատում եյին իրար հետ, իրենց քողի տակ կրծոտելով քաղցրավենիներ:



Տարտարենին այնպես թվաց, վոր նրանք շատ են իրեն նախում: Մանավանդ մեկը, վոր նստած եր Տարտարենի դեմ ու դեմը, աչքը հառել եր նրա աչքերին և ամբողջ ճանապարհի ընթացքում հայացքը չհեռացրեց նրանից: Թեև տիկնոջ յերեսը ծածկված եր քողով, այնուամենայնիվ նրա խոշոր և սևորակ աչքերի փայլը, նրա նուրբ և գողտրիկ, վոսկի ապարանջաններով զարդարված դաստակը, վորը մերթ ընդ մերթ յերևում եր քողի տակից, նրա ձայնի քաղցր հնչյունը, նրա գլխի նաղելի շարժվածքը, — այդ ամենը պարզ ցույց եր տալիս, վոր ծածկոցի տակ պահված ե մի դեռատի, չքնաղ, պաշտելի արարած... Թշվառ Տարտարենը նստած տեղը չգիտեր ինչ աներ: Արևելյան

այդ հրացայտ աչքերի լուռ փաղաքշանքը նրան հուզում, սպանում եր, նա մեկ քրտնում եր, մեկ սառչում...

Այդ դեռ բավական չեր, տիկնոջ սիրուն վտանամանն եր մեջ ընկավ... Նա զգում եր — թե ինչպես իր վորսորդական կոպիտ կոշիկների վրայից փոքրիկ կարմիր մկան նման վազվզում, խլրտում եր գեղեցկուհու վտանամանը: Ի՞նչ անել, պատասխանել արդյոք այդ հրացայտ հայացքներին, այդ փաղաքշանքին... Միրային արկած Արևելքում. — չէ՞ վոր այդ մի սարսափելի բան ե... Յեվ իր վիպական ու տարասկոնյան յերևակալությամբ քաջասիրտ Տարտարենը տեսնում եր իրեն արդեն ընկած ներքինիների ձեռքը, գլխատված կամ թերևս կաշվե տոպրակի մեջ կարված՝ լողում ե ծովի վրա՝ կտրած գլուխը կողքին: Այդ բանը փոքր ինչ սառեցնում եր նրան... սակայն փոքրիկ հողաթափը շարունակում եր իր խաղը, իսկ իր դիմացի աչքերն ավելի լայն բացելով նայում եյին նրան, ինչպես յերկու սև թավշյա ծաղիկներ, վորոնք կարծես ասում եյին.

— Բաղիւր մեզ, քաղիւր...

Հանրակառքը կանգ առավ: Հասել եյին թատրոնի հրապարակը, Բաբ-Ազուն փողոցի հանդեպ: Մալթիտանացի կանայք մեկ առ մեկ իջան կառքից, խճճվելով իրենց լայն շավարների մեջ, վայրենի նազանքով իրենց մարմինն սեղմելով քողը: Ամենից վերջը տեղից բարձրացավ Տարտարենի հարևանուհին և բարձրանալիս դեմքն աչնպես մոտեցրեց հերոսի դեմքին, վոր վերջինս զգաց նրա շունչը, լի թարմության, մուշկի և քաղցրավենիքի անուշ բուրմունքով:

Տարասկոնցին այլևս չկարողացավ դիմանալ: Հարբած սիրուց և ամեն ինչ աչքն առած, նա սլացավ մալթիտանացի տիկնոջ յետևից... Նրա գեղեցիկ աղմուկից տիկնոջ գլուխը յետ դարձրեց, մեկ մատը տարավ դեպի քողով ծածկված շրթունքը, կարծես ուզում եր ասել. «Մոռ», իսկ մյուս ձեռքով ձգեց նրան վզնոցի նման հյուսված անուշարույր հասմիկների ծաղկեփունջը: Տարտարենը կուսցավ, վոր փունջը վերցնի և վորովհետև մեր հերոսը մի քիչ ծանր եր և գեղեցիկով շատ ծանրաբեռնված, այդ գործողութունը բավական յերկար տեվեց...

Յերբ նա վոտքի լելավ, հասմիկները սրտի վրա սեղմած, մալթիտանուհին անհայտացիլ եր:

# ԱՏԼԱՍ ԼԵՌՆԵՐԻ ԱՌՅՈՒԾՆԵՐ, ՔՆԵՑԵՐ

Ատլաս լեռների առյուծները, քնեցեք: Քնեցեք հանգիստ ձեր խոր վորջերում վայրենի կակտուսների ու հաշվենների<sup>1)</sup> մեջ... Դեռևս մի քանի որ Տարասկոնցի Տարտարենը ձեզ չի կոտորելու: Այժմ նրա բոլոր ռազմական գործիքները, զենքերը, արկղները, դեղարանը, վրանը, պաշարեղենը,— այդ բոլորը կապկպված հանգստանում են № 36 սենյակի մի անկյունում:

Քնեցեք անվախ, հսկա շեկ առյուծներ, Տարասկոնցին իր մավրիտանուհուն է փնտրում: Հանրակառքի դեպքից հետո խեղճ մարդն անընդհատ զգում էր իր վոտքի, վորտորակախ խոշոր վոտքի վրա կարմիր մկնիկի վազվառուքը, և ծովից փչող քամին, դիպչելով նրա շրթունքներին, իր հետ բերում էր շարունակ քաղցրավենիների և հասմիկի հեշտալի բուրմունքը:

Այ՛, անպատճառ նա պետք է գտնի իր մավրիտանուհուն: Բայց ինչպե՞ս:

Հարյուր հազար բնակիչ ունեցող մի քաղաքում գտնել մի կնոջ, վորի բուրմունքը, կոշիկները և աչքերի դուխն են միայն քեզ ծանոթ, այդ այնքան էլ դյուրին բան չէ: Միբուրեց խենթացած Տարասկոնցին միայն կարող էր նման արկածալի գործի մեջ մտնել:

Ամենից սոսկալին այն էր, վոր մավրիտանուհիները բուրն էլ իրենց սպիտակ քողի տակ ամենևին չեն տարբերվում մեկը մյուսից: Բացի այդ տիկիներն առհասարակ անից դուրս չեն գալիս և նրանց տեսնելու համար պետք է գնալ քաղաքի վերին մասը, արաբական քաղաքամասը, վորտեղ թուրքերն են ապրում:

Իսկ քաղաքի այդ մասը ով չգիտե, վոր մի կատարյալ ավազականոց է: Ծուռ ու մուռ, նեղլիկ ու մուրթ փողոցներ, վորտեղ տներն այնքան մոտ են իրար, վոր նրանց տանիքներն իրար են կպչում, կազմում են մի խավար տուններ:

Տների դռները ցածլիկ, պատուհանները փոքրիկ, մռայլ խանութներ, վորոնց մեջ նստած դաժան «թուրքերը» ծովահենի դեմքով, սպիտակ աչքերով ու փալուն ատամներով ծխում են յերկար չիբուխներ և իրար մեջ փսփսում... Ո՞վ գիտե, թե ի՞նչ չար բաներ են նյութում...

1) Արևադարձային բույսեր: Ծ. խմբ.

Ճշմարտության դեմ մեղանչած կլինեյինք, լեթե ասեյինք, վոր Տարտարենն առանց ներքին հուզմունքի յեր անցնում այդ սոսկալի փողոցներով: Նա սաստիկ հուզված էր և այդ նեղ տեղերից անցնելիս, վորոնց ամբողջ լայնությունը լցվում էր իր մեծ փոքրով, նա ամենամեծ զգուշությամբ դեռ ու դեռ էր նայում, մի մատը միշտ դրած ատրճանակի բլթակի վրա: Ամեն բոլոր նա սպասում էր, վոր լեռների ներքինիների և յենիչերիների մի վոնմակ կթափվի իր վրա: Մակայն մավրիտանուհուն կրկին տեսնելու փափազը նրան հանդգնություն և հսկայի ուժ էր տալիս:

Ութ որ շարունակ անվեհեր Տարտարենը թափառում էր վերին քաղաքամասում: Յերբեմն նա ժամերով կանգնում էր բաղնիքների առաջ, սպասելով այն ժամին, յերբ մավրիտանուհիները թրթռուն և հոտավետ խուճբ-խուճբ դուրս են գալիս բաղնիքից: Յերբեմն էլ նրան կարելի յեր տեսնել պղզած մզկիթներ, դռանը՝ փնջալով, քրտնելով իր յերկար ու խոշոր կոշիկները հանելիս, վորպեսզի մտնի սրբավայրը...

Հաճախ յերեկոները, յերբ նա ապարդյուն վորոնումներից հուսահատված, վերադառնում էր հյուրանոց, վորեկից մավրիտանական տան մոտով անցնելիս Տարտարենի ականջին էլին հասնում միալար յերգերի, կիթառի, թմբուկների և կանացի ծիծաղի ձայներ, վորոնցից նրա սիրտն սկսում էր տրոփել...

«Գուցե նա այնտեղ էր»—մտածում էր նա:

Յե՛վ յեթե փողոցն ամալի յեր լինում, նա մոտենում էր այդ տանը, բարձրացնում էր դռան ծանր մուրճը և թակում կամաց... Յերգն ու ծիծաղն իսկույն դադարում էին. դռան հետևից լսվում էին անորոշ փսփսուկներ և շուկներ, ինչպես քնած հավաքում:

— Պինդ կենանք,—ասում էր նա ինքն իրեն,—տեսնենք ինչ կգա գլխիս:

Մակայն նրա գլխին յեկածը շատ անգամ լինում էր միայն մի մեծ աման սառը ջուր կամ թե նարնջի կճեպներ... ավելի ծանր դեպք յերբեք չէր պատահում:

Քնեցեք, Ատլաս լեռների առյուծներ, քնեցեք:

## ՉԵՐՆՈԳՈՐԻԱՅԻ ԳՐԻԳՈՐԻ ԻՇԽԱՆԸ

Ամբողջ յերկու շաբաթ տարաբախտ Տարտարենը փնտրում էր իր ալժիրցի տիկնոջը, և հավանաբար դեռ էլի յերկար պիտի փնտրեր, յեթե սիրահարների բախտը նրան ոգնություն

չհասներ՝ հանձին Չերնոգորիայի մի աղնվականի: Ահա ինչպես պատահեց այդ:

Չմեռվա ամեն շաբաթ յերեկո, Ալփիրի Մեծ թատրոնը տալիս է իր դիմակավոր պարահանդեսը, ճիշտ Փարիզի Ոպերայի նման: Գավառական անհամ և անվերջ մի պարահանդես: Դահլիճում քիչ մարդ է յերևում, Բյուրիլեյի և Կազինոյի մի քանի թափթփուկներ, բանակին հետևող խենթ որիորդներ, թառամած ֆրանսուներ, սիրո մեջ անհաջող—դիմակավորված պարոններ և հինգ թե վեց տեղացի վրացարարուհիներ, վորոնք բարձր դասի կանանց հովեր են առնում, բայց ելինրանց վրայից չի վերանում սխտորի և շաֆրանի հոտը... Բայց բուն տեսարանն այնտեղ չէ, այլ թատրոնի ֆոյեյում, վորը ժամանակավորապես վերածված է թղթախաղի դահլիճի... տենդոտ և խայտաբղետ մի բազմութուն խառնված է կանաչ սեղանների շուրջը: Արձակուրդավոր տյուրկոներ<sup>1)</sup>, վորոնք սեղանի վրայ են դնում իրենց ուճիկից մնացած արծաթե խոշոր դրամները, վերին քաղաքամասի արար վաճառականներ, մալթացիներ, կոլոնիստ գյուղացիներ, վորոնք քառասուն մղոն տարածութուն են կտրել իրենց բախար փորձելու, մի խաղաթղթի վրա դնելով մի գուլթանի կամ մի դույզ յեղների գինը... Դողդողալով, գունատվելով, ատամները սեղմած, խաղամուրին հատուկ ծուռ, անհանգիստ հայացքով նրանք հետևում են խաղին:

Ավելի հեռուն կանգնած են ալփիրական հրեաները, վորոնք խաղում են ընտանիքով: Տղամարդիկ հագել են արևելյան տարազ, անճոռնի կապույտ գոշլպաներով և թավշյա գրակներով: Կանայք—ուռած և փքված, դեղնած յերեսներով, դիք կանգնել են՝ սեղմված իրենց վոսկեղոծ կրծքակալների մեջ... Խմբված սեղանների շուրջը նրանք աղմկում, խորհրդակցում են, հաշվում են մատներով և խաղում են քիչ: Միայն յերբեմն յերբեմն, յերկար խորհրդակցութունից հետո մի ձեր նահապետ, յերկնավոր հոր յերկար միլրուքով, բաժանվում է խմբից և գրնում սեղանի վրա դնելու մի հինգ ֆրանկանոց ամբողջ ընտանիքի կողմից: Այդ ժամանակ է, վոր բոլոր յերբայական աչքերը նկատում են շողալ, ուղղվելով դեպի սեղանը, սև մագնիսի նման աչքերը, վորոնք կարծես մեկ առ մեկ քաշում են կանաչ սփռոցի վրայի վոսկեղրամները մի անտեսանելի թելով...



1) Տյուրկո—ֆրանսիական գաղութային բանակի զինվոր: Մ խ.

Հետո սկսվում են կռիվները—տուր ու դմփոց, հայհոյանքներ և գոռում-գոչում բոլոր լեզուներով, մեկ էլ տեսար դանակ քաշեցին, վոստիկանները յեկան միջամտելու, հաշվեցին, տեսան փողը պակաս եր...

Ահա այս աղմկալի զրոսավայրն եր լեկել մեծ Տարտարենը մոռանալու իր վիշտը և սրտի անդորրութուն վայելելու:

Հերոսը միայնակ զրոսնում եր բազմության մեջ, մտածելով իր մավրիտանուհու մասին, յերբ հանկարծ խաղասեղանների մոտ վոսկու զնգոցի միջեց լավեցին լերկու բարկացած ձայներ:

— Յես ձեզ ասում եմ, վոր քսան Փրանկ պակաս ե, պարոն:

— Պարոն...

— Այո, պակաս ե, պարոն...

— Իմացեք, թե ում հետ եք խոսում, պարոն:

— Ինձ համար միևնույն ե, պարոն...

— Յես Գրիգորի իշխանն եմ, պարոն...

Լսելով այդ անունը, Տարտարենը բոլորովին հուզված, ամբոխը ձեղքելով մոտեցավ սեղանին: Նա ուրախ եր և հպարտ, վոր գտավ իր իշխանին, այնքան սիրալիր և քաղաքավարի Չերնոգորիայի իշխանին, վորի հետ նա թեթևակի ծանոթացել եր նավի վրա...

Դժբախտաբար իշխանական այդ բարձր տիտղոսը, վոր այնքան շացուցիչ եր միամիտ Տարասկոնցու համար, վոչ մի ապավորութուն չթողեց հեծելագործի սպայի վրա, վորի հետ իշխանը կռվի յեր բռնվել:

— Ախ, այդպես,—ասաց սպան հեղնելով, հետո դառնալով զեպի բազմությունը, հալտարարեց — Չերնոգորիայի Գրիգորի իշխանը... Ով ե ճանաչում սրան... վոչ վոք...

Տարտարենը վրդովված մի քայլ առաջ գնաց:

— Ներեցեք, պարոն, յես ճանաչում եմ իշխանին,—ասաց նա ամենահաստատ ձայնով:

Հեծելագործի սպան մի պահ ուղիղ նայեց նրա լերեսին, հետո ուսերը թոթվելով ասաց:

— Դե լավ, տարեք, բաժանեցեք ձեր մեջ իմ քսան Փրանկը, և թող հարցը փակվի:

Յեվ այս ասելով կռնակը դարձրեց ու կորավ բազմության մեջ:

Տաքարյուն Տարտարենն ուզում եր վազել նրա յետևից, բայց իշխանը թույլ չտվեց, սասելով.

— Թողեք, յես գիտեմ, թե ինչ կանեմ նրան:

Յեվ Տարասկոնցու թեւ մտնելով, նրան արագ քաշ ավեց դահլիճից:

Յերբ դուրս յեկան հրապարակ, Չերնոզորիայի իշխանը գլխարկը վերցրեց, ձեռքը մեկնեց մեր հերոսին և լավ չհիշելով նրա անունը, հուզված ձայնով բացականչեց.

— Պարոն Բարբարեն...

— Տարտարեն, — անհամարձակ կերպով հուշեց հերոսը:

— Տարտարեն, թե Բարբարեն՝ այդ միևնույնն է. այսուհետև մենք բարեկամ ենք մինչև մահ:

Յեվ ազնվաշուք իշխանը բուռն յեռանդով սեղմեց նրա ձեռքը: Կարող էք յերևակայեք Տարասկոնցու հպարտութունը:

— Իշխան, իշխան, — կրկնում եր նա անասելի հրճվանքով:

Քառորդ ժամ անց յերկու բարեկամները նստած ելին «Սոսինների» ճաշարանում, մի հաճելի գիշերային զվարճատեղի, վորը նայում է ծովի վրա, և այնտեղ, վայելելով համեղ ընթրիք Կրետելի ընտիր գինով, նրանք վերանորոգեցին իրենց ծանոթութունը:

Զարձանալի դուրեկան մարդ եր Չերնոզորիայի իշխանը: Նուրբ, բարեկազմ, զանգուր մազերով, սափրված, զարդարված տարրինակ շքանշաններով, նա ուներ վառվառն աչքեր, շոյող շարժումներ և թեթև իտալական առողանութուն, վորով նա նմանվում եր Մազարինին<sup>1)</sup>, միայն առանց բելսի: Նա շատ հմուտ լինելով լատինական լեզուներին, ամեն առթիվ վրկայություններ եր բերում Տացիտից, Հորացիոսից<sup>2)</sup> և «Մեկնություններից<sup>3)</sup>»:

Պատկանելով ազնվականների հին առնմին, նրա սասելով, յեղբայրները տասը տարեկան հասակից հալածել էին նրան իր ազատամիտ գաղափարների համար: Այդ որվանից նա թափառում եր յերկրից-յերկիր՝ մասամբ անձնական զվարճության և

1) Մազարին (1602—61) ֆրանսիական պետական գործիչ, ծագումով իտալացի:

2) Տացիտ, Հորացիոս (55—120), (64—8 ք. ա). հռոմեացի պատմագիր և բանաստեղծ:

3) Հուլիոս Կեսարի: Ծ. խմբ.

մասամբ ել մտավոր զարգացման համար, վորպես փելիսոփա իշխան... Բայց զարմանալի զուգադիպություն. իշխանն ամբողջ յիրեք տարի անց եր կացրել Տարասկոնում... Յերբ Տարտարենը հայտնեց իր զարմանքը, վոր յերեք չի հանդիպել նրան վոչ ակումբում, և վոչ ել քաղաքային զրոսարանում, իշխանը խուսափողական տոնով պատասխանեց. — Յես շատ քիչ ելի տնից դուրս գալիս: Յեվ Տարասկոնցին քաղաքավարութունից դուրս ված այդ մասին հարց ու փորձ չարավ: Չե՞ վոր բոլոր մեծ մարդկանց կյանքն ունի իր խորհրդավոր կողմերը...

Մի խոսքով սքանչելի մարդ եր այդ Գրիգորի իշխանը: Կուճ-կում խմելով գինին, նա մեծ համբերությամբ ահանջ եր դնում Տարտարենին, վոր պատմում եր մավրիտանուհու մասին: Նա մինչև անգամ խոստացավ գտնել նրան, վերովհետև լավ եր ձանաչում այդ կանանց:

Յերկար ժամանակ նրանք նստած կոնծում ելին: Խմեցին Ալժիրի տիկիներերի կենացը, ազատ Չերնոզորիայի կենացը և այլն...

Դուրսը — պատշգամբի ներքև մոնչում եր ծովը և ալիքները լսավարի մեջ ձեծում էին ափերը համաչափ աղմուկով, վոր նման եր թրջած մահուդ թափ տալու ժամանակ լսվող ձայնին: Յեղանակը տաք եր՝ յերկինքը լի աստղերով:

Սոխակը յերգում եր սոսինների մեջ...

Հաշիվը վճարեց Տարտարենը:

### ԳՈՒ ԻՆՁ ԱՍԱ ՔՈ ՀՈՐ ԱՆՈՒՆԸ, ՅԵՍ ՔԵՁ ԿԱՍԵՄ ԱՅՍ ԾԱՂԿԻ ԱՆՈՒՆԸ

Մյուս ուրը առավոտյան իշխան Գրիգորին արդեն Տարտարենի սենյակումն եր:

— Շուտ, շուտ արեք, հազնվեցեք... ձեր մավրիտանուհին գտնված է, նրա անունը Բայիա է... քսան տարեկան, աննման սիրուն և արդեն այրի...

— Այրի... ինչ բախտավորություն, — բացականչեց հերոսը, վորն այնուամենայնիվ, յերկուուր եր կրում Արևելքի խանդոտ ամուսիններից:

— Այո, այրի, միայն թե իր յեղբոր խիստ հսկողության տակ:

— Ա՛հ, գրողը տանի:

— Յեղրայրն ել մի վայրենի մալը ե և շուկայում ծխամորճներ ե ծախում:

Տիրեց լուսթյունն:

— Բայց իհարկե, այդ ձեզ համար վոչինչ, — շարունակեց իշխանը, — դուք այն մարդկանցից չեք, վոր այդպիսի դատարկ բաներից վախենում են: Բացի այդ, մի քանի ծխամորճ գնելով այդ ավազակից, հույս ունեմ, վոր հնարավոր կլինի լեզու գըտնել նրա հետ... Դեհ, շուտ արեք, հագնվեցեք... բախտավոր եք, բախտավոր:

Յերեսի գույնը թռած, հուզված և լի սիրո զգացմունքով, Տարտարենը ցատկեց անկողնից և ֆլանելի լայն վարտիկը ըշտապ-շտապ կոճկելով, հարցրեց.

— Ուրեմն ի՞նչ պետք ե անել:

— Պարզապես իսկույն մի նամակ գրել տիկնոջը և ժամադրություն խնդրել:

— Ուրեմն նա ֆրանսերեն ել գրտե, — հիասթափված հարցրեց Տարասկոնցին, վոր միշտ յերազում եր իսկական Արևելքի մասին:

— Մի բառ անգամ չգրտե, — պատասխանեց իշխանն անհողողդ կերպով. — դուք ինձ կթելաղրեք և յես կթարգմանեմ արաբերեն:

— Ինչքան բարի յեք, իշխան, ինչքան բարի յեք...

Յեվ Տարասկոնցի հերոսը լուռ և մտախոհ սկսեց մեծ-մեծ քայլերով անցուդարձ անել սենյակի մեջ:

Հասկանալի յեր, վոր ալթիրցի մավրիտանուհուն չեր կարելի այնպիսի նամակ գրել, ինչպես գրում են Բոկերի գեղեցկուհիներին: Բարեբախտաբար մեր հերոսը շատ կարգացած մարդ եր և կարող եր Գուստավ Նմարի վեպերի հնդկական պերճախոսությունը բաղադրել Լամարտինի «Արևելյան ճանապարհորդության» վոճի հետ, նա և այդ ամենին խառնելով «Յերգ-յերգոցի» մի քանի հեռավոր վերնիշումներ, նա կարողացավ շաբադրել մի նամակ, միանգամայն արևելյան վոճով: Նամակը սկսում եր հետևյալ խոսքերով.

«Ինչպես ջայլամն անապատի ավազների մեջ»... և վերջանում եր այսպես.

«Իու ինձ աաա Բո հոռ անունը, յես Բեզ կաեսմ այս ծաղկի անունը»:

Նամակի հետ միասին խանդավառ Տարտարենը ուզում եր ուղարկել նաև մի ծաղկեփունջ, վորպես խորհրդանշան, ինչպես այդ պահանջում ե Արևելքի սովորությունը, բայց իշխան Գրիգորին ասաց, վոր ավելի լավ կլիներ տիկնոջ յեղբոր մտախոհ գնել մի քանի հատ ծխամորճ, սրանով նախ կարելի յեր մեղմացնել վայրենի յեղբոր սիրտը և յերկրորդ, մեծ հաճույք պատճառել տիկնոջ, վոր շատ ե սիրում ծխել:

— Դեհ, շուտ գնանք ծխամորճներ գնելու, — ասաց Տարտարենն անհամբեր:

— Վնչ, վնչ, թողեք յես մենակ գնամ. յես ավելի եժան կգնեմ...

— Ինչպե՞ս... Դուք ինքներդ եք ուզում գնալ... Ո՛ր, իշխան... իշխան: — Յեվ Տարտարենը հուզմունքից շփոթված, մեկնեց փողի քսակը հաճոյակատար իշխանին, խնդրելով, վոր վոչինչ չլինայի տիկնոջ սիրտը շահելու համար:

Իժախտաբար հաջող սկսված գործը սպասածին չափ արագ չեր առաջ գնում: Տիկինը, ինչպես յերևում եր, խիստ զգացված եր Տարտարենի պերճախոս նամակից և արդեն այն աստիճան եր հրապուրված, վոր սիրով կցանկանար ինչքան կարելի յե շուտով տեսակցել նրա հետ, սակայն կասկածամիտ յեղբոր յերկյուզին առաջվա պես արգելք եր հանդիսանում: Յեվ այդ արգելքը վերացնելու համար հարկ յեղավ դյուժիներով, գրոսներով, հակերով ծխամորճներ գնել...

— Այդ սատանա Բայիան ի՞նչ ե անում այդքան ծխամորճը, — ինքն իրեն հարց եր տալիս յերբեմն խեղճ Տարտարենը, բայց ելի շարունակում եր վճարել անտրտունջ:

Վերջապես մի քանի բեռ ծխամորճ գնելուց և արեվելյան պերճախոսության մի ամբողջ հեղեղ թափելուց հետո նա ստացավ ցանկացած ժամադրությունը:

Ավելորդ ե նկարագրել, թե ինչպիսի հուզմունքով պատրաստվեց Տարտարենը տիկնոջ մոտ գնալու համար, ինչ խնամքով նա կարգի բերեց, գեղեցկացրեց ու անուշահոտեց իր կոշտ բեխերն ու միբուքը: Տնից դուրս գալիս նա չմոռացավ գրպանը գնել մի կաստեռ և յերկու թե յերեք ատրճանակ, վորովհետև զգուշությունն ամեն ժամանակ լավ բան ե:

Իշխանը, միշտ հաճոյակատար, հանձն առավ ներկա լինել այդ առաջին ժամադրության վորպես թարգման:

Տիկինն ապրում եր քաղաքի վերին մասում: Նրա դռան

առաջ տասներեք թե տասնչորս տարեկան մավրիտանցի մի տղա պապիրոս եր ծխում: Այդ պատանին նշանավոր Ալին եր, վերոհիշյալ յեղբայրը: Յերբ յերկու այցելուները մոտեցան, Ալին չերկու անգամ դուռը բաղխեց և լուռ ու մունջ հեռացավ:

Դուռը բացվեց և շեմքի վրա յերեաց մի խափշիկ կին, վոր առանց մի բառ արտասանելու, առաջնորդեց հյուրերին ներքին բակի միջով դեպի մի փոքրիկ հովասուն սենյակ, վորտեղ տիկինը հատակին փռված անկողնի վրա թեք ընկած սպասում եր...

Առաջին հայացքից Տարտարենին այնպես թվաց, վոր նա ավելի կարճահասակ և ավելի գեր եր, քան հանրակառքի մավրիտանուհին... Արդյոք նա չէր, թե նա չեր... սակայն այդ կասկածը կաջմակի նման մի ակնթարթ միայն փայլեց Տարասկոնցու գլխում և անհայտացավ:



Ինչքան սիրուն և հրապուրիչ եր տիկինն իր մերկ վրասերով, մատանիներով զարդարված թմբիկ մատներով, թարմ, վարդադուլն: Արևելյան վոսկեթել բաճկոնակը, ծաղկավոր շրջագգեստը զրկել եյին նրա գիրուկ, կլորիկ, փափրիկ իրանը: Նարդիլելի սաթե փողը ծխում եր նրա շրթունքների արանքում և ծածկում նրան կապտավուն ծխի խորհրդավոր քուլաներով:

Մտնելով ներս Տարասկոնցին մի ձեռքը դրեց սրտի վրա և արևելյան ձևով մինչև գետինը կռանալով, խորը գլուխ տվեց, կրքոտ աչքերը վոլորելով... Բալխան մի ըոպե անձայն նայեց նրա յերեսին, հետո նարդիլելի սաթե ծխափողը ձեռքից բաց թողնելով, գլուխը հետ ձգեց և յերեսը ծածկեց ձեռներով. յերևում եր միայն նրա սպիտակ պարանոցը, վորն անզուսպ ծիծաղից ցնցվում եր, ինչպես մարգարիտով լեցուն մի քսակ:

## ՍԻԴԻ ՏԱՐՏՐԻ, ԲԵՆ ՏԱՐՏՐԻ

Յեթե մի յերեկո մտնելու լինեք Ալփիլի վերին քաղաքամասի սրճարաններից մեկը և ականջ դնեք այնտեղ հավաքված մավրիտացիների խոսակցության, մինչև այսոք ել դեռ կլսեք մի ինչ-վոր Սիդի Տարտրի անունով հարուստ և առատահուն յեվրոպացու մասին, վոր մի քանի տարի առաջ ապրում եր այդ թաղամասում Բայիյա կոչված տեղացի մի դեռատի տիկնոջ հետ: Այդ մասին խոսելիս նրանք իրար աչքով են անում և քթի տակ ծիծաղում:

Այդ Սիդի Տարտրին ուրիշ մարդ չեր, յեթե վոչ, ինչպես ընթերցողն արդեն գուշակում ե, մեր Տարտարենը...

Այո, ինչ արած, սրբերի և հերոսների Վլյանքում իսկ լինում են թուլության, մոլորության և գայթակղության ժամեր: Հռչակավոր Տարասկոնցին ևս բացառություն չեր կարող կազմել և ահա թե ինչու յերկու ամիս շարունակ նա մոռանալով սուլուծներին և իր փառքը, հարբեց արևելյան սիրով և անձնատուր յեղավ սպիտակ Ալփիլի հրապույրներին, ինչպես Աննիբալը կապուսյում<sup>1)</sup>:

Տարտարենը քաղաքի արարական մասում վարձել եր մի շատ սիրուն տնակ տեղական ճաշակով, վոր ուներ ներքին գավիթ, բանանի ծառեր, զով սրահներ և շատրվաններ: Իր մավրիտանուհու հետ միասին առանձնացած ապրում եր նա հեռու աղմուկից, վոտից մինչև գլուխ արարական զգեստ հագած, առավոտից մինչև յերեկո նարդիլելն փստացնելով և անուշահոտ քաղցրավենիներն անուշ անելով:

Նրա դեմ ու դեմը՝ գահավորակի վրա թեք ընկած, կիթա-

<sup>1)</sup> Կապուս—փոքրիկ քաղաք Իտալիայում, վորտեղ կարթագնացի զորավար Աննիբալը Հռոմը գրավելու համար Աֆրիկայից Յեվրոպա անցնելիս իր բանակի հետ անց կացրեց ձմեռը: Մ. Խմբ.

ուր ձեռքին Բայիան արարական միալար յեղանակներ եր յերգում և կամ թե իր տիրոջը զվարճացնելու համար պարուճակ եր վորովայնի պարը, ձեռքին բռնած մի փոքրիկ հայելի, վորի մեջ ցոլացնում եր ձերմակ ստամբերը և դեմքին հրապուրիչ արտահայտութուն եր տալիս:

Քանի վոր վոչ տիկինը մի բառ Ֆրանսերեն գիտեր և վոչ ել Տարտարենը մի բառ արաբերեն, այդ պատճառով ել խոսակցութունը բավական դանդաղ եր առաջ գնում. այդ մի պատիժ եր շատախոս Տարտարենի համար, մի ապաշխարութուն Բեզուրեյի դեղատանը կամ գինավաճառ Կոստեկալզի խանութում չափից շատ խոսած լինելու հանցանքի համար:

Բայց այդ պատիժն ել ուներ իր քաղցրութունը: Տարտարենը մի տեսակ մեղկ անողորմութուն եր զգում, չերբ ամբողջ որն անխոս ականջ եր դնում նարգիլեյի գլուխին, կիթառի կնակնտոցին և շատրվանի մեղմ կարկաչունին մոզայիկներին մեջ:

Նրա կլանքն ամբողջապես բռնում էյին նարգիլեն, բազնիքը և սերը: Շատ քիչ էյին տնից դուրս գալիս: Յերբեմն յերբեմն միայն Սիդի Տարտարին իր տիկնոջը գավակն առած, ջորիով գնում եր նուռ ուտելու մի փոքրիկ այգում, վոր նա գնել եր քաղաքի շրջակայքում: Բայց յերբեք, ո՛ր, չերբեք նա չեր իջնում քաղաքի յեվրոպական մասը, վորը լիքն եր հարբած գուլակներով, սպաներով, սալահատակի քարերին դիպչող թրերի անվերջ աղմուկով: Ալփրի այդ մասը նրան թվում եր անտանելի և տգեղ, ինչպես Արևմուտքի մի պահակատուն:

Մի խոսքով Տարասկոնցին խիստ յերջանիկ եր: Յերջանիկ եր մանավանդ Տարտարեն-Սանչոն, վորը մեծ ախորժակով վայելում եր տաճկական քաղցրավենիները և ավելի քան գոհ եր վայելում եր տաճկական քաղցրավենիները և ավելի քան գոհ եր իր նոր կլանքից: Սակայն Տարտարեն-Կիխոտը մեկ-մեկ խղճի խայթ եր զգում, չերբ մտաբերում եր Տարասկոնը և իր խոստացած առյուծի մորթիները: Բայց այդ յերկար չեր տևում: Բայիայի մի հայացքը կամ մի գդալայն սատանայական բուրումնալի անուշեղեններից բավական էյին Կիրկեյի<sup>2)</sup> լամիչքի նրման մի ակնթարթում ցրելու նրա այդ տխուր մտածմունքները:

1) Չուլով—արաբական տարազ հագած Ֆրանսիական զինվոր. Ծ. խմբ.

2) Կիրկեյ— առասպելական կախարդ կին, վորը հրապուրել եր Վոդեսեսին և թույլ չեր տալիս նրան գնալ իր հայրենիքը: Այս դեպքը նկարագրել և ձևերոսը «Վոդեսեսական» մեջ: Ծ. խ.

Յերեկոններն իշխան Գրիգորին գալիս եր փոքր ինչ խոսելու ազատ Չերնոգորիայի մասին... Չարմանալի պատրաստակամությամբ այդ բարեսիրտ ազնվականը կատարում եր Տարասկոնցու տան մեջ թարգմանչի և հարկ յեղած դեպքում մինչև անգամ տնտեսի պաշտոնը. և այդ ամենը ձրի, լոկ նրան հաճույք պատճառելու համար... Բացի իշխանից Տարտարենն ընդունում եր իր մոտ նաև մի քանի «թուրքերի» այցելութունը: Այդ բոլոր կատարի ավազակները, վորոնք մի ժամանակ այնքան ան եյին ազդում նրան, նստած իրենց մուժ կրպակների խորքում, մոտիկ ծանոթութունից հետո դուրս յեկան շատ համեստ, անվսաս առևտրականներ, գորգագործներ, համեմի վաճառականներ, ծխամորձ շինողներ— բոլորն ել քաղաքավարի, խոնարհ, գաղտնապահ մարդիկ:

Շաբաթը չորս թե հինգ անգամ այդ պարոնները հավաքվում էյին Սիդի Տարտարի մոտ, յերեկոն անցկացնելու և թուրք խաղալու, նրա քաղցրավենիներն անուշ էյին անում, փողերը տանում և ժամի տասը խիելուն պես կամացուկ վեր էյին կենում ու փառք ասելով մարգարեյին, քաջվում իրենց տղաները:

Նրանց գնալուց հետո Սիդի Տարտարին և իր հավատարիմ ամուսինը բարձրանում էյին իրենց տան կտուրը, վոր շինված եր պատշգամբի ձևով, վորտեղից նրանց աչքերի առաջ տարածվում եր ամբողջ քաղաքը: Չորս կողմը նույնպիսի հազարավոր պատշգամբներ, խաղաղ և լուսավորված լուսնի շողերով, սանդխաձև իջնում էյին մինչև ծովափը: Հովը բերում եր կիթառի մեղմ հնչյուններ...

... Հանկարծ ցոլացող աստղերի փնջի պես, մի քաղցր և վճիտ մեղեդի բարձրանում եր ողի մեջ և հարևան մղկիթի մի-նարեթից մի վայելչակազմ մուեղղին, գիշերվա մուգ կապտավուն ֆոնի վրա գծելով իր ձերմակ ստվերը, հնչեցնում եր իր աղոթքը, փառաբանելով ալլահին, հորիզոնը լցնող իր սքանչելի ձայնով:

Բայիան իսկույն կիթառը ձեռքից բաց եր թողնում և աչքերն ուղղած դեպի մուեղղինը, կարծես խմում եր աղոթքի քաղցրութունները: Մինչև յերգի վերջը նա մնում եր այդպես հափշտակված, դողողջուն, ինչպես արևելյան մի սրբուհի: Տարտարենը հուզված նայում եր նրան և ինքն իրեն մտածում եր, վոր այդ մի շատ գորավոր և ճշմարիտ կրոն պիտի լինի,

վոր կարողանում ե այգալիսի վոգևորութունն և ջերմեռանդութունն ներշնչել իր հավատացյալներին...

Տարասկոն, ծածկիր դեմքդ, քո Տարտարենն արդեն մտածում ե հավատուրաց լինել:

### ՏԱՐԱՍԿՈՆԻՑ ՄԵՁ ԳՐՈՒՄ ԵՆ

Մի որ իրիկնադեմին Սիդի Տարտարին շորու վրա նստած մենակ վերադառնում եր իր փոքրիկ այգուց: Յերկինքը կապույտ եր, փչում եր ծովային տաք հովը:

Վտոքերը լայն բաց արած խուրջիներին վրա, վորոնք ուռել եյին ձմերուկներից և նարինջներից, որորվելով խոշոր ասպանդակների զրնգոցի հետ և ամբողջ մարմինը շարժելով անասունի շարժումների համաձայն, մեր հերոսն առաջ եր գնում շրջապատված մի սքանչելի բնությամբ, ձեռները փորի վրա դրած, կիսով չափ նիրհելով ողի ջերմութունից:

Մեկ ել հանկարծ քաղաք մտնելիս մի վորոտալի ձայն նրբան հանեց այդ թմրած դրուժյունից

— Վահ, գրողը տանի, կարծես պարոն Տարտարենը լինի...

Լսելով իր անունը, այն ել իսկական հարավային առողանությամբ, Տարտարենը գլուխը բարձրացրեց և իրենից մի քանի քայլ հեռավորության վրա նկատեց «Զուավ» շոգենավի նավապետ Բարբասուլին, վորը սրճարաններից մեկի առաջ նըստող ծխամորճը բերնին աքսենթ եր խմում:

— Ա՛ա, բարև, բարև, Բարբասու, — բացականչեց Տարտարենը և շորին կանգնեցրեց:

Բարբասուն պատասխանելու փոխարեն մեկ ըոպե աչքերը չռած նայեց նրա վրա, հետո փոթկացրեց և այնպես սաստիկ քրքջաց, վոր Սիդի Տարտարին ապուշ կտրած՝ նստած մնաց իր ձմերուկների վրա:


— Այդ ի՞նչ փաթթոց ե գլխիդ, իմ խեղճ պարոն Տարտարեն: Ուրեմն ճշմարիտ ե, վոր ասում են, թե դուք թրքացել եք... իսկ ի՞նչ ե անում փոքրիկ Բայիան, ելի յերգում ե «Գեղեցիկ Մարկո» յերգը...

— «Գեղեցիկ Մարկո», — կրկնեց Տարտարենը զայրացած, — իմացած յեղեք, պարոն կապիտան, վոր այն տիկինը, վորի մասին ակնարկում եք, մի շատ պատվավոր մավրիտանուհի չե և մի հատիկ Ֆրանսերեն բառ անգամ չգիտե...

— Բայիան Ֆրանսերեն վոչ մի բառ չգիտե... ումն եք ասում, բարով յեկաք: — Յեվ նավապետն սկսեց լավելի բարձր ծիծաղել:

Հետո նկատելով խեղճ Սիդի Տարտարի այլափոխված դեմքը վրա բերեց.

— Շատ կարելի չե, վոր իմ ասածն ուրիշ կին ե... թերևս յես սխալ եմ, միայն այսքանը կասեմ, պարոն Տարտարեն, վոր



լավ կանեք, յեթե շատ ել հավատ չընծայեք ալժիրական մավրիտանուհիներին և չերնոգորիական իշխաններին...

Տարտարենը կանգնեց ասպանդակների վրա և իր հայտնի ծամածուժյամբ ասաց.

— Կապիտան, իշխանն իմ բարեկամն ե:

— Լավ, լավ, մի բարկանաք... Մի բաժակ աքսենթ չեք խմի: Վճչ: Գուցե վորևե բան ունեք հաղորդելու յերկրացիներին: Այդ ել վոչ, դե ուրեմն հաջողություն... հա, ի՞նչ եյի ա-

սում, Ֆրանսիական լավ ծխախոտ ունիմ, համեցեք, վերցրեք մի քիչ, խնդրեմ, վերցրեք, ոգտակար կլինի... Ինչպես տեսնում եմ Արևելքի անիծյալ ծխախոտը ձեր գլուխը շատ ե շուռ տվել:

Այս ասելով կապիտանը վերադարձավ իր արսենթին, իսկ Տարտարենը մտածմունքների մեջ ընկած, շարունակեց իր ճանապարհը: Թեև նրա վեհանձն հոգին հրաժարվում եր հավատալ իր լսածներին, այնուամենայնիվ Բարբասուի ակնարկները վշտացրել էին նրա սիրտը. հետո այդ կողմի մարդու հիշոցները, այդ հարազատ առողջանութունը, այդ ամենը դարթեցնում էին նրա մեջ խղճի խայթի մի տարտամ զգացում:

Հասնելով տուն նա վոչ վոքի չգտավ: Բայիան գնացել եր բաղնիք... Խափշիկ աղախինը նրա աչքին տգեղ յերևաց, ամբողջ տունը տխուր... Անասելի վատ տրամադրություն մեջ նա նստեց շատրվանի մոտ և ծխամորձը լցրեց Բարբասուի տըված ծխախոտով: Ծխախոտը փաթաթված եր «Սեմաֆոր»-ի մի կտորի մեջ: Բաց անելով լրագիրը՝ նրա աչքին ընկավ իր հայրենի քաղաքի անունը.

Տարասկոնից մեզ գրում են.

«Ամբողջ քաղաքը մտահույզ դրություն մեջ ե: Առյուծապան Տարտարենը, վոր գնացել ե Աֆրիկա գիշատիչ գաղաններ վորսալու, մի քանի ամսից ավելի յե, ինչ վոչ մի լուր չի հազորդել իր մասին... Ի՞նչ ե պատահել մեր հայրենակից հերոսին... Ով մեզ պես ծանոթ ե նրա կրակոտ, հանդուգն և արկածասեր ընավորություն—նա սարսափում ե այդ հարցի առաջ... Արդյո՞ք նա ել ուրիշ շատերի նման թաղվել ե անապատի ավազների տակ, թե՞ հոշոտվել ե Ատլաս լեռների ահեղի գաղաններից, վորոնց մորթիներով նա խոստացել եր դարձարել մեր քաղաքապետարանը... Ահավո՞ր անհայտություն... Սակայն Բոկերի տոնավաճառը չեկած նեզը վաճառականները պատմում են, վոր անապատի խորքերում հանդիպել են մի ինչ վոր յեվրոպացու, վորի նշանները շատ նման են Տարտարենին և վորն ուղևորվում եր դեպի Տիմբուկտու... Տեր աստված, դու պահապան լինես մեր Տարտարենին»:

Այս տողերը կարդալով Տարասկոնցին կարմրեց, դեղնեց և սարսուռաց: Ամողջ Տարասկոնը մի անգամից նրա աչքի առաջ

պատկերացավ— ակումբը, գլխարկի վորսորդները, Կոստեկալդի խանութի կանաչ բաղկաթուր և այդ ամենի վրա թեվատարած արծվի նման՝ քաջասիրտ հրամանատար Բրավիդիայի լերկար, պահին բեխերը:

Յեվ մինչդեռ ամենքը կարծում էին, վոր նա կատաղի գաղաններ ե ջարդում, ինքը վախկոտի պես նստած եր իր խսրի վրա: Տարասկոնցի Տարտարենն ինքն իրենից ամաչեց և ամոթից լաց լեղավ:


Մեկ ել հանկարծ հերոսը վեր ցատկեց:

— Դեպի առյուծները, դեպի առյուծները—գոռալով վազեց դեպի մառանը, ուր փոշիների տակ հանգստանում էին ճանապարհորդական ծալովի վրանը, դեղատուները, պաշարեղենը, զենքերի արկղը և բոլորը քաշ տվեց բակի մեջտեղը:

Տարտարեն-Սանչոն այլևս չկար, մնացել եր միայն Տարտարեն-Կիխոտը:

Կայծակի արագությունը նա աչքի անցկացրեց իր պարագաները, դինվեց, հագավ յերկարաճիտ կոշիկները, մի յերկտող գրեց իշխանին, նրա հողացողությունը հանձնարարելով Բալիային, ծրարի մեջ դրեց արցունքով թրջած մի քանի թղթադրամ, և քիչ անց անվեհեր Տարասկոնցին դիլիֆանսի մեջ նըստած արդեն սլանում եր Բլիգան տանող ճանապարհով, տանը թողած շմամ չնգրուհուհու նարգիլեյի առջև, գլխի փաթթոցը, հողաթափերը, մի խոսքով Սիդի Տարտարի մուսուլմանական ամբողջ զգեստավորումը, վորի զանազան մասերը խղճալիորեն թափթփված էին դեռ ու դեռ սրահի սպիտակ կամարների տակ:





ՅԵՐՐՈՐԴ ԴՐՎԱԳ

ԱՌՅՈՒԾՆԵՐԻ ԱՇԽԱՐՀՈՒՄ

## ԱՔՍՈՐԱԿԱՆ ԴԻԼԻՓԱՆՍԸ

Այդ մի հինավուրց դիլիթանս եր, ներսից ծածկված կապտագույն հաստ մահուղով, մաշված, գունաթափ, բրդե ահագին կոշտ ծոպերով, վորոնք մի քանի ժամվա ճանապարհից հետո արդեն տրորում են մարդու կոնակը... Տարասկոնցի Տարտարենի տեղը կառքի հետևի բաժանմունքն եր. նա մի կերպ տեղավորվեց և սպասելով այն պահին, յերբ կշնչեր Աֆրիկայի մեծ գազանների մշկահոտ բույրը, մեր հերոսն առայժմ գոհացավ դիլիթանսի հնաբույր հոտով, վորը տարորինակ բաղադրություն եր կազմում բազմաթիվ հոտերի՝ մարդու, ձիու, կաշվի, ուտելիքների և մզլած դարմանի:

Կառքի այդ մասում կային ամեն տեսակ ուղևորներ, մի կրոնավոր, հրեա վաճառականներ, չերկու թեթևաբար կանայք, վորոնք գնում էին միանալու իրենց գործասին — հուսարական Յ-րդ գնդին, մի լուսանկարիչ Ուլեանսովից<sup>1)</sup>: Բայց վորքան ել բազմազան ու հաճելի լինեը այդ հասարակությունը, Տարասկոնցին ամենևին տրամադիր չեր զբույցի մտնելունը, ու մտախոհ նա նստած եր հրացանները ծնկների արանլու ու սեղմած... Հանկարծական մեկնումը, Բայիայի սև աչքերը, իրեն սպասող վտանգալից վորսորդությունը, այդ ամենը խոտվում եր նրա ուղեղը, ել չենք խոսում այն մասին, վոր Աֆրիկայի խորքերում վերագտնված լեվրոպական այս դիլիթանսը տարտամորեն հիշեցնում եր նրան իր մանկության տարիների Տարասկոնը, քաղաքի շրջակայքում կատարված պտույտները, Ռոնայի ափին սարքված փոքրիկ ճաշկերությունները և վերջապես անթիվ այլ հիշողություններ:

1) Փրանսիական քաղաք Ալժիրում: Ծ. Խ.



Քիչ-քիչ մթնում եր: Կոնդուկտորը վառեց լապտերները... ժանգոտած դիլիթանսը վոստոստում եր ճոճալով իր հին զըս-պանակների վրա, ձիերը չափ ելին ընկել, զանգուլակները գնդգնդում ելին...

Յերբեմն-յերբեմն կառքի վերևի մասից լսվում եր յերկաթեղենի մի խլացուցիչ աղմուկ... դա ուղիմամթերքն եր:

Տարասկոնցի Տարտարենը կես քուն, կես արթուն մի պահ նայեց ուղևորներին, վորոնք ծիծաղաշարժ կերպով ցնցվում ելին կառքի յերերումներից և իր աչքի առաջ պարում զվարճալի սովերները պես, հետո նրա աչքերը շարվեցին, մտքերը խառնվեցին և նա այլևս վոչինչ չեր լսում, բացի սոնիների անորոշ աղմուկից և դիլիթանսի վողբագին ճոռոցից...

Հանկարծ մի ձայն, պառավի ճաքած, կոտրած, խուպոտած մի ձայն կանչեց Տարասկոնցուն, տալով նրա անունը.

«Պարոն Տարտարեն, պարոն Տարտարեն»:

— Ո՞վ ե ինձ կանչում:

«Յես եմ, պարոն Տարտարեն, միթե՞ չեք հիշում ինձ... Յես հինավուրց դիլիթանսն եմ, վոր սրանից քսան տարի առաջ յերթեկում եր Տարասկոնի և Նիմի միջև... Քանի, քանի անգամ յես փոխադրել եմ ձեզ և ձեր բարեկամներին, յերբ գնում ելիք գլխարկ վորսալու ժոնկերի և Բեյլըգարզի կողմերը: Յես նախ ձեզ չճանաչեցի ձեր տաճկական գրակի պատճառով, մեկ ելձեր գեր մարմնի, բայց հենց վոր սկսեցիք խումփացնել՝ գրողը տանի, իսկույն ճանաչեցի»:

— Դե լավ, դե լավ,—ասաց Տարասկոնցին մի փոքր սըրտնեղած:

Հետո մեղմանալով հարցրեց.

— Ա՛յ պառավ, ի՞նչ ես շինում դու այս կողմերում:

«Ա՛խ, իմ բարի պարոն Տարտարեն, հոժար կամքով չեմ չեկել այստեղ, հավատացեք... Յերբ Բոկերի յերկաթուղին ավարտվեց, այլևս ինձ պետքական չհամարեցին և ուղարկեցին Աֆրիկա... Մենակ յես չեմ, Ֆրանսիայի գրեթե բոլոր դիլիթանսներն ինձ նման աքսորվեցին: Մեզ համարում ելին շատ հետադիմական, և ահա այժմ տառապում ենք այստեղ վորպես տաժանակիր... Ահա սա յե, վոր Ֆրանսիայում դուք անվանում եք ալժիրական յերկաթուղիներ»:

Այստեղ պառավը մի խոր հառաչ արձակեց, հետո շարունակեց.

«Ա՛խ, պարոն Տարտարեն, վորքան եմ կարոտել իմ սի-

րուն Տարասկոնին: Այդ ժամանակը կյանքիս լավագույն օրերն ելին, ջահելությունը: Պետք եր տեսնել ինձ առավոտները ճանապարհ ընկնելիս, մաքուր վազած, պլպլան, նոր լաքված անիմներով, յերկու արևի նմանող լապտերներով և միշտ յուզով փայլեցրած հովանիով: Ի՛նչ գեղեցիկ տեսարան, յերբ կառապանը իր մտակը օրվապես յերգում եր. «լա, լա, լա, Տարասկոն, Տարասկոն», իսկ կոնդուկտորը, շեփոքն ուսից կախած, նախշուն գդակը ծուռ դրած, իր միշտ գաղազած շնիկը նետում եր կառքի կտուրը և ինքն ել բարձրանալով այնտեղ գոռում. «Քշիբ. քշիբ»: Այն ժամանակ իմ չորս ձիաներն առաջ ելին խաղում գանգակների, հաջոցների, շեփոքների աղմուկի մեջ: Պատուհանները բացվում ելին, և ամբողջ Տարասկոնը հպարտությամբ դիտում եր թագավորական պողոտայով առաջ սլացող դիլիթանսը: Ինչքան գեղեցիկ եր այդ պողոտան, պարոն Տարտարեն, լայն, լավ խնամված, իր կիլոմետրաչափ սյուներով, իրարից կանոնավոր հեռավորության վրա կիտված խճաքաբերով, իսկ աջ ու ձախը ձիթենիներով ու վարդատունկերով լի սերունդ դաշտերով... Հետո պանդոկներն ամեն մի տասը քալքի վրա, կայարանները հինգ րոպեն մի անգամ... իսկ ուղևորները, ինչ լավ մարդիկ ելին, քաղաքապետներ և յերեցներ, վորոնք գնում ելին Նիմ նահանգապետին կամ յեպիսկոպոսին տեսնելու, պարկեշտ առևտրականներ, վորոնք վերադառնում ելին Մադեյից, արձակուրդավոր դպրոցականներ, նախշուն բլուզ հագած և հենց նույն առավոտը սափրված գյուղացիներ, և վերջապես այնտեղ—վերը, իմպերիալի<sup>1)</sup> վրա դուք բորդո: գլխարկ վորսացող պարոններդ, վոր միշտ այնքան զվարթ ելիք, այնքան լավ յերգում ելիք ամեն մեկն իր «սեփականը», յերբ վերադառնում ելինք յերեկոները, աստղերի լույսի տակ...

Հիմա փոխվել ե ամեն ինչ... տերը միայն գիտե, թե ինչ մարդիկ եմ փոխադրում. աշխարհի չորս կողմերից չեկած անհավատներ, նեղրեր, բեղվիներ, հին զինվորներ, բոլոր յերկըրների բախտախնդիրներ, քըջոտ գաղթականներ, վորոնք ինձ թունավորում են իրենց չիբուխներով, և այդ բոլորը խոսում են մի այնպիսի լեզվով, վոր ինքը սատանան ել չի հասկանա... Նայեցեք, տեսեք իմ վիճակը, վնչ մաքրող կա, վնչ վազող,

1) Իմպերիալը դիլիթանսի վերևի մասն է, կտուրի վրա: Ծ. Խ.

սունիններին քսելու ճարպն ել են խնայում... առաջվա իմ հանգիստ, խոշոր ձիերի փոխարեն ինձ լծել են արաբական փոքրիկ ձիեր, վորոնք կատաղածի պես կովտում են, կծում իրար, վազելիս պարում այծերի պես և քացի տալով ջարդ ու փշուր են անում իմ սամինները... Ա՛յ... ա՛յ... տեսե՛ք, ելի սկսվեց... Ինչ ճանապարհներ են հա՛, այստեղ դեռ վոչինչ... վողորմությունն է, վորովհետև կենտրոնի մոտ ենք, իսկ այնտեղ, ել մի հարցնի, վոչ ճանապարհ կա, վոչ բան: Գնա, ինչպես կարող ես, սար ու ձորի, դաշտերի միջով, գաճաճ արմավենիների, մաստաքի ծառերի միջով... վոչ մի հաստատուն կայան: Կոնդուկտորի քմահաճույքից է կախված այս կամ այն ագարակում իջևանելը:

Յերբեմն այդ լիրբը ստիպում է ինձ յերկու մղոն պտույտ գործել, ծովելով ուղիղ ճանապարհից, վորպեսզի դնա իր ծանոթներից մեկի մոտ արսենթ կամ դինի խմելու... իսկ հետո, քշի կառապան, զոռ տուր մտրակին, վորպեսզի կորած ժամանակը հետ բերես: Արևը խորովում է, փոշին կուրացնում: Հոգ չե: Գշիր: Դեմ ես առնում, շուռ գալիս, վոչինչ, քշի ավելի թափով: Լող տալով անցնում են գետը, հարբուխ ստանում, թրջվում, խեղդվում... Գշիր, քշիր, քշիր... Հետո յերեկոյան բոլորովին թաց, հենց այդ է պակաս իմ տարիքիս, իմ հողացավիս համար, քեզ հրամայում են պառկել բացօթյա, քարվանսարայի բակում, վորտեղ չորս կողմից ազատ հովերն են փչում: Գիշերը չախկաններն ու բորենիները գալիս են հոտոտելու իմ կողերը, իսկ շրջմոխիկները ցրտից պատսպարվում են իմ ներսում:

Ահա իմ վարած կյանքը, սիրելի պարոն Տարտարեն, և յես կվարեմ այն մինչև այն որը, յերբ արևից այրված, խոնավությունից փտած կընկնեմ, ուրիշ ճար չունենալով—վորևե խորզուբորդ ճանապարհի մի անկյունը, վորտեղ արաբներն իրենց «կուսկուսը» կեփեն իմ պառավ կմախքի բեկորներով...»


— Բլիզան, Բլիզան—գոռաց կոնդուկտորը բանալով կառքի դռնակը:

### ԱՆՑՎՈՐ ՓՈՒՔՐԻԿ ՊԱՐՈՆԸ

Գորբընուց պղտորված ապակիների միջից Տարտարենցի Տարտարենը տարտամ կերպով նշմարեց գավառական մի փոքրիկ սիրուն քաղաքի հրապարակը, շրջապատված կամարներով և զարդարված նարնջի ծառերով: Հրապարակի մեջտեղը կարծես արճճից շինված փոքրիկ զինվորներ զինավարժություն ելին

անում առավոտյան պաշտառ վարդագույն մշուշի մեջ: Մրճաբանները բաց ելին անում իրենց փեղկերը: Մի անկյունում կանաչեղենի շուկան եր... ամեն ինչ սքանչելի յեր, բայց առյուծի նշանները դեռ չկային:

—Դեպի հարավ, ավելի հարավ,—շնչաց ազնիվ Տարտարենը, նորից թաղվելով իր անկյունում: Այդ ըոպելին կառքի դուռը բացվեց ու թարմ ու զով ողջ մտավ ներս, իր թևերի վրա, նարինջների անուշ բուրմունքի հետ միասին, ներս բերելով մի փոքրիկ պարոն, սև ուղեխոտոր հագին, ծեր, չոր-չոր:



խորշումած, չափած- ձևած շարժումներով, ոճիքը բարձր, մետաքսե սև փողկապով, կաշվե պորտֆելը կոնստանդին, հովանոցով— մի կատարյալ գավառական նոտար:

Տեսնելով Տարտարենցու սպառազինությունը, փոքրիկ ծերունին, վոր նրա դեմ ու դեմն եր նստած, սաստիկ զարմացավ և սկսեց անթարթ նայել նրան:

Ձիերն արձակեցին, նոր ձիեր լծեցին, դիլիժանսը ճանապարհ ընկավ... Մերունին աչքը չեր հեռացնում Տարտարենցի:

Վերջապես Տարասկոնցին չհամբերեց և ինքն ել ուղիղ նայելով փոքրիկ ծերունու յերեսին, հարցրեց.

— Հը, զարմանում եք:

— Վե՛չ, չեմ զարմանում, այլ նեղվում եմ, — պատասխանեց ծերունին շատ հանգիստ յեղանակով:

Բանն այն՞ է, վոր իր ծալովի վրանով ատրճանակով, պատյանների մեջ դրած յերկու հրացաններով, վորսի դանակով, ել չենք խոսում նրա ահագին մարմնի մասին, նա մի քանի մարդու տեղ եր բռնել...

Ծերունու պատասխանը նրան բարկացրեց:

— Ի՞նչ է, յերևի դուք կարծում եք, վոր յես ձեր հովանոցով պիտի դուրս գայի առյուծներ վորսալու, — ասաց մեծ մարդը հպարտութեամբ:

Փոքրիկ պարոնն աչքը ձգեց իր հովանոցին, մեղմ ժպտաց ու հետո նույն սառնասրտութեամբ հարցրեց.

— Ուրեմն, պարոն, դուք...

— Այո, յես Տարասկոնցի Տարտարենն եմ, առյուծներ պանողը...

Այդ խոսքերն արտասանելով անվեհեր Տարասկոնցին առյուծի բաշի նման թափ տվեց իր ֆեսի փունջը:

Չարմանքի և ապշութեան մի շարժում անցավ ամբողջ կառքով:

Կրոնավորը յերեսը խաչակնքեց, կոկոտ կանայք ձչացին, իսկ լուսանկարիչը մոտեցավ առյուծասպան հերոսին, արգեն լերագելով նրա լուսանկարը հանելու բարձր պատվի մասին:

Միայն փոքրիկ ծերունին եր, վոր մնաց բոլորովին անխուով:

— Շատ առյուծ եք սպանել արգեն, պարոն. Տարտարեն, — հարցրեց նա շատ հանգիստ կերպով:

Տարասկոնցին խոսքի տակ չմնաց.

— Դուք հարցնում եք, թե արդյոք շատ առյուծ եմ ըսպանել: Յես միայն կցանկանայի, վոր դուք ձեր գլխի վրա այնքան մազ ունենայիք:

Ամբողջ դիլիժանսը թնդաց ծիծաղից: Ամենքը հայացքն ուղղեցին ծերուկի լերկ գանգին, վորտեղ ցցվում էին յերեք գեղնավուն մազեր:

Լուսանկարիչը մեջ մտավ և դիմելով Տարտարենին ասաց.

— Շատ յերկչուղալի արհեստ եք ընտրել, պարոն Տարտարեն... Պատահում են չափազանց ծանր բոպեներ... Այսպես որինակ խեղճ պ. Բոմբոնելը...

— Ա՛, դուք հովազների վորսորդ Բոմբոնելի մասին եք ասում, — ընդհատեց Տարտարենն արհամարհական կերպով:

— Ուրեմն դուք նրան ճանաչում եք, — հարցրեց փոքրիկ ծերունին:

— Պահ, այդ ի՞նչ խոսք ե... քսան անգամից ավելի միասին վորսորդութուն ենք արել:

Փոքրիկ ծերունին ժպտաց:

— Ուրեմն դուք հովազներ ել եք վորսում, պարոն Տարտարեն:

— Այո, յերբեմն... ժամանցի համար, — պատասխանեց գաղազած Տարասկոնցին: Հետո մի հերոսական շարժումով գլուխը վեր բարձրացնելով ավելացրեց.

— Բայց այդ իհարկե այն չէ, ինչ վոր առյուծը:

— Ի՞նչ խոսք, — կրկին մեջ մտավ լուսանկարիչը, — իսկպես ասած հովազը միևնույնն է, թե ինչ վոր մի մեծ կատու:

— Այո, այո, շատ ճշմարիտ եք ասում, — նկատեց Տարտարենն ուրախանալով, վոր կարող է նսեմացնել Բոմբոնելի փառքը մանավանդ տիկիներին առաջ:

Այստեղ դիլիժանսը կանգ առավ, կոնդուկտորը կառքի դուռը բանալով, պատկառանքով դիմեց փոքրիկ ծերունուն:

— Պարոն, դուք արդեն հասաք:

Փոքրիկ պարոնը վեր կացավ, կառքից իջավ և նախքան դուռը փակելը՝ ասաց.

— Պարոն Տարտարեն, թույլ կտամք ինձ մի խորհուրդ տալ ձեզ:

— Ի՞նչ խորհուրդ, պարոն:

— Հավատացեք ինձ, պարոն, տեսնում եմ, վոր լավ մարդ եք և խոսում եմ անկեղծ կերպով: Շուտ վերադարձեք Տարտարեն, պարոն Տարտարեն, դուր ժամանակ մի կորցնեք: Այս կողմերում այժմ հաղիվ մի քանի հատ հովազ մնացած լինի: Ձեզ համար դա շատ չնչին վորս ե... Իսկ ինչ վերաբերում է առյուծներին, Ալթիրում այլևս առյուծ չկա... պրծավ... իմ բարեկամ Շասենն սպանեց վերջին առյուծին:

Այս ասելով ծերունին գլուխ տվեց, դուռը փակեց և հովանոցը ձեռին ու պորտֆելը կոնատակին, ծիծաղելով հեռացավ:

— Կոնդուկտոր, — հարցրեց Տարտարենը, դեմքին տալով իր հայտնի ծամածուլությունը, — ո՞վ եր այդ մարդուկը:

— Ինչպե՞ս, միթե չեք ճանաչում, դա հենց ինքը պարոն Բոմբոնելն էր:

## ԱՌՅՈՒԾՆԵՐԻ ՎԱՆՔԸ

Միլիանահում Տարտարենն իջավ, իսկ դիլիժանսը շարունակեց իր ճանապարհը դեպի հարավ:

Յերկու որ շարունակ կառքը շարդել եր նրա վոսկորները: Յերկու դիշեր անդադար նա աչքերը բաց դիտել եր շրջակայքը, տեսներու համար, թե արդյոք չի լերևում առյուծի վիթխարի ստվերը. այժմ արժեք, վոր նա փոքր ինչ հանգիստ տար իր հոգնած մարմինն: Բացի այդ, չպիտի թագցնել, վոր Բոմբոնելի հետ ունեցած չարաբաստիկ դիպվածից հետո ուղղամիտ Տարտարենն, չնայած իր զենքերին, իր ահուկի կերպարանքին և կարմիր գլխարկին, այնքան ել լավ չեք զգում իրեն որևանս-վիլցի լուսանկարչի և հուսարական Յ-րդ գնդի որիորդների առաջ:

Նա անցավ քաղաքի լայն փողոցներով, վորոնք զարդարված էին գեղեցիկ ծառերով ու շատրվաններով: Յեվ մինչդեռ նա մի հարմար հյուրանոց երջ փնտրում, խեղճ մարդը չեք կարողանում մոռանալ Բոմբոնելի խոսքերը... Յեթե իրոք ճշմարիտ եր այդ... Յեթե իրոք վոչ մի առյուծ չի մնացել Ալժիրում... Ինչո՞ւ համար են ուրեմն այս բոլոր արշավանքները, այդ բոլոր նեղությունները...

Մեկ ել հանկարծ, յերբ նա թեքվում եր մի այլ փողոց, մեր հերոսի դեմ առ դեմ դուրս լեկավ... Ինչ եք կարծում, ո՞վ... մի փառահեղ առյուծ, վորը սպասում եր մի սրճարանի դռան առաջ արքայորեն բաղմած և շեկ բաշն արևին տված:

— Ո՞վ եր ասում, թե այլևս առյուծ չի մնացել,—բացականչեց Տարտարենը մի քայլ հետ ցատկելով... Այդ բացականչության վրա առյուծը գլուխն իջեցրեց և իր յերախով գետնից վեր բարձրացնելով իր առաջ մայթի վրա դրված փայտե պնակը, խոնարհարար մեկնեց այն դեպի Տարտարենը, վորն ապշու-թյունից մնացել եր քարացած:

Մի արբար, վոր այդ բոպեյին անցնում եր, մի սև փող ձգեց այդ պնակի մեջ. առյուծը պոչը շարժեց: Այն ժամանակ Տարտարենն ամեն ինչ հասկացավ: Նա տեսավ այն, ինչ սկզբում հուզմունքը թուլլ չեք տվել նրա տեսներու: Նա տեսավ մի խումբ մարդիկ, հավաքված կույր և ընտելացած զազանի շուրջը և յերկու ահագին նեգրեր, վորոնք մի-մի մահակ ձեռներին

ման ելին ածում առյուծին քաղաքի փողոցներով, ինչպես վոր ման են ածում արջերին ու կապիկներին:

Տարտարենը արյունը խփեց գլխին:

— Թշվառականներ,— վորոտաց նա ահուկի ձայնով,— ինչպես եք համարձակվում դուք այդպես անարգել ազնիվ անասուններին:

Յեվ նետվելով դեպի առյուծը, նա դուրս կորցեց ստոր պնակը նրա արքայական ժանիքներից: Յերկու նեգրերը, կարծելով, վոր նա ուզում ե խլել հավաքած փողը, մահակներով ընկան Տարտարենը վրա և սկսվեց սաբասփելի մի իրարանցում... Նեգրերը խփում ելին, կանայք ճչում, մանուկները ծիծաղում, մի ծերունի հրեա կոշկակար իր խանութի ներսից գոռում եր. «Բնջ տվեք դատարան, քնջ տվեք դատարան»: Նույնիսկ առյուծն իր կույր տեղով փորձեց մի մոնչյուն արձակել և դժբախտ Տարտարենը որհասական պայքարից հետո թավալվեց գետնի վրա պղնձադրամների և փոշու մեջ:

Այդ բոպեյին մի մարդ ձեղքեց բաղմությունը, մի կողմ քշեց նեգրերին, կանանց և մանուկներին, բռնեց, վեր բարձրացրեց Տարտարենին, թափ տվեց, մաքրեց նրա շորերը և նստացրեց, վոր շունչ քաշի:

— Ինչպես, իշխան, այդ դժեք եք,—բացականչեց Տարտարենը, շփելով իր շարժված կողերը:

— Այո, իմ քաջ բարեկամ, յես եմ... ձեր նամակն ստանալուն պես Բայիային հանձնեցի իր չեղբորը, մի կառք վարձեցի և հիսուն մղոն սրարշավ կտրելով ահա հասա ճիշտ այն բոպեյին, յերբ հարկավոր եր ազատել ձեզ այս բիրտ մարդկանց կատաղությունից... Ասացեք, ի սեր աստծո, այդ ինչ եք արել, վոր պատճառ ե չեղել այս անախորժ դեպքին:

— Ա՛խ, իշխան... միթե կարելի չեք անտարբեր աչքով նայել այդ թշվառ առյուծին՝ փայտե պնակը բերանում բռնած, նվաստացած, պարտված, այդ մոռուլման ամբոխի ծաղր ու ծանակի առարկա դարձած...

— Բայց դուք սխալվում եք, ազնիվ բարեկամ. այդ առյուծն ընդհակառակը, նրանց համար հարգանքի և պաշտամունքի առարկա չե: Նա համարվում ե սուրբ անասուն և պատկանում ե առյուծներին այն մեծ վանքին, վոր յերեք տարի առաջ հիմնել ե Մահոմեդ-Բեն-Աուդան: Այդ մի մեծ մենաստան ե լի գիշատիչ զազանների բուրմունքով և մոնչյունով, վորտեղ տարի-

ներով վանականները կրթում և ընտելացնում են հարյուրավոր առյուծներին, և հետո իրենց հավաքարար միաբաններին հետ ուղարկում են նրանց Հյուսիսային Աֆրիկա ժողովարարութուն անելու: Վանականների հավաքած նվերներով պահպանվում են թե վանքը և թե նրա մզկիթը: Յեվ յեթե նեգրերն անողոք վարվեցին ձեզ հետ, պատճառն այն է, վոր ըստ նրանց համոզմունքի, յեթե իրենց անհոգութունից մի սև փող անգամ կորչի կամ գողացվի հավաքված փողից, առյուծն իսկույն պատառ-պատառ կանի նրանց:

Լսելով այդ անհավատալի, սակայն ճշմարիտ պատմությունը, Տարտարենը հանգիստ շունչ քաշեց:

— Այս բոլորի մեջ ինձ համար կարևոր է այն, ականջը խոսի պ. Բոմբոնելին, վոր Ալժիրում դեռևս առյուծներ կան, — ասաց նա վորպես յեզրակացություն:

— Իհարկե կան, ո՞վ է ասում չկան, — հաստատեց իշխանը վոգեկորությամբ: — Կենց վաղը մենք կարշավենք դեպի Շելիֆի տափաստանը և այնտեղ կտեսնենք...

— Ի՞նչ եք ասում, իշխան, միթե դուք ել եք մտադիր վորսի գնալու:

— Գրողը տանի, միթե կարող եմ թողնել ձեզ մենակ Աֆրիկայի անապատներում, այդ վայրենի ցեղերի մեջ, վորոնց վնչ լեզվին եք ծանոթ, վնչ ել սովորություններին... Վնչ, վոչ, հուշակավոր Տարտարեն, յես այլևս ձեզնից չեմ հեռանա... Յես ուզում եմ լինել այնտեղ, ուր կլինեք դուք...

— Ո՛հ, իշխան, իշխան...

Յեվ Տարտարենը պայծառացած դեմքով, կրծքին սեղմեց քաջ Գրիգորին, հպարտությամբ մտածելով այն մասին, վոր ժյուլ ժերարի, Բոմբոնելի և բոլոր մյուս նշանավոր առյուծասպանների նման ինքն ել իր հետ կուեննա ոտարյերկրյա մի իշխան, իր վորսորդություններին ընկերակցելու համար:

### ՔԱՐԱՎԱՆԸ ՃԱՆԱՊԱՐՀԻՆ

Մյուս որը առավոտյան, անվեհեր Տարտարենը և վոչ պահաս անվեհեր իշխան Գրիգորին վեց նեգր բեռնակիրներին ուղեկցությամբ ճանապարհ ընկան Շելիֆի տափաստանը: Զառիթափ ճանապարհը յերկու կողմից զարդարված էր հասմիկի թփերով ու վայրի ձիթենիներով, հաղարավոր վճիտ աղբյուր-

ներ ուրախ գլորվում էին ժայռից ժայռ և չերգում... Սքանչելի տեսարան:

Իշխան Գրիգորին մեծ Տարտարենի նման նույնպես սպառազինվել էր վոտից մինչև գլուխ: Բացի այդ, նա գլխին դրել էր զինվորական մի շքեղ և տարրորինակ գզակ, վոսկեկար ժապավեններով, արծաթե թելերով հյուսված կաղնու տերևների զարդանկարներով: Այդ գզակով նորին իշխանական բարձրությունը նմանում էր մեքսիկական գեներալի, կամ թե Դանուբյան յերկրներին մեկի կայարանապետի:

Այս տարրորինակ գզակը շարժեց Տարասկոնցու հետաքրքրությունն ու զարմանքը, ուստի նա անհամարձակ կերպով մի քանի բացատրություններ խնդրեց:

— Այս գզակն անհրաժեշտ է Աֆրիկայում ճանապարհորդելու համար, — պատասխանեց իշխանը լրջությամբ և թևով փայլեցնելով գզակի պահպանակը, նա իր միամիտ ընկերակցին ծանոթացրեց այն կարևոր դերին, վոր խաղում է գլխարկն արաբների հետ մեր ունեցած հարաբերությունների մեջ, թե ինչպիսի սարսափ էր ներշնչում նրանց այդ ուղմական նշանը. Այդ է պատճառը, վոր կառավարությունն իր բոլոր պաշտոնյաներին՝ սկսած ճանապարհի պահպանից մինչև հարկահավաքը, ամենքին ել զարդարել է զինվորական գլխարկով: Մի խոսքով Ալժիրը կառավարելու համար, — շարունակեց իշխանը, — հարկավոր է վոչ թե խելոք գլուխ և կամ առհասարակ վորևե գլուխ, այլ բավական է միայն ժապավեններով զարդարված մի փայլուն գլխարկ, ինչպես Գեսլերի<sup>1)</sup> գզակը:

Այդպես խոսելով և փիլիսոփայելով, քաբավանը կամաց կամաց առաջ էր գնում: Բոբիկ բեռնակիրները թռչկոտում էին ժայռից-ժայռ և կապիկների նման կունչում: Զենքերի արկղը զնգզնգում էր, հրացաններն արևի տակ շողշողում էին: Բնիկ անցորդները մինչև գետին էին խոնարհվում մոզական գլխարկի առաջ... Այնտեղ վերևում Միլիանասի պատնեշների վրա զինվորական քաղաքապետը, վոր այդ ըոպեյին դուրս էր յեկել իր աիկնոջ հետ փոքր ինչ զով ող ծծելու, լսելով այդ արտասովոր աղմուկը և ծառերի արանքից տեսնելով հրազենների փայլը, կարծեց թե դա մի հարձակում է ավազակների

1) Շվեյցարիայի փոխարքան, վոր հրամայել էր ժողովրդին գլուխ տալ իր գլխարկին: Վիլհելմ Տեյլը հրաժարվեց կատարելու այդ ստորացնող հրամանը: Մ. Բ.

կողմից: Անմիջապես նա կարգադրեց տագնապի թմբուկը խը-  
փել, վերցնել մուտքի շարժական կամուրջը և ամբողջ քաղաքը  
հայտարարել պաշարողական դրուժյան մեջ:

Այդ իհարկե լավ նշան էր քարավանի համար: Դժբախտա-  
բար չեքեկոյան դեմ գործերը փչացան: Բեռնակիր նեգրերից  
մեկը դեղարանի սպեղանիներից մեկն ուտելով, սոսկալի ծա-  
կոցներ էր ստացել, մի ուրիշն էլ կամֆարայի ողին խմելով,  
հարբել, ընկել էր ճանապարհի յեզրին: Յերրորդը, վոր տանում  
էր ճանապարհորդական ալբոմը, հրապուրված գրքի կազմով և  
վոսկեղոժ ճարձանդներով ու համոզված, վոր Մեկկայի գանձ է  
հափշտակում, առել—փախել էր դեպի Ջակկար: Պետք էր այդ  
բոլորի առաջն առնել... Քարավանը կանգ առավ և մի հինավուրց  
թղենու շվաքի տակ նստեց խորհրդի:

— Յես կարծում եմ,—ասաց իշխանը փորձելով, բայց ան-  
հաջող, կերակուր չեփելու համար լուծել չորացրած մսի տաբ-  
լետը կատարելագործված մի կաթսայի մեջ, վոր ունի յերեք  
հատակը,—յես կարծում եմ, վոր հենց այս որվանից մենք պետք  
է հրաժարվենք նեգր բեռնակիրներից... Այստեղից վոչ հեռու կա  
արաբական մի շուկա: Ավելի լավ է դնանք այնտեղ և մի քանի  
հատ ավանակ գնենք...

— Վե՛չ, վոչ, ավանակ հարկավոր չէ,— արագ ընդհատեց  
մեծ Տարտարենը, վորը հիշելով Սևուկի մասին, միևնչև ականջ-  
ները կարմրեց... Հետո ավելացրեց.— Միթե՞ այդ փոքրիկ անա-  
սունները կարող են այսքան մեծ ծանրությունները փոխադրել:  
Իշխանը ժպտաց:

— Հենց այդ է, վոր ձեզ խարում է, իմ նշանավոր բարե-  
կամ, չնայած իր փոքրությանը և վտիտ կերպարանքին, ալ-  
ժիրական ավանակն ամուր մեջք ունի: Այլապես նա չէր կարող  
դիմանալ այդ վիճակին: Հարցրեք արաբներին: Սհա թե ինչ-  
պես են բացատրում նրանք մեր գաղութային սխտեմը... Վերե-  
վում, ասում են նրանք, նստած է մուսի<sup>1)</sup> նահանգապետը և  
ձեռքի մեծ մահակով թակում է սպային, սպան էլ վրեժի համար  
թակում է զինվորին, զինվորը թակում է արաբին, արաբը՝ նեգ-  
րին, նեգրը՝ հրեային, հրեան էլ ավանակին: Վորովհետև ավա-  
նակը վոչ վոքի չի կարող թակել, ուստի մեջքը կռացնում է ու  
բեռը վերցնում: Այնպես վոր վստահ չեղեք, վոր ձեր արկղներն  
էլ կվերցնի:



1) Աղավաղված «ասու», ֆրանսերեն պարոն Մ. թ.



— Այդ ճիշտ է, միայն թե իմ կարծիքով մեր քարավանի տեսքի համար ավանակները նպաստավոր չեն,— ասաց Տարտարենը:— Յես կցանկանայի, վոր մեր քարավանն ինչքան կարելի յե ավելի արևելյան կերպարանք ունենա... Ա՛յ, լեթե կարողանայինք մի ուղտ ճարել:

— Վորքան կուզեք,— ասաց նորին բարձրությունը և նըրանք քայլեցին դեպի արաբական շուկան: Շուկան գտնվում էր մի քանի կիլոմետր հեռավորության վրա Շելիֆ գետի յեզերքում: Հինգ թե վեց հազար պատառոտած շորերով արաբներ արևի տակ վխտալով առևտուր ելին անում, շրջապատված սև ձիթապտղի կարասներով, մեղրով լի ամաններով և ծխախոտի ու համեմների պարկերով: Ահագին խարույկների վրա ամբողջ վոշխարներ ելին խորովում: Բացությա սպանդանոցներում բոլորովին մերկ, վտաններն արյան մեջ թաթախված փոքրիկ դանակներով կտրում էին ցցից կախ արած ուլերը:

Մի անկյունում հազար ու մի գուլնի կարկատանով նաշխված վրանի տակ ծալապատիկ նստած է մավրիտանցի գրագիրը ակնոցներն աչքին ու մի ահագին գիրք առջևը դրած: Մի ուրիշ տեղ ժողովուրդը խոնավել է, աղմուկ ու գոռում-գոչում. այնտեղ խաղում են ուղեւտ, վորը դրված է ցորենի չափի վրա: Ավելի հեռվից լավում են ծիծաղի և հրհոցի ձայներ— մի հրեա վաճառական իր շորու հետ միասին ընկել է գետը և խեղդվում է: Չորս կողմը վխտում են կարիճներ, շներ, ագռափներ և ճանճ... ճանճ...

Հակառակի պես վոչ մի տեղ ուղտ չեր յերևում: Վերջապես մի հատ գտնվեց, վորից ուղում ելին ազատվել նրա տերերը: Այդ մի կատարյալ անապատի ուղտ էր, կլասիկ ուղտ, մազերը թափթփված, դեմքը մելամաղձոտ, բեղվինի լերկար գլխով և քաղցածությունից հալ ու մաշ յեղած և թուլացած սապատով, վորը տխուր կերպով կախ էր ընկել:

Սակայն Տարտարենին այդ ուղտն այնքան դուր յեկավ, վոր նա հրամայեց ամբողջ քարավանը բեռնել նրա վրա: Ո՛վ արևելյան խենթություն: Ուղտը չոքեց և սնդուկները բարձեցին: Իշխանը նստեց ուղտի վզին, իսկ Տարտարենը վեհության համար բարձրացավ սապատի գլուխը և բաղմեց յերկու արկղի արանքում: Այնտեղից նա հպարտ և ազնվաշուք շարժումով վողջունեց ամբողջ շուկային, վոր ամեն կողմից վազել էր, և

մեկնելու նշան տվեց: Սատանան տանի, յեթե տարասկոնցի-  
ներն այդ բոլորին կարողանային նրան տեսնել...

Ուղտը վերկացավ չոքած տեղից և մեկնելով իր յերկար,  
կոշտերով ծածկված վոտները, սլացավ առաջ...

Ո՛վ սարսափ: Հազիվ փոքր ինչ առաջ ելին գնացել, մեկ  
եւ հանկարծ Տարտարենի յերեսի գույնը թռավ և հերոսական  
Ֆեսը սկսեց ճիշտ նույն վիճակին յենթարկվել, ինչ «Զուլ»  
նավի վրա: Այդ անիծած ուղտն այնպես եր ճոճում, ինչպես  
խսկական առագաստանավ:

— Իշխան, իշխան,— ձայն տվեց Տարտարենը գույնն ավե-  
լի թոցնելով և ուղտի սապատն ամուր գրկելով... Իշխան, ի  
սեր աստծո, իջնենք... Յես զգում եմ... յես զգում եմ... վոր  
Ֆրանսիան պիտի խայտառակեմ:

Բայց բանը բանից անց եր. ուղտը մեկ անգամ, վոր ըս-  
կսել եր վազել, այլևս անհնար եր նրան կանգնեցնել: Զորս հա-  
զարի չափ արաբներ վոտաբորիկ վազում ելին նրանց հետևից,  
խելագարներին նման հռհուլով և վեց հարյուր հազար ատամներ  
արևի տակ փայլեցնելով:

Տարասկոնցի մեծ մարդը ստիպված եր համակերպել ճա-  
կատազրի հետ: Նա տխուր կերպով ընկավ ուղտի սապատին:  
Ֆեսն ստացավ բոլոր դիրքերը... և Ֆրանսիան խայտառակվեց:

### ԳԻՇԵՐԱՅԻՆ ԴԱՐԱՆԱԿԱԼՈՒԹՅՈՒՆ ԴԱՓՆԵՎԱՐԴԻ ԱՆՏԱՌՈՒՄ

Վորքան եւ նկարչագեղ լիներ իրենց նոր հեծանելիքը,  
այնուամենայնիվ մեր քաջերը ստիպված ելին հրաժարվել նը-  
բանից, նկատի ունենալով Ֆեսի վիճակը: Նրանք դարձյալ վոտ-  
քով շարունակեցին ճանապարհը, և քարավանը հանդարտ կեր-  
պով քայլերն ուղղեց դեպի հարավ կարճատև դադարներով: Տա-  
րասկոնցին գնում եր առջևից, չերնոգորիացին յետևից, իսկ  
նրանց մեջտեղ ուղտը՝ գենքի արկղները կոնակին:

Արշավանքը տևեց մոտ մի ամիս: Մի ամիս շարունակ ա-  
հեղ Տարտարենն անտեսանելի առյուծների յետևից ընկած դուռ-  
րից—դուռը<sup>1)</sup> թափառում եր Շեխի անծալրած իր տափաստա-  
նում, Ֆրանսիական անարկու և զվարճալի Ալթիրի միջով,  
վորտեղ Հին Արևելքի բուրձունքը խառնվում ե Ֆրանսիական

արսենթի և դորանոցի թունդ հոտի հետ, Աբրահամը Զուլուլի  
հետ, կազմելով ինչ վոր դյուլթակահ և ճիաժամանակ դավեշտա-  
կան բան... Տեսարանն արդարև հետաքրքրական ե այն աչ-  
քերի համար, վորոնք ընդունակ են տեսնելու... մի վայրենի և  
փչացած ժողովուրդ, վորին մենք քաղաքակրթում ենք, տալով  
նրան մեր մոլորությունները... Դաժան և անսանձ իշխանա-  
վորներ, վորոնք ծանրությամբ սրբում են իրենց քիթը Պատ-  
վի Լեգեոնի լայն ժապավենով, և մի այդ-ի կամ մի վոչ-ի հա-  
մար մարդկանց Ֆալախկայի յեն քաշում: Անխիղճ դատավորներ,  
խոշոր ակնոցներով դաղիները— դուրանի և որենքի այդ տար-  
տյուլները<sup>1)</sup>, վորոնք արմավենիների տակ նստած յերագում են  
ոգոստոսի 15-ը և պաշտոնի բարձրացում և իրենց դատավճիռ-  
ները ծախում են, ինչպես Յեսավը իր անդրանկությունը մի աման  
վոսպնաթանով կամ քաղցր կուսկուսով... Անառակ և հարբե-  
ցող կալիգներ մի վորևե գեներալ Յուսուֆի նախկին սպասա-  
վորներ և ախոռապաններ, վորոնք մահոնացի լվացարարուհի-  
ների հետ շամպայն են խմում և լավում են գառան խորոված,  
մինչդեռ նրանց վրանների առաջ ամբողջ ցեղը քաղցից սովա-  
մահ ե լինում և շների բերնից խլում ե իշխանավորի սեղանից  
շպրտված վոսկորները...

Իսկ շուրջը—ամենուրեք խոպան դաշտեր, արևակեղ ու  
չորացած արոտատեղիներ, ծածկված մերկ թփերով և կակտու-  
սի մացառներով: Յեվ այս ե, վոր Ֆրանսիայի շտեմարան ե  
կոչվում: Շտեմարան, ավաղ, դատարկ ցորենից և հարուստ մի-  
այն շնագայլերով և փայտոջիլներով: Գյուղերը լքված, բնակիչ-  
ները գլուխները կորցրած փախչում են սովից, իրենք եւ չգի-  
տեն թե ուր և ճանապարհները լցնում մեռածների դիակներով:  
Մեկ-մեկ յերևում են Ֆրանսիական դյուլղեր կիսաքանդ խըր-  
ճիթներով, անմշակ դաշտերով, ջրջապատված մորեխներ յան-  
համար բաղմությամբ, վորոնք ամեն ինչ վոնչացնելուց հետո  
այժմ պատուհանների վարագույրներն են կրծոտում, իսկ բնա-  
կիչները սրճարանում նստած արսենթ են խմում և տաք-տաք  
վիճում բարենորոգությունների և սահմանադրության ծրագիր-  
ների մասին:

Ահա թե ինչեր պիտի տեսներ Տարտարենը, յեթե նրա  
ուշադրությունն ուրիշ բանի վրա չլիներ. բայց Տարասկոնի

1) Տարտյուֆ — Մուլիերի կոմեդիաներից մեկի հերոսը. կեղծ բարեպաշտ,  
ուսու ճգնավոր, խարդախ մարդ: Մ. Խ.

1) Աբրահամի վրանների խումբ, բնակատեղի: Մ. Խ.

զավակն ամբողջապես առյուծալին կրքով հափշտակված ուղիղ առաջ եր գնում առանց աջ ու ձախ նայելու, աչքերը համառորեն սևեռած դեպի այն յերևակայական հրեշները, վորոնց հետքն անգամ չեր լերևում:

Քանի վոր ծալովի վրանը համառորեն չեր ուղում բացվել, իսկ չորացրած սուպի տարլետը չեր հալչում, քարավանն ստիպված եր ամեն որ իջևանել տեղական ցեղերից մեկի մոտ: Ամեն տեղ, շնորհիվ իշխանի փայլուն գլխարկի, մեր վորսորդները հանդիպում էին գրկաբաց ընդունելութան: Նրանք իջևանում էին աղաների տներում—արտառոց պալատներ, սպիտակացրած խոշոր ազարակներ առանց լուսամուտների, վորոնց մեջ խառնիխուռն կարելի չեր գտնել նարգիլներ և յեվրոպական թանկագին պահարաններ, Ջմլուռնիայի գորգեր և նորագույն սիստեմի լամպեր, տաճկական վոսկիներով լի սնդուկներ և լուսի-Ֆրիլպալի վոճով պատի ժամացույցներ: Ամեն տեղ Տարտարենի պատվին սարքում էին շքեղ հանդեսներ, խնձուկքներ և ձիարշափներ... Նրա պատվին ձիավորները հրացան էին արձակում, արևի տակ շողողացնելով իրենց բուրնուզները: Յեվ յերբ այդ ամենը վերջանում էր, հյուրասեր սղան մոտենում և ներկայացնում եր հաշիվը... Ահա այս ե կոչվում արաբական հյուրասիրություն:

Յեվ սակայն առյուծները չկալին, բայց և այնպես Տարասկունցին չեր հուսահատվում: Անվեհեր քաջությամբ միշտ առաջանալով դեպի հարավ, ամբողջ որերը խուզարկում եր մացառուտները և հրացանի ծայրով խփում եր մեկ այս ծառին, մեկ այն թփին և «փիշտ-փիշտ» եր անում. «Իսկ ամեն յերեկո պառկելուց առաջ մի լերկու ժամ դարան եր մտնում և սպասում... Բայց ապարդյուն աշխատանք.— առյուծ չկար ու չկար:

Սակայն մի յերեկո, ժամը վեցի մոտերը, յերբ քարավանն անցնում եր մի ցանցառ պուրակով, ուր արևի ջերմությունից թուլացած լորամարգիները թուչկոտում էին խոտերի մեջ, մեկ ել հանկարծ Տարտարենի ախանջին դիպավ— թեև շատ հեռվից, թեև անորոշ, թեև քամուց կցկոտուր— մի հրաշալի մուրնչուն, վոր նա շատ անգամ լսել եր Տարասկունում Միտենի գազանանոցից:

Տարտարենը սկզբում այնպես կարծեց, թե այդ իրեն թըվում ե միայն... Բայց մի պահ հետո մոռնչունը նորից լսվեց, թեև դարձյալ հեռվից, բայց ավելի վորոշ կերպով և այս անգամ

ամեն կողմից վրանաբնակ արարների շներն սկսեցին վռնալ, ասից ուղտի սապատը դողդողաց, գնդգնդացնելով վրայի կոնսերվները և զենքի արկղերը:

Այլևս տարակուս չկար. դա առյուծի մոռնչուն եր. շուտ, շուտ, պետք ե իսկույն դարան մտնել. մի րոպեն անգամ թանգ ե:

Մի քանի քայլ հեռու կար մի մարաբու, մահմեդական սրբի գերեզման՝ սպիտակ գմբեթով և դռան վրա մի փոքրիկ խոռոչով, վորտեղ դրված էին հանգուցյալի դեղին հողաթափները: Պատերի վրա ճեղքերի մեջ խրված էին շորի կտորներ, վոսկեզոծ թելեր, շեկ մազեր, վորպես ուխտի արտառոց նշաններ:

Տարտարենն իր իշխանին և իր ուղտին տեղավորեց այն տեղ ու սկսեց դարան մտնելու համար տեղ վորոնել: Իշխան Գրիգորին ուղում եր հետևել նրան, բայց Տարասկունցին մերժեց, ցանկանալով մենակ ճակատ-ճակատի դուրս գալ առյուծի հետ: Համենայն դեպս նա պատվիրեց նորին բարձրության չըհեռանալ իր տեղից և զգուշության համար պահ տվեց նրան իր պորտֆելը, մի հաստ պորտֆել, վոր լիքն եր արժեթղթերով և բանկային տոմսերով: Նա վախենում եր, վոր այդ բոլորը կպատառոտվեն առյուծի ձիրաններում: Այդ անելուց հետո մեր հերոսը գործի անցավ:


Գերեզմանից հարյուր քայլ հեռու գրեթե ցամաքած մի գետակի ափին վերջալույսի նուրբ շղարշի ներքո սոսափում եր դափնեվարդի մի փոքրիկ անտառ: Այնտեղ ահա Տարտարենը դարան մտավ, մի ծունկը չոքած ըստ կանոնի, հրացանը ձեռքին բռնած և վորսորդական մեծ դանակն առջև հպարտորեն ավազի մեջ խրած:

Գիշերը վրա հասավ: Վերջալույսի վարդագույն շողը փոխվեց մանիշակագույնի, հետո ել մուլթ կապույտի: Ներքևում, գետակի խճաքարերի մեջ փոքրիկ հայելու նման փայլում եր վճիտ ջրի մի շերտ, դա գազանների ջուր խմելու տեղն եր: Գետակի մյուս ափում նկատվում եր մի սպիտակ շավիղ, վոր բաց էին արել գաղաններն իրենց խոշոր թաթերով: Այդ խորհրդավոր կածանը մարդու վրա սարսուռ եր ազդում: Ավելացրեք դրան աֆրիկյան գիշերների անորոշ շշուկները, ճյուղերի սոսափյունը, շնագայլերի վոռնոցը, վորս փնտրող գազանների անաղմուկ քայլերը, և այնտեղ վերևում, յերկու-յերեք հարյուր մետր բարձրութամբ թռչող կռուկների սրտածմրիկ կռինչը, վորը մոթթոտվող մանուկների ձայնին և նման, և այն

ժամանակ կհասկանաք, թե հիմնավոր պատճառներ կային հուզվելու...

Յեւ Տարտարենը հուզված եր: Նա նույնիսկ ավելի քան հուզված եր. խեղճի ատամներն իրար եյին խփվում, հրացանը ձեռքում դողդողում եր և նրա փողը դիպչում ավազի մեջ խըրված դանակին և զնգում: Հապա ի՞նչ եք կարծում: Լինում են որեր, յերբ մարդ տրամադիր չի լինում, և հետո, ի՞նչ արժեք ջուրը, յեթե հերոսները յերբեք վախ չզգային...

Այո, Տարտարենը վախեցավ, խիստ վախեցավ: Բայց և այնպես նա դիմացավ մեկ ժամ, յերկու ժամ, բայց հերոսութունն ել իր սահմաններն ունի: Մեկ ել հանկարծ գետակի ցամաքած հունից վտոնաձայններ լսվեցին... Այս անգամ մեր հերոսը յերկուդից գլուխը բոլորովին կորցրեց... Նա մթության



մեջ յերկու անգամ իրար յետևից առանց նշան բռնելու կրակեց և յերեսը շուռ տալով, գլխապատառ սկսեց փախչել դեպի մարաբուն: Մնաց միայն դանակը ավազի մեջ խրված, իբրև հուշարձան ամենամեծ խուճապի, վորին յերբեկեց յենթարկվել և վիշապներին նվաճող մարդը:

— Հասեք, իշխան... առջեւ...

Ձայն չկար:

— Իշխան, իշխան, ուր էք...

Իշխան չկար: Մարաբունի սպիտակ պատի վրա լուսնի շողերի տակ յերևում եր միայն ուղտի սապատի անձոռնի ըստվերը... Իշխան Գրիգորին ծկվել եր, տանելով իր հետ բանկային տոմսերով լի պայուսակը: Արդեն մեկ ամիս եր, ինչ նորին մեծութունը սպասում եր այդ հարմար առիթին...

Այդ արկածալի և վողբերգական գիշերվա հաջորդ որը, յերբ մեր հերոսը վաղ լուսադեմին աչքերը բաց արեց և համոզվեց, վոր իշխանը և փողերն անհայտացել են և այն ել անվերադարձ կերպով, յերբ նա տեսավ իրեն մեն-մենակ այդ փոքրիկ սպիտակ դամբարանում, խաբված, կողոպտված, լքված վայրի անապատում իր թշվառ ուղտի հետ միասին, մի քանի մանր փող գրպանում, այն ժամանակ Տարասկոնցին առաջին անգամ լինելով կասկածեց... Չերնոգորիա, բարեկամութուն, փառք և նույնիսկ առյուծներն այժմ արդեն կասկածելի եյին թվում նրան... և մեծ մարդն սկսեց դառնալին արտասովել ինչպես Գրիստոսը Գեթսեմանի պարտեզում:

Յեւ մինչդեռ նա այդպես գլուխը յերկու ափի մեջ առած մտախոհ նստել եր մարաբունի դռանը, հրացանը ծնկների մեջ, ուղտը կողքին, մեկ ել հանկարծ դիմացի թուփը շարժվեց և ապշած Տարտարենն իրենից տասը քայլ հեռու տեսավ մի ահագին առյուծ, վորն առաջանում եր գլուխը բարձր բռնած, արձակելով ահարկու մռնչյուններ, վորոնցից դողացին մարաբունի պատերը, մինչև իսկ սրբի հողաթափերը պատի խոռոչում:

Միայն Տարասկոնցին չդողաց:


— Ահա վերջապես,— գոռաց նա տեղից ցատկելով և նշան բռնելով... բոմբ... բոմբ, վորոտաց հրացանը և յերկու պայթյունից առույծի գլխին դիպավ գնդակը... Դադանի ուղեղը ցրիվ յեկավ պայթող հրթիռի պես խառն արյունի շերտերով և շեկ մազի ծվեններով, հետո տեսարանը պարզվեց և Տարտարենը տեսավ յերկու կատաղի նեգրերի, վորոնք մահակները ճոճելով վազում ելին իր վրա: Դրանք Միլիանի նեգրերն եյին, իսկ առյուծը, ով սարսափ, Մոհամեդի վանքի ընտելացրած կույր առյուծն եր, վորին գետին եյին տապալել տարասկոնցյան գնդակները: Այս անգամ ել Մոհամեդը վկա, Տարտարենը լավ ազատվեց: Նեգրերն անպատճառ նրան պատառ-պատառ կանչին, յեթե քրիստոնյաների աստվածն ոգնության չհասներ նրան, ուղարկելով ինչպես ազատարար հրեշտակ Որլեանսովիլի համայնքի դաշտապահ վոստիկանին, վոր գալիս եր մի նեղ կածանով, թուրը կռնատակին:

Վոստիկանական գլխարկի տեսքը մի անգամից հանգարտեցրեց նեգրերի ցասումը: Խաղաղ և վեհ կերպով իշխանության

ներկայացուցիչը իսկույն արձանագրութիւն կազմեց, առյուծի աճյունները բարձել տվեց ուղտի վրա, և հայցվորներին, ինչպես և պատասխանատուին, հրամայելով հետևել իրեն, քայլերն ուղղեց դեպի Որլեանավիլ, վորտեղ գործը հանձնվեց դատարանին:

Յերկար և տաժանելի դատավարութիւն:

Թափառաշրջիկ ցեղերի Ալժիրից հետո, Տարտարենը տեսավ մի ուրիշ Ալժիր, վոչ պակաս ահավոր և անհեթեթ, այն և քաղաքային, դատաստանական և փաստաբանական Ալժիրը: Նա տեսավ դատական այն խարդախութիւնները, վորոնք նյութավում են սրճարանների մութ անկյուններում, որենքի մարդկանց խուժանը, արսենթ բուրոզ «գործերը», շամպայնով արա-



տավորված սպիտակ փողկապները, նա ճանաչեց դատական կատարածուներին, միջնորդներին, գործակալներին, դրոշմաթղթի այդ մորեխներին, քաղցած և անկուշտ, վտիտ և ամենակուր, վորոնք լափում և պլոկում են գյուղացիների ունեցած—չունեցածը, թողնում են նրանց բոլորովին տկլոր, ինչպես յեզիպտացորենի մերկ ցողուն...

Ամենից առաջ հարկ յեղավ վորոշել, թե առյուծը վորտեղ և սպանված—քաղաքացիական թե զինվորական տերիտորիայի

վրա: Առաջին դեպքում գործը վերաբերում էր քաղաքացիական դատարանին, իսկ յերկրորդ դեպքում—Տարտարենը չենթակա յեր ուղղական դատարանին: Ռազմական դատարանի անունը տալիս խեղճ Տարասկոնցու մարմինը դող էր ընկնում. նա տեսնում էր իրեն կամ գնդակահարված և կամ գետնափոր զընդանում կուշ յեկած...

Սարսափելին այն էր, վոր այդ յերկու իշխանութիւնների սահմանները շատ խառն էլին Ալժիրում: Վերջապես մի ամբողջ ամիս գնալ-գալուց, սբան ու նրա դիմելուց, ժամերով զինվորական իշխանութիւնների առաջ արևի տակ սպասելուց հետո, վորոշվեց, վոր թեև մի կողմից առյուծն սպանված է զինվորական իշխանութիւն չորհրդամասում, մյուս կողմից Տարտարենը կրակելու ժամանակ գտնվել է քաղաքացիական հողամասի վրա: Այսպիսով գործը հանձնվեց քաղաքացիական դատարանին և մեր հերոսն ոճիքն ազատեց յերկու հազար Ֆրանկի տույժով, առանց հաշվելու դատական ծախքերը:

Ինչպէս պետք է վճարել այժմ այդ գումարը: Իշխանի թախանից ազատված մի քանի դուրուշը վաղուց ծախսել էր խնդրագրերի և դատաստանական արսենթի վրա:

Առյուծների դժբախտ վորսորդը ստիպված էր ունեցած—չունեցածը՝ զենքերի արկղը մաս-մաս վաճառել: Նա ծախեց դաշույնները, մալալան դանակները, կաստետը... Մի մանրավաճառ գնեց կոնսերվի պաշարեղենը, մի դեղավաճառ էլ՝ դեղարանը, բարձրավիղ կոշիկները և ճանապարհորդական կատարելագործված վրանը գնվեցին մի հնավաճառի կողմից, վոր այդ իրերը ցուցադրեց վորպես հազվագյուտ նորութիւններ... Բոլոր պարտքերը վճարելուց հետո Տարտարենին մնաց միայն առյուծի մորթին և ուղտը: Մորթին նա մեծ հոգատարութեամբ ծբարեց և ուղարկեց Տարասկոն քաջասիրտ հրամանատար Բրավիդայի անունով (շուտով կտեսնենք, թե ինչ պատահեց այդ առասպելական ավարի հետ): Իսկ ուղտը նա ուզում էր ոգտագործել Ալժիր վերադառնալու համար, միայն վոչ թե հեծնելու նպատակով, այլ ծախելու և այդ փողով դիլիթանսի վարձը վճարելու համար: Դժբախտաբար ուղտը գնող չկար, իսկ Տարտարենն ուզում էր վորքան կարելի չէ շուտով հասնել Ալժիր: Նա կարոտել էր Բայիայի կապույտ բաճկոնակին, իր գեղեցիկ տնակին, իր շատրվաններին: Նա ուզում էր հանգստանալ իր զովաշունչ գավթում և սպասել մինչև Փրանսիայից փող ստա-



— Կապիտան:

— Ասա իրեն, թող գնա, բարեկամ, — կանչեց վերևից մավրիտանուհին չարածճի և անպատկառ տոնով: Խեղճ մարդը թուլացած ընկավ մի թմբուկի վրա: Նա չէր սպասում, վոր արաբուհին խոսում է նույնիսկ Մարսելի բարբառով:

— Յես չէ՛յի ասում, վոր այնքան ել չպետք է հավատալ այդ ալժիրուհիներին, — խրատական շեշտով ասաց Բարբասուն, — ճիշտ այնպես, ինչպես ձեր Չերնոգորիայի իշխանը...

Տարտարենը գլուխը բարձրացրեց.

— Դուք գիտե՞ք, թե ուր է իշխանը:

— Ո՛ր, այնքան ել հեռու չէ: Նա այժմ հինգ տարով բնակվում է Մուստաֆայի գեղեցիկ բանտում: Խեղճին բռնել են տեղն ու տեղը, գործի վրա... ասենք վոր սա առաջին անգամը չէ, վոր նրան ծակն են կոխում: Նորին բարձրութունն արդեն մի անգամ յերեք տարով նստել է ինչ վոր քաղաքում... յեթե չեմ սխալվում, կարծեմ հենց Տարասկոնում:

— Տարասկոնում, — բացականչեց Տարտարենն իսկույն գլխի ընկնելով, — ուրեմն դրա համար եր ասում, վոր քաղաքի միայն մի մասն է ճանաչում...

— Դե իհարկե, Տարասկոնի այն մասը, վոր յերևում է բանտի լուսամուտից... Եհ, իմ խեղճ, պարոն Տարտարեն, պետք է աչքաբաց լինել այս անիծյալ յերկրում, յեթե վոչ շատ անախորժ բաներ կարող են պատահել... Այ, որինակ ձեր և մուեղղինի պատմությունը:

— Ի՞նչ մուեղղին, ի՞նչ պատմություն:

— Վան, չգիտե՞յ՞ք, ձեր դիմացի մուեղղինը, մոլլան, վոր սիրաբանություն եր անում Բայիայի հետ... Անցյալ որ «Ախպար» թերթը մանրամասն նկարագրել էր ամեն ինչ, վողջ Ալժիրը մինչև որս ել ծիծաղում է... Շատ զվարճալի մուեղղին է յեղել, վոր իր մինարեթի բարձունքից, աղոթքներ յերգելով հանդերձ ձեր քթի տակ սեր է բացատրվելիս չեղել սիրունիկի հետ և ժամադրություն նշանակել ալահի անունը կանչելով...

— Ուրեմն այս յերկրում բոլորն ել սրիկաներ են, — վողբաձայն գոչեց տարաբախտ Տարասկոնցին:

Բարբասուն փիլիսոփայորեն ձեռը թափ տվեց:

— Սիրելիս, ի՞նչ արած, այսպես է նոր յերկրներում... Սակայն յեղածը յեղած է — յեթե ինձ լսեք, լավ կանեք՝ իսկույն վերադառնաք Տարասկոն:

— Վերադառնալ, հեշտ է ասել, հապա դրամը... ուրեմն դուք չգիտե՞ք, վոր անապատում ինձ պլոկեցին:

— Վնաս չունի, — ասաց կապիտանը, — «Զուավը» վաղը ճանապարհ է ընկնում, յեվ յեթե ուղում եք, յես ձեզ կհասցնեմ հայրենիք... համաձայն էք, բարեկամ, դեհ ուրեմն լավ, վորոշված է: Այժմ մնում է անել միայն մի բան. դեռևս մի քանի շիշ շամպայն և կարկանդակի կեսը մնացել է... Նստեցեք այստեղ և անհիշաչար լինենք...

Կարճ տատանումից հետո, վոր նրան թելադրում եր իր արժանապատվությունը, Տարասկոնցին քաջաբար վճիռ կայացրեց և նստեց: Բաժակներն իրար զարկեցին: Բայիան, վորը բաժակների չխկոցը լսելով, վար եր իջել, ավարտեց կիսատ թողած յերգը և խնճուղքը շարունակվեց մինչև ուշ գիշեր:



Առավոտյան ժամը յերեքի մոտերքը, յերբ ազնիվ Տարտարենը գլուխը թեթե, իսկ վոտքը ծանր վերադառնում եր իր բարեկամ կապիտանին ուղեկցելուց, մզկիթի մոտով անցնելիս հիշեց մուեղղինին, նրա սարքած խաղը և քթի տակ ծիծաղեց: Նրա մտքով անցավ վրեժխնդրություն մի սքանչելի ծրագիր: Մզկիթի գուռը բաց եր: Ներս մտավ, անցավ խսիրով ծածկված յերկար միջանցքներով, բարձրացավ, ելի բարձրացավ և վերջապես հասավ մահմեդական մի փոքրիկ աղոթարան, վոր-

տեղ առաստաղից կախված յերկաթյա մի լապտեր ճոճվելով, տարրորինակ սովերներ եր հյուսում սպիտակ պատերի վրա:

Մուեզինն այնտեղ եր, նստած թախտի վրա, ահագին փաթաթոցը գլխին, սպիտակ արայով, չիբուխը բերնին: Նրա առջ զրված եր մի մեծ բաժակ արանթ, վոր նա բարեպաշտ կերպով ըմպում եր, սպասելով հավատացյալներին աղոթքի հրավերելու ժամին... Տեսնելով Տարտարենին, նա վախից չիբուխը վայր գցեց:

— Վոչ մի բառ, տեր հայր,— ասաց Տարասկոնցին,— շուտ, տուր ինձ քո փաթեթոցը և արան...

Թուրք քահանան դողողալով հանեց և տվեց փաթաթոցը, արան, բոլորը, ինչ վոր ուզեց: Տարտարենը զգեստավորվեց և ծանր քայլերով անցավ մինարեթի պառզամբը:

Հեռվում փայլում եր ծովը: Ճերմակ տանիքները պսպրում եյին լուսնի շողերի տակ: Ծովային մեղմ հովը բերում եր ուշացած կիթառների հնչյուններ... Տարասկոնցի մուեզինը մի պահ լուռ մտամտոփվեց, հետո բազուկները վեր տարածելով, սկսեց սաղմոսերգել սուր, ճղճղան ձայնով:

— Լն ալլահ, իլ ալլահ... Մահումեղը ձեր խեղկատակ և, Արևելքը, Դուրանը, Բաշաղաները, առյուծները, մավրիտանուհիները, բոլորը, բոլորը սուտ են... Ել չկան «թուրքեր»... կան միայն գողեր և խաբեբաներ... Կեցցե Տարասկոնը:


Յեվ մինչդեռ հռչակավոր Տարտարենը արաբերենի և պրովանսական բարբառի մի արտառոց խառնուրդով նետում եր տարասկոնյան իր զվարթ անեծքն հորիզոնի չորս ծայրերին, մյուս մուեզինների զիլ և կոկորդային ձայները պատասխանում եյին նրան, անցնելով մինարեթից մինարեթ, և վերին քաղաքամասի հավատացյալները ջերմեռանդությամբ ձեռում եյին իրենց կուրծքը:

## ՏԱՐԱՍԿՈՆ, ՏԱՐԱՍԿՈՆ

Կեսուր և: «Ձուավը» շոգիով լցված պատրաստվում ե ճանապարհ ընկնել: Վերևում «Վալենտին» կաֆեյի պատշգամբից պ. պ. սպանները դիտակն աչքերին՝ գնդապետի գլխավորությամբ, աստիճանի կարգով դալիս են դիտելու յերջանիկ նավը. վորը մեկնում ե Ֆրանսիա: Դա սպաշակուլտի գլխավոր զվարճությունն և: Ներքևում ծովախորշը պսպրում և: Նավամատույ:

ցի յերկայնքին հողի մեջ թաղված թուրքական հին թնդանոթների փողերը փայլատակում են արևի տակ: Բիսկրիացի և մահոնացի բեռնակիրները բազաժները դարսում են նավակների մեջ:

Տարասկոնցի Տարտարենն և միայն, վոր բազաժ չունի: Ահա նա իջնում ե Ծովային փողոցից, բանաններով և ձմերուկ-



ներով լի փոքրիկ շուկայով, իր բարեկամ Բարբասուլի ուղեկցությամբ: Անրախտ Տարասկոնցին մավրիտանական ափի վրա յե թողել իր զենքերի արկղը և իր պատրանքները. և այժմ նա պատրաստվում ե նավարկել զեպի Տարասկոն, ձեռքերը դատարկ զրպանում գրած... Հազիվ եր նա ցատկել կապիտանի մահույից, յերբ մի կենդանի հեվիհե վազելով, հասավ նրա հետևից: Այդ կենդանին ուզան եր, հավատարիմ ուղտը, վորն ամբողջ քսանչորս ժամ փնտրում եր իր տիրոջը:

Տարտարենը նրան տեսնելով, գուցնը փոխեց. նա այնպես ձեվացրեց, վոր չի ճանաչում նրան: Սակայն ուղտը ձեռք չեր քաշում: Նա վաղվում եր դես ու դեն ծովափի յերկայնքին, կանչում եր բարեկամին, նայում եր նրան քնքշությամբ. «Ինձ ել տար» — կարծես ասում եր նրա տխուր հայացքը: Տար ինձ հեռու, շատ հեռու այս կարտոնն Արաբիայից, այս ծիծաղելի Արևելքից, վորը լիքն և լոկոմոտիվներով և գիլիֆանաներով, վոր-



Բայց ժողովրդի ցնծութիւնն իր զազաթնակետին հասավ այն ժամանակ, լերը հեքյաթային մի կենդանի, փոշու և քըրտինքի մեջ կորած, հայտնվեց հերոսի հետևից և ծումովելով իջավ կայարանի սանդուխքներից: Տարասկոնը մի պահ կարծեց, թե իր առասպելական Տարասկն է, վոր վերադառնում է:



Տարտարենը հանգստացրեց իր հայրենակիցներին, ասելով: — Սա իմ ուղտն է:

Յեվ արդեն տարասկոնյան արևի, մարդկանց անմեղ սուտ ասելու վարժեցնող այդ գեղեցիկ արևի ազդեցութեան տակ, նա ավելացրեց, շոյելով ուղտի սապատը:

— Ազնիվ կենդանի յե... սրա աչքի առաջ եր, վոր յես սպանել եմ իմ բոլոր առյուծներին:

Այդ ասելով նա յերջանկութիւնից յերեսը կարմրած հըրամանատարի թեվը մտավ, և ուղտը յետևից, շրջապատված գլխարկի վորսորդներով, ժողովրդի կեցցենների մեջ — հանդարտ քայլերն ուղղեց դեպի Բաորբարի տնակը, և հենց ճանապարհին սկսեց իր նշանավոր վորսորդութիւնների պատմութիւնը:

— Յերևակայեցեք, — ասում եր նա, — մի յերեկո Սահարայի խորքերում...



## ԲՈՎԱՆԴԱԿՈՒԹՅՈՒՆ

Առաջին դրվագ — Տարասկոնում

Բաորբարի պարտեզը	7
Ընդհանուր ակնարկ յերջանիկ Տարասկոն քաղաքի վրա. դլխարկի վորսորդները	9
Վաչ, վաչ, վաչ: Յերջանիկ Տարասկոն քաղաքի վրա նեղակամ ակնարկի շարունակութիւնը	12
Նրանք	17
Յերբ Տարտարենն ուղևորվում եր դեպի ակումբ	21
Յերկու Տարտարենները	23
Յեվրոպացիները Շահայում: — Բարձր վաճառականութիւն: — Թաթարներ: — Միթե Տարասկոնցի Տարտարենը խաբերա յե: — Միբաթ	26
Միտենի գազանանոցը: — Ատլասյան լեռների առյուծը Տարասկոնում: — Ահաբի և հանդիսավոր տեսակցութիւն	28
Ուղևորութիւնից առաջ	36
Սրով կովեցեք, պարոններ, սրով... և վոչ գնդասեղով	37
Այն մասին, թե ինչ խովեց բաորբարի տնակում	40
Ուղևորութիւն	42
Մարտիլի նավահանգիստը: — Նավ, դեպի նավ	47

Յեկրոդ դրվագ — Թուրքի ախարհում

Ծովի վրա: — Յեսի հինգ դիրքերը: — Յերբորդ որվա յերեկոյան: — Ողնեցեք	53
Ի դէն, դէն	55
Դիմում Սերվանտեսին: — Ժամանում: — Ուր են «թուրքեր», «թուրքեր»	58
Հիան: — Հիասթափութիւն	60
Առաջին դարանակարութիւն	63
Բո՛ււմ-բո՛ււմ	

Եւ առյուծի յերևալը: — Սարսափելի ճակատամարտ: — Ճագարների ժամադրավայրը . . . . . 66

Հանրակառքի, մավրիտանուհու և հասմիկի փնջի պատմութիւնը . . . . . 69

Առյուծների առյուծները, քնեցեք . . . . . 72

Չերնոգորիայի Գրիգորի իշխանը . . . . . 73

Դու ինձ ասա քո հոր անունը, յես քեզ կասեմ այս ծաղկի անունը . . . . . 79

Սիդի Տարարի, բեն Տարարի . . . . . 83

Յերոզղ դրվագ

Աքսորական դիլիժանսը . . . . . 93

Անցվոր փոքրիկ պարոնը . . . . . 96

Առյուծների վանքը . . . . . 100

Քարավանը ճանապարհին . . . . . 102

Քիչերային դարանակալութիւնը դափնեվարդի անտառում . . . . . 108

Վերջապես . . . . . 113

Յդեա աղետի յետևից . . . . . 117

Տարակո՛ն. Տարակո՛ն . . . . . 120



« Ազգային գրադարան



NL0386477

1782